

仰瀆高明伏念臣升等試吏未優受才甚薄頃緣兩歲早禍相仍爰涉今年藥殃猶甚獄訟滋起怨謗橫生夢寐見於不祥官吏為之震恐今福莫大於無禍敢特祈禳為天雖高而聽卑庶幾降格適值先天之節敬陳淨醮之儀宣北斗七完之科慶中元四回始之會伏願叢霄洞鑒衆真護持閔茲窮谷之眚一洗如山之釁自今以始堅陟降之小心俾熾而昌荷生成之大賜

為衆禳災設黃錄醮青詞

孫仲益

道大弘濟物之功人窮罄籲天之禱自中原稔夷狄之禍而一方纏蛇豕之妖劫火熾然彌滿萬里胡塵瀕洞連絡百蠻慟哭

干霄肝腦塗地積骸蔽野醜血沅川走燐霄月遊魂書盡哭風

暴露靡一杯之覆春秋莫餽無半菽之分念衆生曠劫嬰釁之深丁一時大盜稱兵之衆貨財留戀骨肉牽聯淪溺愛河備嘗諸苦漂墮鬼谷無有出期是用仰紫極之真游集黃冠之勝侶琅函藥笈藏室弘開絳節朱裳靈游來下哀憐多罪技出三塗金飯玉漿有求皆至尻輿神馬無往不通破昏暗鎖而永離九地之幽乘逍遙遊而共集諸天之上

祈安設醮青詞

陳德明

林林總總羣居照臨覆載之間擾擾匆匆相靡於是非得喪之

域竊慮愆尤之積敢忘禳謝之懷竊念臣偏親六十餘合門數  
百指方屬行年之更始尚虞惡曜之來臨仰叩威靈大作幘幪  
之厦屋庶令竟歲常游駘蕩之春風

祈安設醮青詞

下民無知禍福隨機而感台高真善貸災祥每虞於祈禳俯竭  
丹衷仰干洪造竊念某等邑居窮嶠俗習淳風雖無商賈之阜  
通粗有耕桑之飽煖知為善之最樂思防患之未然欲鎮火盜  
疾疫之憂冀免水旱凶荒之變迺涓穀旦特啓醮筵虔命羽衣  
之流恭演琅函之典伏願齋誠上達仙馭下臨保茲蠢蠢之生  
降此穰穰之福無蓄無害三光全而寒暑平時雨時暘五穀熟  
而民人育

祈安設醮青詞

張正巳

隆天厚地共叨覆載之恩哀病殘年尤賴護持之力輒伸微懇  
仰叩洪均伏念臣山林故家韋布下士慕前世近古之學讀先  
入不售之書雖無一時之顯功獨有三世之陰德事君以道期  
不負於初心行已盡誠念敢忘於先訓屬神州之假擾當王室  
之艱危頗思痛哭以獻言不粹積憂而成疾志意槁落步武踣  
跚謹按仙科恭延淨侶伏願高真降鑒列聖儲休不憑上醫盡

去未疾唯鑿室之是戒庶嘯梁之無虞誦五千年益味於靈文  
誓二百指同依於至道

賽願謹醮青詞

孫仲益

雲天溥博大庇羣生螻蟻么微上干洪造伏念某紹興辛亥歲  
出守臨安府冥行妄發觸罪南遷仇怨滿前禍奇不測投荒萬  
里未知稅駕老幼百口狼狽無歸僑寓馬跡一島之上而村舍  
庖烟上薄煬突久燥欲焚天誘其哀夜中驚爆應時救護得免  
燔蕪弟婦胡氏猶子強宗三被危疾久藥靡效賴天之佑得免  
餘息嬰兒壽老免乳之疾母子沾危亦獲無恙皆臣弟峴齋心

烟

啓許前後七筵敢用昭告孀嫂劉氏頃緣幼女早逝願追福於  
後身侍妾鍾氏又以老臣行年懼延災於惡曜速茲穀旦祇奉  
靈科虔誦秘文重修菲薦誕惟仙聖靡隔塵凡哀憫手足急難  
之情保全駒犢孤危之命或伉儷之際若幽險之間蠲除回祿  
之災消彌歲星之厄仰憑帝力式副弘願俯輸危懇用伸報禮  
雖巍巍之大莫可管窺而區區之誠庶幾芹獻洗心歸命稽首  
投誠誓畢餘生永依至道如貧賤富貴壽夭之數固有定命不  
敢妄祈而水火盜賊疾癘之虞出於非常尚冀加護

祈安設醮南嶽青詞

吳穹緬邈雖冥然而難謀蝼蟻么微倘精誠之可格敢殫悃幅  
仰瀆高明伏念臣賦質顛愚奮力寒苦頃塵要路叨位宗工補  
衮和羹莫致將明之效敗材履餽遽貽顛躓之憂身投遐方禍  
及弱息一居謫籍四亦年華每俯伏以籲天祈哀矜之逮下冀  
令危窘獲遂安全神明所綏未淪於死所仁聖在上復許於生  
還祇荷寬恩徒居便郡載趨聖境恭啓靈場維喬岳之名區實  
真仙之福地薄展蘋蘩之薦罄陳肝膽之私尚冀聽卑終垂全  
佑蠲除夙孽敷錫嘉祥使晚歲偷安無重嬰於災沴闔門蒙福  
長共保於安康庶合含識之倫不失有生之樂

祈安設醮青詞

黃泰之

囿陰陽之域烏能無憂患之防叨覆載之恩何以表瞻依之慕  
爰披愚款仰叩高真忘其蝼蟻之微薦以蘋蘩之潔惟一念之  
誠不爽庶萬寶之鑿潛通悉蠲已往之愆益茂方來之祉雲車  
風馬肅觀咫尺之臨福海壽山願契百千之祝

祈安設醮青詞

劉忠肅

一氣清明體神而妙萬物三靈昭晰福善而降百祥願衰暮之  
餘年脫艱危於死地重蒙優詔曷處近邦望館御之非遙念歸  
依之有素恭伏蘋蘩之薦薄陳犬馬之私敢冀聽卑曲垂孚佑

伏念臣頃遊孤宦叨位宗工寵祿過分而易致於滿盈智識昏  
愚而寢嬰於罪戾身投遠裔禍萃私門比獲生還實踰初望下  
同子舍旁及天倫俱被上恩悉從內徙雖未離於謫籍知幸免  
於畏途尚祈洪覆之兼容更冀大明之委照載加矜惻終錫保  
綏使歸老丘園不愆於微志貽休嗣續無損於素風彌災沴於  
方來保歡康於晚歲

賽願設醮青詞

言念曩歲獲拜琳宮惕仰威靈祇布誠懇殆涉半世復尋舊游  
自忻疵賤之餘生久沐生成之大德猶干微祿未泯此身冀深

憑

謝於積愆思少肅於前誓顧已衰之門戶尚欲扶持慨將老之  
年齡或堪勉敢兼洪造仍布夙心

禳災祈福設醮青詞

天道助順視聽近而自民至誠感神沐浴可以祀帝仰緣瞻鑒  
冒進忱私臣稟此微生陶於大化委形乾造已畏於盜天受祿  
聖辰更虞於竊位毀譽是非之交至吉凶悔吝之由興曾是大  
憂叢之小已順有生而欠累豈人謀付常序而居安實煩帝力

祈福懺罪設醮青詞

寵祿叨踰深荷國恩之厚室家燕喜仰蒙帝力之宏雖天地無

責報之心而螻蟻有啣感之志輒消穀旦躬造殊庭繙寶笈之  
盛儀會上真之颺馭躬請命稽首輸誠伏願精意昭升高穹  
降鑒凡罪辜之既往咸許蠲除或功利之方來尚期積累介多  
祥於壽母錫餘慶於詵孫惟孝與忠敢內欺於俯仰自頂至踵  
靳永託於生成

禳災設醮青詞

乾高定矣以言乎位則卑尊之莫交日監在茲苟著其誠則影  
響之私格爰建迎年之醮敢伸事帝之虔公舍肅嚴法壇敬淨  
伏念臣機靈甚淺德性弗克承教經之素風起如綫之孤緒浸

煩帝力久竊勢榮念無功於人知莫鼎於覆壽惟不欺之志或  
可薦於神明越自比年稍愆常序私門糾紛於多故外患起伏  
之不常僅歷秋冬連鐘哀響仲子奪於強仕季女逝於已行惕  
焉求端凜不知措蓋福過者災有時至道盈者天之所虧履變  
以兢悼心若隕恭念九清之上不遺一物之微以祓除愆尤為  
仁以洗滌憂患為德會歲元之更朔稽寶式以試儀毓毓在心  
既自新於修省明明居上或敢怠於祈禳紫霄無聲景緯在望  
盡物乎外絜精於中伏願三境鑒通列真臨聽撫有生之累一  
視以仁推大道之原曲成乎物錫安全之運於新曆蕩滯厄之

會於故陰公私救寧族屬康靖使沐浴之惡獲承事於大神雖  
鷓鴣之微亦不顛於常分

禳災設醮青詞

覆燾無私就非陰陽精神有感固可潛通伏念臣久積罪愆日  
虞禍罰仰陳再造迄獲自新尚懼意雖至而未孚謹既深而荐  
及自春祖祖夏兼疾以憂加以洗垢之迹已形觸網之傷可畏矧  
微官之數免且舊德之寢衰歷敷哀籲之言敬冒蓋天之聽式  
祈陰佑宅遠安全止莫彌災不敢徼福倘蒙緩死俾未墜於箕  
裘何可謝生但願堅於名節

禳災設醮青詞

歸心天道託命至仁生世合八十三年聚族殆千五百指天行  
有伏每懷疾瀉不測之憂世事多虞又懼水火非常之變輒伸  
丹懇仰叩大闔曲軫鴻私俯從人欲蠲除疾恙洗滌罪愆門戶  
清寧田園登稔養老慈幼有團圞之喜安居暇日無啼號之聲  
退者餘生實繫大造雖乾坤之施義無所謝而豺獭之祭物有  
固然爰即家庭恭修報禮固不敢以貪嗔癡僥求無妄之福乃  
所願者平安泰優游垂蓋之齡

淨懺

淨獄設醮青詞

張之紀

造物至仁衆生迷貪嗔癡之業積惡所感終身陷殺盜淫之  
小者傷肌刻膚大則穴胷殞首孽由自作性至不移縱能悔禍  
愆繼創於一時復出為惡係累於旋踵茲用抵法而不已雖得其  
情而可矜眷此郟城號為劇邑民繁訟簡有太平淳朴之風歲  
稔刑清致盜賊彌寧之效以政和戊戌歲六月二十四日獄空  
謹按靈科上干洪造真高真之降格憫下土之窮呼拔罪極憂  
益導迎於和氣洗心易慮使不犯於有司誓與羣生永依大道

淨獄設醮青詞

李文老

國家閒暇堯仁方徧於九垓圓圓空虛漢律遂淑於百  
承宣之責實繫覆燾之功用昭謝於洪私庶導迎於和氣明謹  
而不留獄敢矜五聽之精庶蒙必有豐年更賴三清之助

播芳大全文粹卷七十三





聖宋名賢五百家播芳大全文粹卷七十四

青詞

祈嗣

祈嗣設醮青詞

楊祐甫

大道善應無方體之可求人欲必從有情性而不忒敢傾微悃  
上瀆高聰伏念臣竅啓童心顛蒙駕質雖翹於一氣譬蠕動  
之何如少也不祥早神傷於陟岵長而止賴徒情特於凱風以  
小善無益而莫為故定命靡諶而弗佑綵衣以養寧於母心  
莞篲空陳光違於熊夢輒憑清侶仰叩員真庶通葵向之誠陰

錫椒蕃之福伏望大均廣運洪造曲成肇舉添丁莫共勤於農  
柅常樂有子永均賴於國風

催生保安設醮青詞

劉忠肅

大道無形莫求於聲臭至仁愛物善應於洪纖輒款靈場滌陳  
丹悃狀念臣本非無識幸齒最靈鸚鵡披林鶴願安於常分愚如  
芻狗但樂於至仁今臣之妻方身於此考夢祥之戒兆念寶典  
之有祈序協嘉平迎厥誕彌之月朔維乙亥又其本命之辰并  
此吉時恭菴陳清醮潔誠齋戒祇事夙宵瞻顙圓而若臨跂景緯  
之在望伏冀上真孚佑列聖儲休拂其災害之虞錫以康寧之

福虔其寶鑑仰瀆高靈

誕免禳謝設醮青詞

圓穹垂佑非求報於有生庶類蒙休合知歸於洪造輒輸愚悃  
仰瀆高靈昨者以臣妻任氏夢祥戒期乳產協吉起居向皆寧  
無奸於陰陽食飲節宣固有蠲於拘忌而既生育兩無疾災由  
列聖大亨以仁使一物皆得其所輒齋誠於淨館伸報謝於洪  
私凡在生成雖無物足以稱德苟能齋戒雖惡人可以事天更  
冀錫以壽康為之終始

生子賽願設醮青詞

洪造無私仰荷生成之賜微誠曷報少仰伸感幸之悰伏念臣向因彌月之辰嘗露願天之請丹衷上達善願俯從居然就蓐之安坐獲懸弧之吉悉蒙恩佑佑敢負初心虔修清淨之科進瀆高明之聽伏願上穹降鑒列聖垂休從茲襁褓之男日增長茂更昇閨門之集時遂康寧

誕免賽設醮青詞

大德曰生已協熊之夢至誠無息敢傾螻蟻之心比臨蓐以懷憂輒欲望雲而請命亟賴乾坤之孚佑肆令母每子之驩康爰具真科用酬玉貺以似以續幸家世之有傳難終難窮庶年

齡之永久

禱病

為父穰災設醮青詞

王望之

愛敬盡於事親敢忘喜懼齋戒可以事帝惟務感通輒傾翼翼之誠抑瀆仰高高之聽伏念臣某老年耄矣衰髮皤然少違攝養之方稍至虛盈之疾胃弱倦於食飲疥癢疲於抑搔取應元命之辰恭設上穹之供仰祈真聖俯鑒丹心病勿藥而遂瘳壽如山而益司誓崇至道永荅諸恩

為母保安設醮青詞

赫赫在上無聲臭之能通款款之愚有精誠而可格敢冒雷霆  
之譴冀申駒犢之情伏念臣久寘周行上依洪造一門受祿思  
逮旋倪六歲守邊効無毫髮幸起居之良便獲溫清之不違屬  
當孳斂之初閒多孝艾之感用深怵惕懼失平和敢涓時日之  
良具啟黃汗之薦被除咎悔招致吉祥伏願上帝溥臨衆真昭  
格錫以康娛之應蠲其約結之勞天地至仁豈棄捐於螻螻毋  
子為善當傳付於子孫

為母禳災設醮青詞

欲壽其親實人心之至願無私於物仰天鑒之弗道違畢竭精誠

懇祈孚佑伏念臣母封邑某氏嘗嬰疾疹備極憂虞雖諧藥石  
之功尚有夙宵之懼盖慮曩愆未弭陰罰猶深恭啓淨筵仰干  
洪造願錫康寧之福偕登耆耄之年均逮家庭悉仰壽祉

為母禱病設醮青詞

林豈塵

天道難謀莫測高明之妙母氏喜善或庸疾痛之伸輒露丹衷  
仰于洪造伏念臣少孤多蹇偏侍焉依僅忝一官之微方諧三  
釜之養而母妾張氏比緣徃臘偶跌殘軀迄今延七八月之間  
而脉有五六至之數徃來寒熱喘急浮虛雖藥石以交功矧桑  
榆之已暮念下堂而傷足行或使之惟及反本以呼天勢莫急此

適值勞於本命用嚴按於真科伏願何禍不消勿藥有喜百拜  
手以為壽固人子之至情一跬步而不敢忘仰真宮之密護

為母禱病設醮青詞

大馬太馬有養乃徃聖之格言螻蟻輸誠賴皇天之昭鑒輒伸危懇  
仰瀆蓋高伏念臣母永壽縣太君王氏克配先臣肇興衰緒衣  
被三百指動勞六十年有造家之大功無持身之小夫偶嬰疾  
疹久歷歲時浸至虺羸實深憂懼此蓋子孫稔惡門戶匪昌降  
殃乃及於老親誅罰不加於小己是用籲天引咎伏地祈哀載  
潔清壇恭延開士伏願上真垂佑列聖降衷察慈母之平生感

孤臣之末路沉疴頓去亟收勿藥之功盡室何為惟結省愆之

誓

為夫禱病設醮青詞

宣化承流或蹈陰陽之患赦過宥罪願回天地之心若時良人  
尤識下邑欲更新於百弊宜積愆於一身西館 冒方隅而  
罔測東垣版築臨歲序以奚逃加之五命九星偶此三刑六厄  
接春夏而猶梗衝已亥以仍災藥石端前曾莫施於人力雲霓在  
望當曲借於神威會習是而知非庶轉禍而為福一洗腹心之  
苦肆令膚革之充既安既寧永壽期於千載有慵有性迎道蔭

於九霄

為男禱病生日設醮青詞

作善而降之祥事固關於天道不誠而未有動理亦繫於人心  
輒瀝丹衷仰干洪覆伏念臣男具官某年方羈貫寵冒簪裳近  
拙衛生旋致陰陽之爽未全勿藥實深父子之情是用歸命絳  
霄投誠黃宅恪取誕生之旦躬陳醮謝之儀遵琅函琅笈之科  
凱風馬雲車之會虔祈降鑿早迪吉康壽綿三素之雲氣暢七  
粢之齋俯殫精意固備寫於翹勤仰瀆圓清願默垂於孚佑

為女禱病設醮青詞

天地之德常均覆載之仁父母之心不勝駒犢之愛敢瀝殫以  
懇悃以冒瀆於蒼穹臣資之進修積多憂患歷年於此疾幾徧  
於一門涉春以來病復侵於長女悵藥石之弗效懼膏肓之已  
深與其委命於巫醫不若求哀於仙聖肆式羽衣之典冀延風  
馭之臨伏願上帝垂恩諸真降鑿念其雅雅蕙素勤孝悌之修愍  
此沉疴賜以痊安之應當共期於頂踵庶仰謝於生成

為女禱病設醮青詞

穹然上儀蠢爾大類天人之際固遠而莫交影響所通有誠而  
可格祇伏清場之次虔敷丹款之詞伏念臣本微生陶乎大化

冒國恩於中外絲帝力之生成而臣之第二女趙氏婦佺爰自  
舊年偶嬰內疾陰陽之陞降或失其序脾肺之逆順不相違和  
氣液輻乎中形色變乎外乍退而進復謂有而若無殆及歲暮  
未收藥喜意其運歷之有會選或者星宮之所如臨空復懼心  
莫能致力夫惟物一失所則造化以為病人有不得則呼號以  
及天誼稽式於科文用歸誠於禳謝伏望上聖孚德列聖協仁  
袞其無妄之災錫其降康之祐庶獲安於常序仰無累於大均

禱病東嶽設醮青詞

表儀四鎮孰尊孰喬岳之靈臨長百神爰有天孫之貴廓洪慈而

溥施應精禱以咸孚伏念某頃自秘秋浸嬰微疾恐尤違之斯  
積致譴責之攸加或歷數之將衰慮年齡之不永省躬自刻敢  
少怠於忱恂降福維新實仰憑於陰陽是用袞除庭宇遵按科  
儀延飈馭於紫清罄悃誠於丹素伏願真靈孚佑慈寶鑒臨崇  
降嘉祥滌除灾癘誓竭精純之守仰酬洪覆之恩

禱病保安青詞

人大患為有身豈免并毗之寇天蓋高敢不竭用斬孚佑之仁  
輒羞蕙蒸蘭藉之儀式延風馬雲車之馭功王九闕而稽首罄十  
念以陳詞伏念臣早服微官晚叨內職七年去國敢妄意於功



名五月養痾猶未蠲於藥石今則患纏石足脉滯三經雖不爽  
於良行然猶慮於逸步或謂風淫未解或云氣滯弗宣嬰病者  
日異於十全理疾者猶持於兩可足用輒據丹懇仰叩高真伏  
祈覆載之慈特昇康寧之福齋戒以事帝既殫精意之誠忱痛  
疾則呼天蓋出人情之迫切

禱病設醮青詞

昊穹杳邈無遠不周螻蟻賤微在誠可格仰叩昭昭之鑒俯陳  
款款之餘伏念臣起自孤寒擢居侍從冒寵靈之已過輸積効  
以無聞雖夙寤宵興期臻利益然任重道遠懼積愆尤而况護

絕塞者五六年統屬城者十一郡政刑寬猛倘或失中囹圄重  
輕未能無誤茲獲神明之譴用招疾恙之侵雖曲荷於哀憐已  
頓諧於痊愈尚餘纖末未復故常敢稽首叩閣誓洗心而改過  
伏願上真旁燭諸聖溥臨大回日月之光深愍駒犢之病赦其  
罪戾賜以夷瘳溝壑未填倘尚依於覆載頂踵何忘願少謝於  
生成

禱病設醮青詞

應天以實敢陳文過之詞小智自私輒露貪生之請仰惟乾坤  
之大造俯鑒螻蟻之微誠伏念某生而顛愚幼多罪戾驕奢自

恣猖狂妄行爰自無始以來養成莫大之患皆緣貪嗔癡之威  
習造為殺淫盜而不知罪孽所鍾疾疢斯作喘滿言於飲食支  
離幾廢起居恐遂沉綿莫知圖救捫心自省難追既往之愆當  
指啣哀覬許自新之路輒憑道侶恭演真科精意默通高真垂  
佑願賜再生之澤早臻勿藥之斯誓畢此生歸依大道

謝安設醮青詞

天道助順方王佐於私門人情喜安敢獨忘於隆施靜惟一介  
久去四明庭闈時奉於好音聞閭日從于燕處誕均百福夢暨  
羣兒雖大化密屬曾莫知其所謝而至誠能動或可藉以為辭

恭對蘭場恪羞蘋薦庶竭歸依之力用鼎覆燾之恩室家臻  
已無憂於旦暮吉祥止當不變於初終

謝安設醮青詞

苟有明信雖微物足以薦神惟能潔誠故惡人可與事帝幽顯  
之際影響昭然道固無私理則有感凡具生知之類咸資覆育  
之恩蓋如父祖之用心均欲子孫之得所僭陳危懇仰叩至真  
願憐迫切之愚哀曲賜聰明之鑒照伏念臣稟生陋劣受性顛  
蒙道不可違而豈能無違道之愆情不可任而間亦有任情之  
失詩書夙好居雖勵於修為漫情照臨恐未逃乎愧作往歲辛

均

卯公擢彭門偏調護之失宜致寒食之交戰鑿師措手樂物呈  
能坐集百憂尚稽小愈乃呼天而請命繼沃臆以陳辭夫何溥  
博傳之洪鈞不忍細微不告病高其母而下其耳遽沐降康甘旨  
食而安其居造臻勿<sup>藥</sup>靜念神明之所昇豈容僥倖以及斯得  
逎死<sup>亡</sup>唯知感載欲具蘋蘩之禮適丁苦塊之艱本懼觸於尊  
威致未伸於荐獻即此慢易重成罪尤苟察其中之無他猶冀  
天上之必赦今者恭按科儀嚴列供張庶効消塵之報式殫犬  
馬之誠茗椀薰爐在凡情而無息雲車風雨希帝澤以來臨於  
忙之惚恍之間望欣、樂康之應答潛掃蕩災絕侵陵生存獲  
青命之長元汲投幽陰之苦凡此私禱深瀆高穹

謝安設醮青詞

黃泰之

承流宣化敢忘撫字之勤耗慮疲精是致節宣之爽密祈陰薦  
用迪吉康稽顙知歸滙秉有請伏念臣蒲柳易衰之質樛櫟無  
用之材茲小試以臨民寔見憐於造物憂慮悔吝未免閒愁之  
入心扶持安坐果使沉疴之去體甫臨書考復忝台恩謾輸議  
懇之在三未報鴻私之萬一輒憑青醮用薦微誠仰冀高真俯  
垂昭鑒爰自復陽之始益開泰道之亨后厭海邊幸脫跡瘴而  
蠻烟之外恩隆天上遂託身春風和氣之中

禱病設醮青詞

林豈塵

禍淫福善於昭天鑒之明視履考祥莫非已求之自敢殫誠赤  
上達圓清伏念臣樸學因庸顏齡侵逼昨日留都而瀝請獲歸  
故里以養安荷君上之大恩未知稱塞取朝廷之公器已極叨  
逾繇盈溢之生災果陰陽之致寇食哀特粥曾何尚飯之能足  
不良行且有既微之腫望扶持全安之賜歸包含徧覆之仁是  
用薰被忱衷歸投洪造伏望三清昭格列聖溥臨虧除愆尤敷  
錫祉福疾造有喜庶幾勿藥以遂瘳老無能為更冀及年而得  
謝

禱病設醮青詞

三年於此愧無補於承流百堵皆興念有心於革故偶當三黑  
七赤之次重詒五臟六腑之憂餐漫魚向寒激達旦氣獨升而  
不降萬苦填胸疾已却而復來衆醫拱手迺決疑於象數亟歸  
命於穹蒼蓋去弊必快從權既往不咎而誤心初非為已雖悔  
可追肆嚴禳禱之科一救繕營之失方習是知非而有請宜赦  
過宥罪以無私袖之格斯度共安於冥漠天其或者將遂昇以  
壽康誓犬馬之餘生圖報乾坤之大賜

禱病設醮青詞

疾痛呼天本凡人之常態齋戒事帝寔先王之格言既可微辭  
敢忘重謝伏念臣先乘一障近控二邊多以鬼稱殆非人境暴  
風發屋毒霧障山有三百性命之憂無二十石仕宦之樂陰祈  
極護默賜感通灾疾既平終更以理冲科恭閱寶席夙薰尚歛  
微恩未知報德伏願大神昭鑒衆宰溥臨祐此凋年敷之美福  
當益持於晚節用少荅於殊休

謝保安設醮青詞

監觀四方天蓋垂於顯道齋明盛服人必効於敬心臣冒寵清  
時得閑暮景滿盈是戒敢忘止足之思疾疢易生每幸康寧之  
保皆化工之攸庇豈綿力之可冀適屆初春虔修差供伏願上元  
校錄均庶彙以承休投老年齡與闔門而無恙

禳時災

禳火災設醮青詞

謫居高安行將再載杜門自省日懼禍灾乃者火焚闔閭勢極  
熾猛風從北來正趨館舍治任孽族未知所適而風回火轉幸  
免焚藝向非神祇察憐憫困窮則雖免火燼之虞必有狼狽之  
患敢陳菲供少荅靈聰伏願洗滌宿殃稍垂慶祐

禳星變設醮青詞

晁崇福

惟天佑聖昭垂儆戒之文惟聖畏天克盡嚴恭之實交修庶政  
祇飾清躬固已式叶於帝心方且仰回於星馭仍欽明命載歎  
殊庭嚴寶錄之上儀倏颺靈之丕鑿叶成休氣敷暢皇家外暨  
多方咸浸厚祿

禳水災設醮青詞

靜專動直示禍福以無私陰慘陽舒幹災祥於莫測輒罄修禳  
禱祠之理用回生殖長養之心乃眷淮壖猥當江汜適屆九秋  
之候遂傷三日之霖百川交流一月不息平時闌闌半為魚鱉  
之淵樂歲田疇盡作舟航之地方巢居而茹飲宜蘋薦以祈哀

謹叩丹霄恭投血懇既動縈宸之視聽亟祛綠水之波瀾十室  
以寧豈獨道承宣之責一方懷惠又兼明覆壽之恩惟帝矜憐  
鑒人歸命

禳水災設醮青詞

萬物皆係於天五行初一日水流不軌道害欲沉堤非人力所  
能救梧繫神造為之主宰式敷誠懇仰叩昭明伏念臣職在河  
防分先士卒惟賦才之甚下同用智之不先載顧狂瀾遽有漂  
山之勢雖殫狂力渺無由地之期豈徒深曠職之憂始且有壑  
溺之懼仰祈陰祐俾既安流沉溺不搖孚梁益固息謹訶於厥

職省勞費於攸司

祈水退設醮青詞

天不私於愛物人無告則呼天此者雨潦既澍川流暴溢鶴鳴  
于埳未瞻杲日之光城復于隍幾有襄陵之患命且危於晨暮  
力已困于捍防敢謁直宮仰祈元聖惟異享其精意於此下民  
詔風伯以驅雲遣波神而洩水復變桑麻之野不為魚鱉之隣  
承賴生成敢忘歸報

祈雨 謝雨

祈雨設醮青詞

張恭政

木飢水旱雖閔冥數之推移金簡玉書能極極含苦輒披危懼仰  
瀆高靈伏念臣叨領帥藩米周歲律幸姦偷之屏跡期閭里之  
奠居晚死之民力耕者無幾垂成之稼計日而望收自夏至秋  
不雨踰月飄風震蕩雲欲族而還開烈日炎威泉有源而亦固  
嘉穀焦枯而就晝老農籲號而莫聞富室已閉糴而幸災朱商  
亦騰價而射利將成赤地難逃饑饉之憂且懼綠林復起推埋  
之暮由臣非才假守無德及人政刑或恐干陰陽之和精誠無  
以格幽明之佑靡神不舉徒自竭於愚衷謂天盖高終必從於  
人欲是用即仙聖飛昇之故地嚴高真館馭之殊庭從建淨筵

宣揚祕笈伏願靈旂鑿顧亟禳旱魃之威膏澤誕敷曲借雨師  
之力沛然雷足蔚矣昭蘇收薄稔榆桑榆豈云小補故雲生於  
溝壑永戴鴻恩

祈雨設醮青詞

鶴鳴九皋上雲霄之不聞蟻居大澤知陰雨之方來蓋動燔之  
慘舒皆範圍於覆載民之痾瘠帝實矜憐伏以八卦位而四時  
成六氣和而萬物得因其林而篤焉則易為力非其時而望之  
則無見功敢殫祇禱之心倘動昭回之鑿維是民社介乎江山  
以陂澤為家以稻秬為命仰口而哺者蓋且十萬塗足而耘者

逮其悞嬰夏方用事而養和土則滂暑而不雨失此幾會且為  
謹凶走百神以告哀蒙小惠而未濟是用洗心虛寂戒日吉蠲  
歎帝閭之崇高請民命於濟壑惟天地實民父母忍赤子之渴  
飢雖山川能出風雲必有司於甄令恭惟成就莫得昭知四方  
願哀下土之黔垓北鴻鈞之造錫予膏澤躋登豐年重念賜微  
一介之臣典司百里之命傾投五體瞻望紫宸無任祈天俟聖  
激切歸依之至

祈雨設醮青詞

上天愛物必令萬彙之蘇小吏字氏願救一同之歎仰投真宰



俯控危衷維此暨陽荐罹歲旱臣比初達於封境即親視於郊  
原麥苗雖出而悉已萎黃溪港不通而僅存涓滴持百錢糴三  
升之米多雜糠粃越數里汲一罌之泉半和泥滓畎畝圻裂不  
堪鋤犁室廬空虛無可貨鬻念荒時之難度惟造物之能蠲祇  
即琳宮企迎瓊馭伏願雨雪之滋潤慰田野之焦熬民所欲天  
必從諒蒙休應今以始歲其有庶望小康

祈雨設醮青設

昆子西

篤政不善害於時和自夏以來再以旱告固知上天不宜屢瀆  
每念荒年實有可憂豈惟轉車人徒之屬連無以奉上亦恐父

子兄弟之離散不能為邦願憫夏畦人勞而未償無使秋稼垂  
成而或敗歲則大熟民小康

祈雨設醮青詞

林豈塵

農心憫雨深懷失業之憂吏職承流敢彈責躬之請俯輸悃悃  
仰瀆高明伏念葦菡雨城瀕乎海嶠地狹半涵於瘠齒人稠惟事  
於耕云倘田疇之不收則溝壑之立至梅蒸失潤袂掉已枯涸  
滌既嘆於焚燠深寔深於若捷謹延真馭敬集靈壇豈能出力以為人且務齊心而謝過  
伏願乾坤降鑒畢月爭輝雨澤應期願解電文之所秋成有望可占魚夢之祥

祈雨設醮青詞

十日之雨久愆時若之期八口之家行失西城之望禱羣祠而精神未格諒百神之譴怒未休吏雖無良宜獨當於災咎民亦罪何得重困於凶荒惟昊天有育物之仁惟上帝體好生之德若不籲號而瀝懇冒致鑒觀而俯從敢因舊儀祇薦誠悃伏惟元功不宰至道無私用昭善應之休以救如焚之勢作為甘澍潤澤嘉生周寰宇以廓清霽田疇而霑足下全民命載釋吏憂天地交而萬物通已除凶歲寒暑節而五穀熟停報豐年

祈雨設醮青詞

民之貧困未有甚於此時田無歛收則使餓於我土惟天眷佑以時雨暘乃自是月以來遂致膏澤不下田畝之苗莫立堤關之水未通今者部封惕為憂懼倘三日之不雨必百穀之無秋如此閔閔農工丕降汝罪告於皇天后帝寧予我躬明喔以祈隕越于下

祈雨設醮青詞

歲事至重惟天寔為民食不豐緊吏之咎仰瀆穹高之聽敢陳懇請之辭伏念流行之節雖云代有大甚之旱亦或可推臣等泣官於茲奉職弗謹唯恐失政不能致和故使四境之間至於連月不雨懼有槁苗之患莫救嘉穀之傷深憂如薰彌祀不效

其用輒遵道教恭設科儀伏願享此忱誠鑒其瞻仰錫以霽電澤  
之澤助天稼穡之成若乃亦有秋是為農夫之慶則何以卒歲  
不起小民之咨如此微臣實受厚福

祈雨設醮青詞

雲霄高遠聽無卑而不聞螻蟻細微必有誠之可格眷磁州境  
連屬歲荒萬口嗷嗷慮深填壑三農閔閔志功望霓雖羣祀之  
偏修尚甘澤之未應仰憑道力恭叩天閣伏願上帝垂仁諸天  
降鑒震雷出令盡興久壑之龍破塊流恩一洗將枯之麥

謝雨并祈穀青詞

熊子復

早當七八月之間比殫虔禱雨既三五日以徃仰荷靈休有開  
必先無德不報庸即琳霄之宇聿遵瓊簡之科恭設淨壇企延  
飀馭爰念黍苗之未實尚憂螟螣之為災民所欲天必從願畢  
垂於學佑今以始歲其有庶荐格於豐穰

謝晴青詞

九月築圃方欣南畝之暵三日為霖或作西成之害天不言而  
善應民所欲而從必曠曠其陰蠢爾一時之藥杲杲出日然  
百里之和常意何私人心易感謹輸丹悃上瀆紫霄神之格思  
仰九霄而難報物其多矣庶萬變以咸登

祈雪設醮青詞

天施地生既莫知其所報旱乾水溢尚未免於有求敢緣遷載之恩用竭吁嗟之懇惟趙之北自東以來雲欲族而遽收雪嘗降而未渥雖徧走羣祀之衆曾莫肯聞而仰叫高穹之嚴蓋不得已伏願上清降鑒諸聖感通號令川嶽之靈奮起龍蛇之螫沛為嘗潤澤此焦莫蒙父母之慈不違螻蟻之願

祈雪設醮青詞

上帝降觀善於救物下民靡告危則呼天比者時雪既愆宿麥將槁吏雖不得人亦何辜敢瀝丹衷上祈真聖願施一尺之澤

俯紓千里之憂益罄齊虔少鼎滋覆

祈雪并禳火設醮青詞

高天在上故無棄人至誠如神可與事帝比者時方卒歲陽反代陰水不整疑木多燥福年麥已播未霑為瑞之滋縵並相望每有救焚之懇敢伸醮設共罄懇祈庶有感而必通將轉禍以為福伏願三清福佑列聖鑒觀膏澤應宇豐年熒感循於常坎揚漂不恆無徒薪曲突之勞盈尺既漫遂飽食逸居之樂共荷生成之賜不忘歸報之勤

進薦

薦父九幽設醮青詞

無父何怙可勝痛割之情謂天蓋高俯聽忱恻之懇幽明雖異  
祈服則均伏念臣亡父某人弗享遐齡倏歸冥路居諸云邁追  
悼何窮於其得疾之時嘗有祈哀之請謂天官赦罪時適際於  
中元而人子愛親心敢忘於一念薄陳清醮少荅高穹盡除疇  
昔之尤或在超生之域禱祭實受其福願竭誠心死者不可復  
生姑償夙願

薦父九幽設醮青詞

高穹冥漠惟誠意可以潛通滯魄幽沉伏慈光為之下照顧茲  
懇切敢不歸報伏念臣亡父某向佛精勤奉真龜勉叨蒙仙錄  
願享遐齡何其得疾之弗瘳遽歎養親之不待雙輪易邁三七  
俯臨輒伸哀悼之誠用薦幽冥之地惟願九天原赦承拔亡超  
度之恩五苦停酸享自在逍遙之樂

薦父百日設醮青詞

年始及笄預卜有家之願生何報德俄虧失怙之瞻踏地靡圖  
籲天敢告伏念臣亡父某慈祥賦性朴直謀生豈云無妄之灾  
輒有不虞之禍醫徒屢試雖百藥以無功幸則先知蓋十年而  
以驗固死生之有命在幼稚以何堪適當勿反之旬爰起悼亡

之感尚期大造俯格微誠憐人子答親之心曲垂昭鑒赦先父  
既往之咎俾脫沉淪

薦母設醮開壇青詞

枕塊寢苫方深念世披肝滙膽敢不籲天願憑不宰之功少度  
無邊之苦伏念臣母自從無始爰及有生于身三口四之中造  
人百已千之業奄歸長夜恐滯幽津重惟後嗣之積愆大懼往  
年之元路禮非道蔭孰洗罪根乃修靈寶無上之齋庸冀冥天  
因極之德伏願三清上聖曲垂赦過三思十極高真同賜度生  
之力速招滯魄使濟法橋比界他方解百生之冤結人間天上

還一念之本真皆與含靈同歸道岸

薦母設醮散壇青詞

萬塵湫隘肅陳擁霧之壇惚恍希雲若靚排空之馭顧人寰之  
甚濁諒天衆之難掩函笈散音真游返祐念頻縈蘊藻之獻雖  
或致愛而香火華之間尚多弗敬祈欲赦罪尤賴降衷願捨  
過以錄功惟濟生而度死速引慈親之去識徑上三天少酬人  
子之孝思未沒九地

薦母設醮青詞

日往月來條爾再暮之及肝枯腸裂莫名方寸之誠敢求天上

之玄靈庶薦九幽之滯魄是宜延羽衣於麻室開寶軸於琅函  
書修黃錄之宜用竭丹心之懇祈聰明之俯聽冀風馬之來臨  
伏念臣此某棄館捐生不覺遷延歲月而孤子某含恩報德當  
求薦拔津思深令見性以生天莫若回心而鄉道庶幾脫地獄寬  
愆苦生人間善樂緣引援孤魂滌多生之罪垢開明一性獲大  
道之歸依

薦母設醮青詞

天天棘心痛劬勞於母氏蕩蕩上帝宜濟度於下民敢瀝血誠  
仰干洪造伏念某一違 養六換齋辰禍及凶殫天摧地裂念

平生百為之際雖切自修而宿業三世之通未容寡過欲期鮮  
脫可不皈依庸大啓於蘭場庶少延於飈馭三薰三沐載顧載  
瞻伏願八羽龍軒暫去玉京之邃九光鶴蓋俯臨蓬戶之卑曲  
鑒勤拳溥垂救拔

薦母忌日設醮青詞

母兮鞠我懷昊天罔極之恩祭則致嚴盡大孝終身之慕敢因  
諱日輒啓清場憑度人渺渺之誠格福善高高之鑒伏念臣學  
疎且怠才短無能徒空誓志之堅未遂揚名之顯晨昏定省雖  
諧慶侍之勤朝夕思惟寔懷載生之報九回腸而不足一跬步

以難忘惟念崇修可伸進想偶緣道行欲執謀以離塵用設靈  
神因濟人而薦識伏願高穹垂聽上宿下臨近龍鸞甚感之軒  
全快觀瞻齋齋至敬之禮庶遂懇求

薦母九幽設醮青詞

窮則呼天仰賴無私之鑒母分鞠我難再同極之恩謹泚丹衷  
上干洪造伏念某先妣沉迷世網淪溺愛河前因病疾之纏莫  
藉扶持之力爰披心素跪許醮修豈期一夢之不還俄遽八旬  
之俯及備藻芹而是賽竭螻蟻以致恭式按冲科敬延真馭願  
憑妙善併薦幽魂三十三天獲遂往生之樂百千萬劫永消過

去之愆

薦妻設九幽大醮青詞

科傳黃宅會起特於九幽魂度朱陵身必超於十極輒輸危悃  
上瀆高聽伏念臣妻安人樊氏夙慕真詮久承道蔭遽染河魚  
之疾旋興際嗣之嗟念積習愆尤尚或標於黑簿肆披陳情懇  
用虔拜於綠章延羽士於雲壇秩醮筵於衡宇爰龍傳信栢簡  
陳儀焚百和之寶重諷九天之隱韻邀仰瓊駕俯京蘭極極一  
靈俾超超諸趣玉京金闕步八景之雲霞圓嶠方壺往上山之樓  
觀



薦妻賽願設醮青詞

句曲名山隱茅君之謁馭崇禧珍館棲玉帝之龍轅灑滃丹衷  
仰干洪造伏念臣妻某氏夙依道蔭夙慕真筌未屆中年遽淪  
長夜嘗禱仙壇之秘許修寶錄之儀令者特起淨筵庶酬初願  
經誦琳臺之札香騰金獸之烟柏簡受符焚童傳信所期滌除  
罪垢升濟神明罷對三官名默消於黑簿超生七映魂速度於  
朱陵

薦拔設醮開壇青詞

天高高而在上覆既無私道蕩蕩以難名感宜有應輒持精一仰  
格清明况九懸之是求增哀情而愈切今則醮壇嚴設公宇肅  
恭風颺感往之悲香滌剖誠之潔敢伏羽衣之侶上扣帝閣庶  
延仙從之車下垂法席天人相際存沒有干伏願迂龍鸞甚盛  
之軒俾令快覩歆頤藻至微之禮得遵勤依

薦設醮散壇青詞

嚴潔奉天知致齋之惟謹質明行事慮繼燭之不恭省已未安  
澀誠再瀆伏念臣因悼亡之無益謂訴帝之可求尤懼乖違反  
招譴怒適丁罷散聲竭早哀願聖鑒之海容盡指細故當仙車  
之雲斂廣賜哀憐俾亡室士官王氏寬上徹於天庭魂速登於仙界

層哀有訴同體無悲但居螻蟻之微永念丘山之賜

薦板設醮青詞

死生有定子不能為其親私窮苦方深天尚或從於人欲輒傾  
哀訴仰瀆高明伏念臣久稔愆尤存罹憂患疇昔趨庭之訓已  
失先傳中年陟屺之思復違志養福一至此痛將奚堪斬然纒  
經之中非敢愛死惟是蒸嘗之事尚忍偷生聊憑極板之儀少  
致劬勞之慕洪惟高鑒普濟迷途赦既往以維新願除罪苦盡  
未來而不作一洗業根

卜筮還願青詞

百身何贖痛銜罔極之哀再世有歸陰類至仁之相敬陳謝禮  
少畢愚衷伏念臣不孝之罪上通於天沓來之禍駭聞於世十  
年纒經四壁几進雖隕滅而九尤皆亦哀號而僅屬扶持忍死匍  
匍送終當因宅兆之多疑輒叩昊穹而請命神明降監龜策協  
從聿修大事之襄敢効初心之報伏願照臨有赫覆載無私旁  
燭幽都等先靈於樂國橫流惠澤回生意於寒根誓罄餘齡仰  
酬洪造

焚黃設醮青詞

哀深悼父邈迫號天永惟劬勞之親生哀慈惠之性區區捐已

汲汲振貧躬行而莫矜其能厚施而未食其報嗟呼不孝之罪  
大致此嚴誅之亟來子職莫修俾遂業終身之養君恩雖重不  
及行再命之榮閱歲月之奔馳俄周祥而適至念非歸依至真  
之大道何以少報因極之深恩爰伏羽衣式遵甚笈散異妙力  
以通於幽明庶幾恩封無間於生死何勝冀茲之痛輒犯蕭斧  
之威方伏魂 如臨水谷

薦夫設醮青詞

衆生苦凶沉淪未免於三塗大道恢洪救拔普同於一切歛悼  
止而莫及期薦往而有由厥首痛心神魄隕越呼天叩地涕泗

滂沱輒傾丹素之誠爰告紫金之闕伏念臣妾夫久湮選調曷  
究宏達五千方謂富貴之年妻妾未敢棄去一日忽嬰姤盤之  
疾設齋施之固功朝露既晞悲路徒切扶靈輻而欲去恐族魄  
之北招忽托夢於同僚祈進修於上果用伸嬰慕式伏聖慈塵  
翳永消靈明獨耀蠲除拘滯啓無遮無碍之道場超度往來傳  
長樂長安之真境尚期魂識俯鑒忱誠

薦夫設薦青詞

中元紀節聿垂宥過之文寶席躬董少盡酬恩之意恨既虧於  
形影思升濟於神明伏念臣妾亡夫某早出寒鄉偶通朝籍奄

辭昭代不享遐齡垂年之老母可悲別宗之繼子不承重服即  
吉餘哀尚新僅存未亡之人敢効從死之妾凡可追導罔憚薦  
修焉若平生言猶有負特延開士恭按冲科伏願至鑒所臨徹  
誠不隔綠意既徹黑簿盡除果三天之秘可通盡九地之幽必  
照庶冥福之有助竭危懇以甚哀

薦弟還願青詞

天地之恩蝶蟻之微何報兄弟之義手足之愛所鍾仰瞻咫尺  
之威俯罄再三之瀆冀垂哀憫以鑒愚衷伏念某始自幼年恭  
承嚴訓一門十口同產三人教以詩書安於病賤布衣革履纈

食藜羹相與終身今猶在耳已乃親兄蚤沒得借覘弟俱存以  
自青衿以至白首中緣際會過冒寵榮嶺海窟流骨肉阻絕旋  
蒙解網獲遂首丘誓言躬耕不復求仕體於是粥於是無一日  
不從歌於斯哭於斯蓋二紀於此云何不淑奄棄而先念其忍  
死之言固嘗有夙昔未償之願迨此卧病之日亦屢伸吁嗟歸  
命之求用是汎掃家庭廷登道侶悉從治命不爽初心高誦靈  
篇躬修淨供望三清而稽首仰列聖以馳誠懼其多生身口意  
之間慮有一切貪嗔癡之罪念此急難之情至切矣得從逍遙  
之樂以超然一死一生已抱終天之恨三薰三沐敢忘伏地之

揚芳大全文粹  
卷七十四  
三十七  
為男黜九幽青詞

七情顛倒沉冥利害之圖一念皈依度脫死生之境爰披誠懇  
仰叩高真伏念某次男某愚不知方學未聞道心猿氣馬不禁  
奔馳飄瓦虛舟無情繫觸冤冤未解業疑三世之通種種俱融  
黜伏九幽之拔肅延羽屬密授元科以清淨緣破昏迷障頓令  
去魄隨符簡以超昇更保全家與歲時而開泰

揚芳大全文粹卷七十四

聖宋名賢五百家播芳大全文粹卷七十五

釋疏

聖節

興龍道場疏

李樂靜

律當大呂潛通夢日之符月應上弦燦發流虹之瑞篤生真聖  
允契昌期恭惟 皇帝陛下秉哲自天維明當極對三靈之休  
眷席六帝之丕圖叙陰陽風雨以成和媚祖考神祇於安樂萬  
國熙洽一歸下武之繼文百姓謳歌欣見重華之協帝俯迎誕  
節大啟法筵敢憑天竺之文上祝南山之美伏願神通十號共

扶不拔之基壽考萬年永據無疆之福

乾龍節道場疏

劉夷叔

仁孝二稱幽明所覆祈延一意臣子則然孝慈淵聖皇帝陛下  
伏願神聰靖共天從格保閱帝齡之所畀共僧叔以難量天子  
無心縱適九夷之陋周王念國終期八駿之歸

乾龍節開啟疏

任子淵

六位時成爰紀誕彌之表萬邦作乂嘗蒙覆露之恩先即梵宮  
肅陳祕典 孝慈淵聖皇帝陛下伏願茂膺神英申錫夢齡海  
上瑤霞亟返函池之

乾元節開啟疏

玉歷垂鴻啟千齡之誕序金言滿義但諸佛之真筌庶嚴最上  
之因庸保無疆之祚恭惟 皇帝紹天景命持國永圖聲明輝  
序潤希德惠浸於遐末屬衆離之首氣紀鳴社之初期招文相  
公史館相公集賢相公系政侍郎謨九德之名翌萬機之會慶  
儲靈于若水擬頌聖於華封廣披法藏之文大集祈園之供兩  
花零座潮梵騰音覺塵趣之普迷成度門之絕品 皇帝伏願  
如天之壽如日之升七寶千重永護玉毫之相衆星拱北長扶  
紫極之尊相公系政伏願與國榮華俾民富壽任常專于柱石

功早載于鐘彝然後願沾勝利于有生浹太和于無外

天寧節功德疏

鮑欽正

穆清受命肇興出震之祥歷數在躬茂對卜年之永矧自璇霄而撫世紹膺鴻號之長生共惟載肅之辰重視無疆之壽伏願丕承景祚增錫純禧時乘六龍接統千歲皇天佑于一德克享神休夢帝與我九齡永為民主

天寧節功德疏

儲精御極寶曆出震之期彌月開祥敢効後天之祝歸依淨覺演譚微言庶憑上策少報帝力 皇帝陛下伏願垂衣而治如

日之中為天下君以幸難逢之會使聖人壽益延無疆之休長發其祥紹降隊於聖緒誕彌厥月襲慶于休辰仰奉至言用形延祝 皇帝陛下伏願鴻圖有永景命惟新占南極之老人有光其應同西方之壽佛無量斯年

天甲節道場疏

執徐肇歲再逢甲觀三祥梵梵宣聲屢啟樞庭之會跪瞻調御恭祝壽祺伏願申錫無疆聿懷多福靜柝克寧于榆塞包桑永奠于羅圖太乙儲祥浹靈休於四海媒神錫羨綿景貺于多男

天甲節道場疏



誕賓紀律我屆長贏之期華渚流星載遇誕辰之宣恭祝竺乾  
之侶度持方廣之文義克謹于在三福可祈於時萬 皇帝陛  
下伏願赫赫在上穆穆迓衡四闈不聳于煙塵九廟坐安于盤  
石明良庶事瑞合舉陶之歌富壽多男願效華封之祝

興龍節道場疏

信義在躬已協天人之助乾坤莫報更資覺法之因爰屆誕期  
用伸至願 皇帝陛下伏願憑覺皇之外助 臣子 内心如  
河海之靜淵與天地而長久

興龍節功德疏

蘇子瞻

上帝垂休真人誕降乾坤合契永為喜慶之辰草木何知舉有  
欣榮之意矧惟遭遇過獲侍清閑不緣梵釋之因曷致涓埃之效  
伏願 皇帝陛下受天之祿如川方增奄有漢唐之封疆倍萬  
唐虞之壽考永均介福下及涵生

乾元節功德疏

炎精括德有開千載之祥海藏繕文式暢諸天之藎表崇因於  
眾善期輯福於皇圖共惟 皇帝陛下纂祖丕基欽天明命仁  
恩之厚寢鼓舞於涵生風化之醞率甄陶于殊類屬應期於華  
渚溥歸祝于丹宸樞密相公樞密給事樞密侍郎韜經邦之謀

履當軸之任祇園啟會歎有相之莊嚴靈鷲傳音締無量之功  
 德 皇帝陛下德如天覆明並日升萬玉趨庭長接塗山之會  
 七珍園座永居沙界之尊樞密相公大行給事侍郎伏願炳鍾  
 燮之勲隆柱石之寄轉長世之休業享上天之百祥然後願車  
 書所同霜露所墜共嬉昭旦咸集殊休

乾元節功德疏

宋子京

憂管凝薰月樞幾望是惟穀日載育冲人狗歎戴於羣情用題  
 名于盛節然且上欽列聖仰荷先慈願復渺躬纂承丕歷交欣  
 懷而罔寔惟正妙之是依用飭先期克嚴普供玉題開宇潮偈

旦

宣音庶歸報於自生兼蒙仁於俾艾清場祇被大覺照臨

天申節道場疏

鄭民望

流虹飛電幸逢五百歲之期就日望雲願上千萬年之壽月將  
 臨於穀旦誠敢達於蕊章共惟 陛下德同乎初心游於淡天  
 高地厚固繇延有永之基竹茂竹苞極悠遠無疆之筭

天申節道場疏

化國日舒以正長薰風之入奉天子父尊之至慶彌月之將臨  
 敬修最上之乘仰祝無疆之壽共惟 陛下受五日一朝之養  
 符三呼萬歲之祥汗竹南山莫紀聖功之大桑田滄海未傾壽

持方金文米  
掌之深

乾龍節道場疏

鳴里社以協祥通冠長羸之候啟法筵而伸悃敢憑調馭之慈  
共披海藏之文用侷河沙之笑孝慈淵聖皇帝伏願三靈孚佑  
十方護持造父執鞭還馭于漆澤廣成傳道超青量於空同

乾龍節道場疏

葛謙白

祥漂虹渚載逢震風之辰嘖暢魚山將散祝筵之會再衷一眾  
恭禱萬年孝慈淵聖皇帝伏願保合太和緝熙純嘏星迴日  
轉早還法駕於真茨地久天長永奉宸歡於花萼

聖節道場疏

鄭厚

誕彌厥月開虹流電掃之祥於萬斯年獻地久天長之祝仰憑  
願力同贊睿齡 皇帝陛下伏願莫歷長壽羅圖益固修文偃  
武兼緩夷夏之民拱手垂衣永作神明之主

承天節道場疏

李樂靜

妙覺能仁出現於大千世界深慈救物宣說于十二部經形悲  
智以悟羣生示辯才而將持正法龍宮海藏爰祕於金文東夏南  
閻式傳祚像教所以植衆德之本結淨土之緣超三寶以皈依  
發一念而迴向六時請明克成上善之因四事恭勤用廣有為

之福伏願 皇帝金輪益固玉葉彌芳體天德以比民惟至仁  
而御宇深信內典入不二之門安住佛乘享無疆之壽永保後  
天之美長為諸夏之尊然後願寓縣承平類四禪之清淨朝野  
多慶蒙百福之莊嚴止戈載洽於昌期拂石莫量於浩劫凡居  
法界盡證菩提

承天節道場疏

六通應供從兜率以降生三藏契經假貝多而泥布所以作群  
迷之歸救述大事之因緣自夢叶於金人始俗傳於像教香花  
四事式重於焚修鍾梵六時聿嚴於齋供爰植無邊之福用成

眾善之因伏願 皇帝位等金輪功周妙界道齊千佛澤被四  
生邊陲載戢于五兵府庫常盈于七寶御世比能仁之福統天  
同大梵之尊八部歸依六戎欵附<sup>華</sup>封祝聖克隆萬壽之期震  
旦興玉永護一乘之法然後願朝野多慶興禮樂于三雍寓縣  
無虞息煙塵於四鄙載洽淳熙之化同躋富庶之鄉凡在含靈  
並登正覺

乾元節道場疏

汪彥章

祥開甲觀將臨震夙之期會啟樞庭預慶延洪之祝諷三乘之  
密記演九籥之真科恪傾寸誠禱祈景貺 皇帝陛下伏願與

天無極如日之升，懽聲長決于東朝，妖祲永消于北女。九功惟叙，歎五福以錫民。萬歲成純，奉三無而勞下。

天申節道場疏

篤生元聖，天申命而用休。虔祝萬年，臣歸美以報上。廣延開士，恭帝法筵。庶憑調頌之勤，式荐履鴻之祉。皇帝陛下，伏願景命有僕，受福無疆。常陳泰階之六符，不用天山之三箭。何知帝力永聰，康衢之謠。請壽聖人長享華封之祝。

興龍節功德疏

汪彥章

璇厯儲休，夙啟千齡之運。絲囊紀節，爰均萬國之歡。雖遙汾水

之游，敢後華封之祝。恭惟皇帝陛下，性淳恭儉，德兼文武。自傳序于祖宗，即軫憂于宵旰。力收群策，銷禍變之胚胎。躬蹈危機，拯生靈於塗炭。方人心之愛戴，忽天步之艱難。左袒雖堅，北轅莫駐。適遇流虹之節，九深向日之誠。是仗勝因，仰資鴻美。伏願皇帝陛下，顯膺景命。先復丕圖，脫陽九非常之災。享大千無量之福。瑤池宴畢，御八駿以遙歸。美里書成，用六爻而致治。

乾龍節功德疏

鄭厚

金風雖長，火德未衰。序協正陽，運符元后。宸庭稱壽，義方篤于呼三。帳殿蒙塵，危尚淹于陽九。曰士曰庶，且喜且悲。籍佛力之

火

無邊贊皇圖之有永三光復彩翠華旋沙漠之征萬國同聲香  
火副華封之祝

乾元節滿敬疏

宋子京

若水開祥契上聖千年之運祇園修供資能仁眾善之因恭憑  
無量之福田仰祝延鴻之睿美伏惟 皇帝陛下體九行健累  
洽重熙荷靈命之睠懷迪先謨之懿錄昭德而誕膺純錫敷文  
而交舉上儀在璿克集於歲功鳴社爰臨於誕節萬邦咸乂九  
叙惟歌某官翊亮天工協宣皇極率厲同寅之至克申順美之  
誠當華渚之令辰獻堯封之善祝躬趨寶刹特啟淨筵四事香

花羅寶階于堯率六時鍾明演梵唱於魚山殿繫勝果之圓成佑  
鴻基於悠久 皇帝伏願宸居樂豫壽域歡康固守位于金輪  
齊十年於沙劫法雲溥蔭將德澤以長周慧日揚輝等皇明而  
久照某官伏願茂膺戩福益顯嘉庸彌宣調鼎之勳上贊垂裳  
之治然後願寵均用著恩優宸區官師咸罄于忠規黎獻並躋  
於富庶大包瀛表細及昆跋仰沐加持同茲饒益

天申節道長疏

祥開甲觀恭逢震夙之辰會啟祇園共獻延鴻之祝設伊蒲之  
淨供繡貝葉之真詮庶伏誠忱式資孚佑 皇帝陛下伏願赫

赫在上穆、近衛則百斯男綿本走而有永定宅三有俊輔宗祏於無疆

天申節道場疏

五百年而有作天開甲觀之祥三萬歲以成純人效華封之祝  
輒款淨宇恭締法筵庶仗齋薰仰祈昌熾 皇帝陛下伏願三  
神孚佑四海會同邊廷無振柝之虞寰宇叶維魚之夢既多受  
祉穰：簡、之繁則百斯男鐘磬：繩、之夢

聖節道場疏

流虹輝渚感聖緒於昌期貝葉翻文輯覺緣於衆妙敢資法力  
上薦皇休皇帝伏願光御帝符長綏邦祚恩若慈雲之覆德如  
慧日之升萬善觀心已會祇園之果千齡祝聖更同嵩岳之呼

會慶節道場疏

蘭殿儲祥慶千齡之會祇園若祉罄萬國之歡伏願 皇帝大  
寶齊斗極之高丕基作磐石之固汗南山之竹紀莫大之功勳  
閱東海之桑介無疆之壽福

天申節道場疏

火德運而啟造周興王之業夏日至而肇生商立子之符草偃舜  
風葵傾堯日伏願福祿之盛如川才增功德之隆與天無極

車回萬里陪西池阿母之游統接千齡應南極老人之瑞

天申節道場疏

孫仲益

火流周而肇興王之迹風入舜弦以開受命之祥玉坐傳觴  
千官列侍寶坊修供萬德同音伏願追五帝之高蹤邁三王之  
遐躅降年有永見黃河千里一曲之清受祿無疆聽嵩岳萬歲  
三呼之祝

天申節道場疏

星火開祥當聖神誕毓之旦寶坊正祉罄臣子虔祝之心共惟  
光克壽聖太上皇帝陛下道法自然心游邃古藏雷聲於淵默

順帝則於希夷伏願日新又新既朔復朔起大椿八千之筭爰  
久視以長生符雷王之三萬之期配高明而博厚

乾元節功德疏

王望之

天祐祖宗之仁克肖其德世錫聖神之嗣全付有家應交泰之  
亨期屬純乾之令月仰憑佛力上祝堯年共惟皇帝陛下性自  
聰明德惟恭儉雖狂虜之外侮寔大運之中興伏願睿知有臨  
干戈載戢鬼方遠遁克不待于三年崧嶽惟呼聲屢聞於萬歲

天申節道場疏

祥開甲觀天申命而用休壽祝南山巨歸美以報上廣裒梵侶



恭締法筵輒申芻蕘之誠用禱穰之福 皇帝陛下伏願與  
天無極如日之升三邊無飲馬之虞四海有夢魚之樂聲傳萬  
歲永符崧嶽之呼慶浹多男願効華封之祝

天申節道場疏

禱祠飛乙既詩弓韜之祥華渚流虹允協電樞之慶恭逢華筵  
旦申祝壽祺 皇帝陛下伏願受福無疆降年有永康衢轍康  
咸臻奠枕之安邊圉橐弓永享垂裳之治

天寧節功德疏

祝咨謀

月紀應鍾允屬昌期之運明星流華渚篤生神聖之君豫啟祕庭

增延淨侶仰企紫霄之御恭披玉笈之文伏願 皇帝陛下命  
與天長業同地廣擁三靈之密祐歛五福以敷施一人慶而萬  
國咸欣百和焚而列真洞鑿躬聞至道獨高皇帝之風富有昌  
齡願効封人之祝

天寧節道場疏

玉望之

清河九曲允彰北聖之符靈嶽三呼寔表歷年之命爰即神明  
之宇具嚴道德之間庶假勝因益崇霄翥美伏惟 皇帝陛下至  
仁天縱盛德日新大安大業福壽岡陵之固時邁時億壽齊箕  
翼之長下及含生共均休祉

睿

天申節道場疏

孫仲益

炎正肇小年之永朱明紀彌月之祥凡我有生舉同是日俯伸  
洪願仰叩真乘伏願繼明如日之升立極配天之大獻華封人  
之善祝齊南山之壽不塞集阿蘭若之妙因等西方佛之無量

天申節祝香疏

前人

赤伏題五德之期皇業紹千齡之統日從北至偕化國之長風  
自南來共焚其室之快蓋由善禱用扣真乘伏願 光堯壽聖太  
上皇帝陛下名高寶地十佛之經位冠玉京羣帝之首按八龍  
轡而捐金母於瑤池之上駕五 車而摩銅人於霸城之東方

期汗漫之遊又見蓬萊之請

天寧節道場疏

穆清受命肇興出震之祥歷數在躬茂對卜年之永矧自璇霄  
而撫世紹膺鴻號之長生恭惟載肅之辰重視無疆之壽伏願  
丕承景祚增錫純禧時乘六龍接統千歲皇天祐于一德克享  
神休夢帝與我九齡永為民主

乾龍節道長疏

李伯時

候正六陽辟日仰虹流之慶期先一月庶工紛翫忭之儀茂簡  
上帝之心敷聽與人之論共惟 皇帝陛下聖猷天縱威令風

生嘗青宮剛乘一索之震握符紫極明開兩作之離曾為有道  
之曾孫宜享無疆之大厯肆披筮策贊蘿圖綿三里萬之唐封  
用茲宏賁過七百年之周卜永孚于休

天寧節功德疏

李伯靜

天幹三辰歲分六甲水生一而利萬物土居中而行四時屬陰  
陽泰合之期為仁聖本元之日是用即琳宮之福地啟金籙之  
祕文有德者昌宜神靈之交相歸報于上乃臣子之至情伏望  
上帝鑒觀眾真感格護太清之高拱擁多福以來宗三百六旬  
每周流而不息千萬億歲當永保於無窮

乾龍節道場疏

律中蕤賓方時盛于火德虹流華渚天復生于聖人敢傾有截  
之心仰祝無疆之祉集六和之開士翻五竺之祕文度仗佛乘  
延鴻壽笑伏願 皇帝陛下孝友光于虞舜聖神叶乎帝堯文  
德誕敷坐致兵戈之偃息聲教四暨更看車書之混同永與合  
生共躋聖域

會慶節功德疏

孫仲益

鏡寢諸休瑞玉紀生商之候牢祠錫羨猗蘭開胙漢之祥凡在  
照臨舉同慶賴伏願 予縶戈戢粟腐錢流駘泰階六符之平界

桑倫九疇之叙農桑三萬里而永燕蘿圖之固春秋八十歲而  
允符椿壽之長

聖節功德疏

黃魯直

電影旋樞瑞氣昔燭於穹壤葵心向日頌聲播溢于華戎躬詣  
寶坊廣延緇侶致上方香積之饌閱西竹貝多之文罄竭愚衷  
崇修法供伏願 今皇帝陛下睿圖鞏固宸筭增隆日月無私  
煥天明於萬國椿松共茂班寶鑑于千秋臣無任

後苑同天節道德疏

王岐公

皇運當天享羣元之大奉正陽表朔紀載誕之殊祥即翠苑以  
敷筵諷金文之滿義定資勝福永祚昌期

聖節道場疏

鄭厚

惟天為大均豈覆育之恩如日之升咸慶誕彌之節恭依道梵仰  
祝帝齡伏願 皇帝陛下齊久二儀並明兩耀由中及外第申  
百福之章武舞且歌長奉千秋之燕

天申節道場疏

前人

承：繼：幅員嘉長發之祥鬱：葱：龍虎擁會稽之氣式時  
欽致厥月彌誕欽教佑于帝齡宜欽依于佛力一人有慶四海  
無虞登紫邏之妖氛復黃圖之仙仗乾坤再造綉綿歷而日新

日日新臣庶交懽撫宏休于萬歲萬歲

天申節道場疏

日離東井欣逢載夙之辰龍起昆陽高啟中興之祚篤皇家之再造僕景命之萬年注倚能仁維持熙運商丘膺錄契靈武之昌期吳會揚麾溢春陵之嘉氣慶為民賚壽與天齊

乾龍節道場疏

葛謙白

乘乾載誕節復屆於吹銅宣梵乞靈福每資于繡貝敢列齋薰之品用申烟幅之誠 孝慈淵聖皇帝伏願何福不除其寧未永配盤古縣延之數參萬歲以成純挺金剛堅固之身同三光

而不老

天申<sup>節</sup>建道場疏

林豈塵

景回北極慶流虹繞電之祥壽祝南山傾就日望雲之眾共惟光堯壽聖太上皇帝道存滄泊妙契布惠付黃屋於非心詔懃謀於翼子雖宥天下不治天下固已仰成然嘻聖人請祝聖人可無歸報况值誕彌之月仰憑高上之慈伏願百禄是適五兵不試想間中岳沸傳三呼萬歲之聲難老後天長享五日一朝之制

天申節滿敬疏

不為天下先默定老聃之道請祝聖人壽難忘帝堯之仁恭即  
璇宮仰祈膺筭共惟 皇帝陛下太上貴德神人無功付黃屋  
於非心享玉卮之為壽矧值流虹之日共傾戴日之心伏願受  
福無疆景命有僕十四月而生帝已際昌辰八十歲以為春莫  
窮神笑

聖節道場疏

紫電沆輝慶一千年之嘉會紺宮禱福啟三十日之妙緣用資  
見闕之昌期爰賴西乾之惠力恭惟 皇帝陛下欽承禹道克  
廣文聲濬知有臨履至尊而制六合神武不殺奠中國以綏四  
方共著顯庸自貽哲命茂迎令節祇歎慈容佛日當中請祝聖  
人之壽堯雲在上對揚天子之休

天申節道場疏

韓駒

職在禁途雖有愛君之意身居祠館寔無報國之方惟冀覺慈  
俯從誠悃 皇帝陛下伏願壽踰時億光照大千拱手垂衣永  
御浚都之宮殿投戈散甲盡朝沙漠之戎羗更推諸福之餘下  
逮四方之遠

聖節功德疏

統樞布瑞肇開萬世之祥流渚呈輝允協千齡之運時臨令節

日向真乘潔滿塞之珍羞演金僊之奧典莫憑梵力庶獲妙因  
化願 皇帝陛下聖壽無疆遠比南山之永羅圖益固常齊北  
極之尊

聖節滿散疏

皇皇后帝佑下民而作之君勉我王有大德而得其壽按瓊笈  
銀題之教延鳳姿日表之年共惟 皇帝陛下乃聖乃神克  
明克類體堯蹈舜而立緯然有餘裕哉降周迄孔以來皞  
乎不可尚已當乾健龍飛之會寔華宇虎變之辰恪詹北極之  
尊共竊南山之祝景命有僕方父老而予從受福無疆固天長  
而地久

聖節開啟疏

張嵇仲

寶歷會昌颺輪降格闡洪猷于億載錫純嘏于綿區惟上帝之  
頤懷眷大君之欽翼爰崇令節式紀殊休啟覽率之祇園結如  
來之妙果仰憑正覺聿奉成因懷十地之香花會五天之龍象  
皇帝伏願金輪演化玉燭宣和堯齡永固于南山禹會常趨于  
北闕

聖節滿散疏

帝出乎震顯逢千載之期道魚於天丕格三靈之眷舉瘳儀於

蘭若紛善頌以榮頌共惟 皇帝陛下齊聖廣淵剴健篤寔恢  
張政紀用奉若於先王褒對神休俾緝熙于純嘏方御乾龍之  
居上永享豐照以宜中申衍遐齡寅濟定力受命不殆蓋特以  
天地為常與物皆昌豈特若松柏之茂

會慶節啟建道場疏

林豈塵

天佑民而作之君慶誕彌于良月臣歸美以報其上繼善頌于  
封人敢伸一介之誠願祝大椿之壽恭惟 皇帝陛下道泰義  
吳德配乾坤執虞舜之兩端躬武王之達孝坐撫中熙之運肇  
開長發之祥臣等謹叩高真仰祈遐筭伏願後世難老永符萬  
歲之呼如日之升長對千秋之節

會慶節滿散道場疏

虹流電繞肇基長發之祥地闢天開大啟中興之業仰祝龐鴻  
之作輒伸螻蟻之誠共惟 皇帝陛下孝通神明道泰覆載會  
文武父子而處慶堯舜歷數之傳臣等謹詣琳宮虔修雲笈伏  
願壽膺箕翼業萃山河漢室重光增授泰元之笈周家過歷永  
占邦郛之龜

天申節功德疏

任子淵

接千齡之正統為天下君傾四海之歡心使聖人壽敢因盛旦



祇奉真乘庶憑梵釋之因少効涓埃之報 皇帝陛下伏願順  
帝之則先天不違受祿無疆如大川之方至降年有永配南極  
以彌光

天申節功德疏

鄭明舉

為天下王允屬守成之運使聖人壽溥騰歸美之歡寸葉傾陽  
涓汎宗海熏妙因于有慶繇睿筭于無疆恭惟 皇帝陛下叙  
功覺民績志敷極文思格于上下孝悌通于神明集命應期  
祥標旦萬功覩而咸遂四方貨以災欣伏願日升月常同照臨  
于不息天長地久並覆載于自然

天申節道場疏

韓子蒼

聖神臨御得率土之驩心梵釋與慈副羣生之願力敢憑聖果  
助祝蕃釐伏願 皇帝陛下壽與天崇福踰地厚時乘大路肅  
迎二帝之歸奄治中區永受百蠻之貢丕圖 固庶品均安

天申節道場疏

鄭明舉

生德猗蘭符上天之景命翻文貝葉資祕洞之靈科庸竭微誠  
仰伸善頌共惟 陛下伏願道忝化育德協古初罄億兆民之  
心齊上華封人之祝享千萬歲之壽長為天子父之尊

天申節道場疏

星樞感聖慶符休運之期海藏翻經欽奉真乘之教蘄同率土  
仰祝後天共惟 陛下伏願穆若無為超然高蹈祥開穀旦篤  
周祐于萬年慶衍蘿圖燕商孫于百世

天申節功德流

汪彥章

甲觀開祥方嗣無疆之厯梵宮營福或憑大覺之慈載逢彌月  
之辰咸聽後天之祝 皇帝陛下伏願紹恢大業永御丕圖際  
帝力以常新齊佛壽之無量卜年過厯方同周室之興致治以  
仁遠邁堯齡之永

乾龍節功德疏

真主應期鍾正月純陽之氣羣臣歸美祝後天難老之祥多清  
蹕之在行宜神明之加護爰即金仙之館共繙貝葉之文伏願  
皇帝陛下善保清躬少頌休運與襄城之衆馭亟問迷津取赤  
水之遺珠再臨大寶

聖節道場疏

張嵇仲

鳴社告符流虹布瑞啟太平之景運開上聖之殊祥式在嘉辰  
宜形善頌即金仙之寶刹探貝葉之真筌庶憑西土之勝因仰  
祝南山之睿笑伏願 皇帝陛下丕圖增永寶祚無窮萬歲周  
過歷之期叶壽帝與齡之兆一人有慶聲海寓以咸歡萬壽無

種與宗祧而共久

聖節道場疏

宋子京

薰風協序寶月向盈記祥虹華電之期著金鑑露囊之盛度趨  
福地大啟真筵慶朝野之惟忻集人天之瑞福恭以 皇帝陞  
下茂膺瑞命祇紹凝圖待旦垂裳冒洪禧於海域彌旬舞羽偃  
師節于方睡順復佳辰夙標聖旦旅貢琛而展慶粲鄰玉以伸  
歡某官襄贊大猷翊宣至化欣誕彌之佳節集景貺于羣倫裒  
對梵仙宣揚祕典光闡佛乘之最上迎天笑之遐伏願 皇帝  
湯德愈新堯文增煥九河開奠五緯循周纏綿億載之期長奉

萬年之慶鋪昭惠命永庇含生某官伏願穆景三階凝和九鼎  
並翊帝猷之亮交隆國棟之華然後願鳴玉翠繼詣：贊清室  
之運游童逸老熙：樂仁聖之場

聖節滿散疏

國家寶祚綿長洪基丕固惟正陽幾望之旦乃元后克生之辰  
列辟投誠百靈薦祉延梵宮之開士集淨會之良因上奉至慈  
永臻純嘏帝圖累盛益隆百順之祥睿筭無疆共罄萬年之頌  
傾虔懃祝倍萬常均

天申節功德疏

高呼萬歲聲聞者三河出九疇嚮用曰五莫吾君之必壽誠品  
彙之至情茂對圓穹式敷淨供 皇帝陛下伏願授天增策弼  
我不基負黼辰而朝諸侯下江海以王百谷家人上壽永瞻長  
樂之慈顏鄰國交歡無復甘泉之叱騎

聖節開啟疏

汪彥章

炎帝執衡允協中興之運昊天申命誕開長發之祥傾萬宇以  
傾心望九重而伸祝矧切禁從敢後封人 皇帝陛下伏願萬  
福來求五丘不用河如帶而山如礪盡復漢疆天為蓋而地為  
輿永房宸極

天申節功德疏

劉夷叔

東方有佛昧者不知南面垂衣於此即是救百萬生靈已迫之  
命豈一二筭數可知其功敢因休辰輒論聖筭 皇帝陛下伏  
願雲仍姪妣之國螻蟻彭聃之年心廣體胖豈待數；而致福  
天長地久自然蕩；以難名更推六氣之和用集百嘉之慶

聖節道場疏

葛謙白

五百年而有作天門甲觀之祥三萬歲以成純人效華封之祝  
輒款淨宇恭締法筵庶伏齋薰仰祈昌熾 皇帝陛下伏願三  
神孚佑四海會同邊庭無振析之虞寰宇叶維魚之夢既多受

社享稌：簡：之繁則百斯男鍾螯：絕：之慶

聖節道場疏

林光塵

四月維夏千齡開炎歷之祥一人出真萬國仰電樞之慶夙涓  
梵宇虔命緇流課竺土之祕文効華封之遠祝伏願 皇帝陛  
下神功獨宰聖德日躋泰道方開早回鸞于西極夢齡永錫長  
比美于南山

太皇太后生辰功德疏

王岐公

純坤紀月屬慶誕之嘉辰五竺緇文起真乘之上福敢歸虔于  
淨教用助廣於勝緣 太皇太后伏願萬壽天陰百禱雲布陰

功助化常扶邦祚之安徽德流音永播工詩之首

皇太后生辰功德疏

前人

金行肅契適標載誕之期王相分毫能現無方之化虔敷梵席  
廣繹貝文庶憑最上之緣以續無疆之笑 皇太后伏願等法  
輪之固同慧日之升海藏騰音已集祇園之果仙花覆坐永居  
長樂之尊

皇太后生辰功德疏

爰日臨郊應帝術之初序祥雲覆戶鍾母道于昌期豫被禁樞  
具嚴寔供然仰大慈之教當垂外護之仁

皇太后生辰功德疏

相慈之厚才致養以盡誠慧力之通皆應緣而起福紀誕祥之嘉序開梵庶于禁楹大錫壽祺永歸覺利

皇太后生辰功德疏

長律首宮微陽施種爰啟玉衣之瑞有昭彤管之徽象寶供于龍華發妙音于猊坐庶導續齡之祉永經同體之符

皇后生辰功德疏

坤德流徽式臨于誕日貝文宣妙供仰于臣慈載嚴秘邃之庭駢集清修之侶莫資福壽時啟靈場伏願毫相分光法雲假廕

憑茲勝利永保遐齡


皇后生辰功德疏

塗山啟夏邦家必本於閨門封人祝堯臣子各伸其忠孝敢因慶旦恭演秘函憑最上之妙因祈無疆之遐筭 皇帝陛下伏願降年有永如月之明承天而時行懋著徽柔之德眉壽無有害永光熙洽之朝

播芳大全文粹卷七十五

播芳大全文粹卷七十五

國家圖書館, NATIONAL CENTRAL LIBRARY, TAIWAN, R.O.C.



聖宋名賢五百家播芳大全文粹卷七十六

釋疏

國家祈雨

南郊相國寺開啟祈恩道場疏

王岐公

諏辰長至修報上圓因三歲以薦誠盡九州之助祭仰企覺慈之蔭善誠涵誠之因密相鉅儀來綏百順

南郊相國寺開啟祈恩道場疏

摩膺印緒薦習歲祥適用天正辰之以修郊見之事仰大慈之能力濟萬識於有緣協底丕成均錫群祉



南郊開啟祈恩道場疏

蔡君謨

奠玉紫壇虔脩於大報布金紺宇特仰于能仁用集妙因時嚴法供 皇帝陛下與天均覆維日並明運神化以無方置福員之安處甫臨至節專講上儀就吉位以薦誠霑渙恩而澤下有來清侶敷誦祕文式救殊緣冥資熙事伏願五神協序百福凝祥永隆久大之基益固延鴻之美

南郊禮畢齋疏

宋子京

冬物告成因享親而達孝神釐來既既均慶之以時惟感禮之弗違荷巨慈之旁祐即靈場而申報奠明鑒之孔昭存此神明

期于福應

明堂預告泗州普照明覺大師道場疏 王岐公

國家躬三歲之祠會五精之氣因嚴以教人之孝反始以為民之祈瞻勝迹之有來濟能仁之無盡告誠先事垂保後祥

明堂禮成開啟謝在京諸廟道場疏 王岐公

考古事帝感時念親迄于告成曾弗違禮歸大慈而締果峇幽監之助祥有託至忱更享來應

太皇太后景靈宮祈福道場疏 蘇子瞻

仁心浹物自然憂樂之同孝治格天宜示感通之速庶殫精懇

仰求上真恭以 太皇太后陛下保佑聖神勤勞夙夜偶眷東  
朝之御未復太官之常爰即殊庭大陳妙供法音上達雖有假  
于雲章民志下同自不勞于秘祝祝願膺勿藥之喜永保無疆之  
休

太后禳災疏

唐子西

比以神慈愆于日晷雖宮闈之茂慶神所扶持然方技之未工  
心焉飢渴敢輸至懇仰扣能仁莫棄慧力之雄永保徽音之固  
及親桑之令序膺弗藥之殊休

公主禳災疏

宋子京

聖流仁神華介祐顧惟孺婉頗厚慈憐雖姆媵之謹承加椒  
闈之勤復屬茲敲蘊尤慎保願已詔寶坊恭陳法席金言編釋  
花祇旅臻冀惠命之廣敷續壽祥之綿熾仰惟靈照垂亮精

龍圖天章寶文閣開啟年交道場疏

王岐公

寒布水行識歲功之畢就和生玉律迎天序之將新願承皇極  
之尊歸奉大慈之教肅西清之祕宇諷天竺之靈文幾緣勝事  
之修薄下時祥之應

年交祝聖道場疏

孫仲益

還相之律甫畢于歲功普覆之仁仰依于霄蔭矧嶽靈之下庇

居都會之上游爰建清塲聿申精意玉書金簡交罄誦持桂旨  
蘭馨第勤修薦願綏寶祚庸及生民

集賢殿正旦道塲疏

孫夢得

月就初次星移故纏萬物勾萌百嘉擁集載嚴梵事爰肅宸庭  
參諷祕言仰祈真鑒被咎殃于率土蕃禧福于生民惟法是依  
與時而永

慶寧宮保夏道塲疏

王岐公

時迎仲夏功秩南訛太陽赫曦而流空盛氣鬱煩而被物風啟  
禁盈之會歸崇佛果之修庶格至虔以導<sup>嘉</sup>喜祉

集英殿保夏道塲疏

炎煒御辰煩暑被物迺肅祕殿以崇梵筵披白鳩之真文禮青  
蓮之妙<sup>仲</sup>相憑法力丕擁善祥下逮涵生畢霑勝果

翰林院開啟各節道塲疏

王岐公

歲功就緒天統復元夙嚴省戶之司具法祇園之供梵音振席  
慧景延空庶仰嘉序之新常獲善因之助

內中延福宮開啟祈福道塲疏

顧以眇躬嗣于丕念萬幾之業朕懼五事之失中緬企正覺  
之乘會歸妙智之力庶緣勝利永輔皇休

禁中祠下集福道場疏

孫夢得

至神惟默下土是依祠惟靈祠實寓禁宇當清和之標序屬煩  
燠之啟期時建清場誕揚真誥伏願祓除灾咎延萃吉休普使  
羣生並歸密蔭

垂拱紫宸西殿祈福道場疏

王岐公

歲律凋陰春郊叢念繼明于皇序思殖福于涵生玉殿敷筵  
金文諷義庶妙乘于佛果庸丕輯于邦休

寶相院為民祈福道場疏

氣肅西方畢收群彙教流震旦有覺能仁禮妙相之垂毫繡締

文之滿義顧承休于丕緒願霑福于涵生永念至心普依惠果

為國祈祥華嚴齋疏

卽公濟

遇災而懼法固許于祈禳求福不曰禮寔存于禋祀頃以邊隅  
之俶擾致茲民堵之震驚萬上帝之寵于四方俾治國之生于  
百樂惟有佛乘之妙力能消劫運之妖灾况十二部經莫重華  
嚴之大典而三千世界載于香水之淨輪按前哲之軌儀陳此  
時之供獻上以延鴻國家之景祐下以增崇鄉黨之多祥人各  
保于安寧安悉臻于吉慶共惟普賢菩薩之行願種種莊嚴毘  
盧如來之光明重涉入奉少花少香者悉同九會河沙之衆

預一瞻一禮者如在七寶樓閣之中願普熏善心昭格伏願  
明元后益隆鞏固之丕圖陰臨下民各保懋邊之常產載于  
而橐弓矢說禮樂而敦詩書繼茂率從中外禔福

龍圖天章閣開啟祈皇子催生道場疏

炎律布生靈謀占慶啟梵筵之妙供披寶藏之諦文聽法下于  
諸天傳香零于四座願慈悲之慧力導因報于真朝丕序早隆  
至心永享

寶生院開啟皇子催生道場疏

夙以瑣德獲纂厥成永惟元儲尚虛所屬惟黃金之滿界有白

玉之垂毫仰締妙緣普歸法力庶承休于大統畢濟望于君生

福壽院塔下開啟祈皇子催生道場疏

守邦之重久托于皇居玉器之良未聞于東學維華之初集  
固群靈之所扶肅啟淨場諦修妙果惟願寶光臨燭法力護持  
早承宗祏之基永濟生靈之望

皇子位畢開啟安慰道場疏

兩慈濟世本資助善之因東學啟宮適道詒謀之度啟妙筵於  
遂守演密藏之真文具仗法乘永綏勝福

慶土開啟安慰道場疏

蘇子瞻

揆日灼龜既鼎新于改造伐材度土遂雲集以經營丁丁而勇  
於運斤橐：而勞于縮版雖不經於衆口慮有取於神恫幸銷  
覆壓之虞允獲躋寧之願原其所賜敢昧于神是用命海角之  
維那資大雄之妙蔭宣此五福之教慶于百堵之成伏願天雨  
千花薰太和一切佛塵萬墨精遐福於無邊百穀豐登羣生恬  
泰上祝河沙之聖壽永瞻惠日之祥光輒罄誠心庶祈靈鑒  
百神有相致大厦之斯成一國觀新潔盛儀而圖報因命祇園  
之侶廣宣貝竺之文音湧海潮花粉天雨今則誠心已格妙果  
斯圓祈法力之有加保皇圖而永固物無疵癘民用乎康仰惟

在上之尊垂鑒由中之信

奉宸庫修造開啟道場疏

御府所須珍奇素積禁楹之橈風雨多傷適緣役事之興特啟  
法乘之會庶資妙力允集多祥

越國公主宅畢工開啟安慰道場疏

竺筵締果廣福利于法門魯館降鑪鍾愛慈于皇室洵臨嘉序  
就祓遂楹作清淨之道場禮光明之妙相庶憑慧力常擁嘉  
紫宸殿開啟祈雨道場疏

淋律過中驕陽作冷嚮歸慈于梵席靳濟望于農疇而密雲雖

興膏澤未應念歲事之如灼  
宸塗而載嚴尚莫至心之通終  
垂能力之助

紫宸殿開啟謝雨道場疏

驕陽作冷甘澤愆時爰被禁宸  
載崇梵席蒙應如答降滋及期  
仰信覺慈力隨普應

集英殿開啟謝雨道場疏

驕陽作冷潤澤愆期爰被禁塗  
夙崇梵會至誠如答不日榮滋  
歸信能仁用虔美報

集英殿開啟祈雨道場疏

方夏長物雨弗降滋嘉種用傷  
歲時安仰乃被祕殿歸崇妙緣  
庶興能仁徧澤群土

九龍堂開啟謝雨道場疏

興雲上漢神化莫形油然垂陰  
膏潤萬物潮音振坐大啟法筵  
締果謝成益期豐稔

西京無畏三藏前開啟祈雨道場疏

方春東作雨弗降滋歲事將虧  
群心如灼大慈濟物應現無方  
油然興雲以澤萬物

西京無畏三藏前開啟謝雨道場疏

春陽隔井時雨慙亢夙祈慈力善濟涵生俄天澤之應期寔邦  
祇之慰望爰憑妙果庶得靈休

集英殿開啟祈雨道場疏

驕陽薄陰秋風未附密雲留雨農疇靡滋結秘法于靈場假能  
仁于博界默回嘉應大澤群元

集英殿開啟祈晴道場疏

方秋之中淫雨暴至害于嘉穀民咨無聊願守邦圖內懷慘結  
歸信覺力轉洎為祥

泗州普照前開啟祈雨道場疏

春夏之交雨不時降宿麥將瘁民咨無聊願守邦圖永思厥咎  
大慈濟物通于至忱拜禱為祥期布嘉澤

相國寺開啟祈晴道場疏

夏秋之交淫雨作沴廬舍昏熱下民無聊大覺無方應現起福  
消伏陰晦以道嘉祥

西京三藏前開啟祈雨道場疏

秋氣已肅亢陽薄陰橋木盈疇民望如灼大慈覺世通于至忱  
油然興雲徧澤加植

相國寺開啟祈晴道場疏



仲秋戒節暴雨為災蒙慧力之普通感沴陰之旅釋言念有生  
之夥率繁能覺之仁維厲至忱用疇嘉應

集英殿開啟祈雨道場疏

秋籥適中天未降澤農疇皆槁民將遇飢敢載祓于禁楹庸嗣  
膺于梵席終新慧力溥濟蒼生

集英殿開啟祈晴道場疏

秋風方中積陰肆沴天降淫雨害于梁威民之無聊愁困于下  
顧繁丕序疚心靡寧歸信寬慈幾獲善應

左右廂為民祈晴道場疏

積陰為沴降水非常憫近甸之無年懼下民之失職仄躬省咎  
蠲慮致精終歸大覺之慈永保涵生之乂

集英殿開啟祈雪道場疏

大冬薄歲溫氣乘陰竊徇天沴之來專儆君臨之失仄躬是懼  
終食靡寧載祓祓于靈場庶妙施于慧力早變同雲之族終凝  
霁霰之祥

國忌資薦

宣祖忌辰道場疏

王岐公

神功被世寔開帝運之基法御賓天須仗佛因之薦 宣祖皇

帝勃興景烈垂裕燕謀道積累之深仁濟艱難之大業訓猷雖  
邈靈眷如吾存今皇帝紹宅休期逖追先憲陳常於夏於念斯  
文之功荷天之休永崇長發之禘載感諱辰之奉夙嚴梵供之  
修宣祖皇帝伏願受記真乘凝神寶座洒甘露于法界燭慧  
燈于迷塗今皇帝伏願壽擬金輪福齊沙劫席皇圖之綿固  
納善俗于熙寧然後願鼎路同寅咸藩一德上屬雲天之會下  
窮海寓之幽元暨涵生普沾勝力

順祖忌辰道場疏

楊大年

幽風流頌陳王業之艱難梵澤垂文降福祥之孚佑諱辰甫及

沙果宜憑伏惟 順祖惠元皇帝蘊上聖之資累元功之茂詔  
孫謀而及遠啟天命之來符 今皇帝奉清明之宮薦馨香之  
德啟仁祠之淨土翻文佛之秘詮 順祖惠元皇帝伏願寂並  
真游高臨覺地集祥綿緒敷嚮群倫 今皇帝伏願鴻筭後天  
至慈昌世萬宇臻于朴厚四極格于混同然後願台輔協恭宗  
圖繁衍日星順夫軌道黍稷滋于有年舉是含生悉登壽域

僖祖忌辰道場疏

李樂靜

積行累功肇啟十年之運報本反始莫窮萬世之思方諱日之  
俯臨憑妙緣之上薦惟願證一乘法離六欲天挹仙聖于九清

御神靈于四海本支相續與蒼藹以長榮社稷愈安如頤獨而  
不動

太祖忌辰道場疏

漢業開基夙契當天之運軒遊乘景載臨猷代之辰預即仁祠  
大脩法供超神寶界自離五翳之根垂裕皇圖更衍千齡之慶

太祖忌辰道場疏

受命開基肇應列精之運奉先<sup>道</sup>迨孝聿崇覺力之因爰屬諱辰  
大脩法會具嚴蒲塞之供徧釋貝多之文庶集勝緣仰資升濟

太祖忌辰道場疏

歐陽永叔

受命開先肇基興運昭祖功而不顯綿寶祚於無疆用深追遠  
之誠式奉明齋之荐載嚴淨刹以集善因伏願覺常力資威靈  
如在延鴻宗祏集慶妙冲庶邦咸被于餘休品服共均于博愛

太祖忌辰道場疏

盛列當天基皇圖于億載大雄濟世殖善利于羣生屬載厯于  
諱辰用大修于法供庶嚴勝果益導厚祥

太祖忌辰道場疏

歐陽永叔

紹百王而開統昭二者于祖功植象善之妙因爰憑于覺力循  
有邦之舊典稽諱日以先期載肅齋場並延淨侶瞻玉毫之具

相誦貝牒之靈文仰依慈惠之仁遐薦清真之馭庶資冥福式  
廣孝思

太宗忌辰道場疏

李靜樂

繼志圖功廣規摹于萬世興文偃武混夷夏于一區流澤被乎  
子孫餘烈昭于天地百神幽贊四海永懷戴更厭御之辰肅展  
事存之禮敢憑妙果仰荐真遊伏願超最上乘作無量福皇家  
繼緒如止于千花法界含生長需于一雨

太宗忌辰道場疏

楊大年

至大之德列原廟以推尊無量之仁依覺皇而薦祐 太宗皇

列

帝恩淪四外運紹再傳化洽之光在人昌明之慶垂後 今皇  
帝永思先烈濬發精誠有來淨行之流聿修祕藏之妙 太宗  
皇帝起游真界廣覆群靈慧如日之圓明化等空而常寂 今  
皇帝伏願壽年山固聲教天臨儲嗣寔蕃宗枝彌盛宰路協恭  
而贊輔霄纏應候而泰和庶績順時百嘉遂性

太宗忌辰道場疏

楊文公

軒遊已遠百年方仰于威神堯歷惟新萬彙彌深于孺慕每屬  
上仙之日益極方外之悲是崇衆善之緣式廣因心之孝伏惟  
太宗皇帝握樞御極恭已臨民耀神武以混車書體至仁而懷

動植焦勞致治早鍾厭代之期錫羨詒謀光啟卜年之祚今  
皇帝允膺帝籙 擁天休紫壇隆升配之儀清廟著不祧之典  
睟容載穆聿嚴如在之靈諱日俯臨更極以時之威爰就布金  
之地仰瞻<sup>桑</sup>叔<sup>桑</sup>之儀四象剋誠于官就列遵竺軋之教修香積  
之齋用憑供佛之良因以奉在天之神駕 太宗皇帝伏願高  
居智地常御寶乘證大梵之尊嚴俯祐三千之界福丕圖於悠  
久彌昌億萬之年 今皇帝伏願人表歸仁百靈荐祖<sup>社</sup>西清聽  
斷垂裳臻大定之期東岱告成探策表無疆之笑然後願黃扉  
良弼益光咨岳之謀朱印茂親克保維城之訓四氣咸均于<sup>嶠</sup>嶠

谷五兵永戢于靈臺凡居普寧之間共樂淳熙之化

真宗忌辰道場疏

歐陽永叔

仙馭乘雲式臨于遠日春陽濡露載感于孝思爰即梵居俾延  
淨侶瞻玉毫之妙相啟貝牒之真文集此勝因仰資冥佑

真宗忌辰道場疏

神遊斯遠方仰于軒威諱日茲臨載深于追慕虔依正覺俾集  
善因敬禁殿以有嚴啟法筵而風設仰祈冥助用慰孝思

真宗忌辰道場疏

紫極收神永悼六飛之駕靈宮進福式研象妙之門恭惟 真

宗皇帝仁洽九圍道超千古奉綠圖于翠水封玉檢于石閣脫  
屐之期遍游于仙嶽遺弓之感空慕于塵寰 今皇帝明篤孝  
誠適祇聖則載履徽音之旦重深濡露之思是用宣九清之祕  
文資三洞之真果 真宗皇帝伏願儲精玉鏡庭品珠臺永保  
在天之靈下綏卜世之福 今皇帝伏願撫國長楸納民太和  
躋聖德于日升等帝齡於天覆然後願蔭周羣辟長扶鞏固之  
基樂及含生盡沐希夷之化

仁宗忌辰道場疏

李樂靜

大德宜民共席天雲之覆庶邦懷惠更深河洛之思垂衣拱手  
閑燕於四十年示烈遺風扶持于億萬世願真遊之雖遠宜昭  
報之不忘躬啓法筵上資福地惟願六通自在萬行圓成入非  
想天放光明于寶座以本願力通功德于河沙子孫承不拔之  
基廟社庇無疆之福

仁宗忌辰道場疏

聖業垂鴻覆及眇躬之御仙游趣駕迅驚流景之遷撫道樂之  
初辰却棲真之列宇茂敷沖式欽繹靈文庶荐妙于魯虛侈祥  
于多祚

仁宗忌辰道場疏

妙道難名至神獨粹宅靈觀而在上垂博濟於無私當泮春之  
妙辰紀文考之諱旦虔依靖宇甲繹冲文冀收金錄之緣助介  
王虛之祐

仁宗忌辰道場疏

仙輿上漢莫追靈駟之遊寶藏緇文鳳下神龍之聽感露濡于  
春杪紀音過于海隅庶證果於上乘益超神于真際仰申遐慕  
陰祐熙圖

英宗忌辰道場疏

駟隙馳光忽履撒音之旦龍華荐會廣資締佛之緣庶乘大覺  
之方自悟至真之趣超神絕境垂裕昌圖

英宗忌辰道場疏

仙輿厭代氣序如流梵席荐因津梁彼岸斷羣迷於非見應諸  
福於有緣大廣法乘往資超識

英宗忌辰道場疏

賓天不復莫窮仙馭之遊應物有緣須仗佛勝之果屆撒音之  
初旦結衆善之法筵庶證念于真空益助嚴于超識

英宗忌辰道場疏

仙雲忽駕莫窮絕景之遊春露向濡載歷撒音之旦即棲神之

祕宇繹象帝之真筌庶嚴牲升彌裕後祉

英宗忌辰道場疏

王岐公

春露載零悵沆陰之易改宮輿晚駕追較景以何從望仙寢之  
遺儀倣祔園之法會庶資升趣並侈後祥

神宗忌辰道場疏

痛中龍髯之中未盡哀號感春露之既濡已臨諱日神遊浸遠  
塵世何知願白晝之不留即金仙之往扣伏願聞一音之真妙  
滅諸念于往來超最上乘得無漏果寶幢香象長為天上之遊  
法雨慈雲更作人間之福

祖宗忌辰道場疏

蘇子瞻

至德難名已立配天之極孝思永慕蓋有終身之憂惟是佛乘  
庶資冥福屬弓劍上賓之日就衣冠出遊之庭虔設淨筵俾嚴  
勝果庶超真覺永庇含生



播芳大全文粹卷七十六

國家圖書館, NATIONAL CENTRAL LIBRARY, TAIWAN, R.O.C.

聖宋名賢五百家播芳大全文粹卷七十七

釋疏

國忌資薦

禁中安奉祖宗御容道場疏

王岐公

顧以瑣涼承于基序敬西清之祕宇奉列聖之容衣載嚴佛果  
之修以助仙遊之果仰懷丕烈彌暢孝思

禁中安奉仁宗御容道場疏

神遊日遠睟象天臨將陳法衛之儀往宅虛宮之祕會緣四衆  
證法三乘庶憑真諦之文仰助遐登之果

英宗開啟百日道場疏

仙輿趣駕莫攀上漢之游宮隙流陰遷及踰時之慕建妙儀于別境募法會于諸天庶格精因更資遊陟

神宗小祥道場疏

帝鄉孰在莫返神遊日軌不留已成周歲恩涵萬類哀動庶心恭惟神宗皇帝聰明睿智之有臨禮樂政形而不悖天人和協宗廟安妥雖克帝之功獨資于神聖而文王之壽終損于憂勤永辭萬國之依遽厯四時之變玉音未遠龍馭何追抱鼎湖之弓潛焉流涕望裕林之柏森以成行敢薦妙緣少伸哀祝伏願

願證一乘法離六欲天抱仙聖於九清御神靈于四海乾坤日月共扶不拔之基社稷子孫永茂無疆之福

神宗小祥道場疏

龍去鼎湖莫返登遐之馭律回姑洗奄當厭御之辰躬啟梵延仰伸孺慕惟願六通自在十地圖成離有想天不墮金輪之果超極樂界長瞻月相之尊本支永茂于慈雲廟社共依于法力

神宗大祥道場疏

蘇東坡

密旨如昨新穀再升望仙馭於帝鄉陳法筵于淨宇人天來會共修最勝之緣梵釋同遊永錫無疆之慶

神宗齋疏

李榮靜

龍去橋山帳乘雲之已遠天崩杞國縱殞骨以何支悲動百神  
夜纏萬國恭惟 大行皇帝道躋曠古澤被生民焦心勞思幾  
至於二十年崇德廣業將垂於億萬世四方底定百度緝熙未  
能燕息以隨時終以履勤而損壽遐辭宸極長往帝鄉願丹鼎  
之悲涼空餘塵跡望鈞天于恍惚宛隔神游仰集勝因少神孺  
慕唯願證一乘法離六欲天挹仙聖于清九清御神靈于四海  
乾坤日月共扶不拔之基社稷子孫永庇無疆之福

仁宗開啟百日道場疏

雲輿厭代歎驚御氣之遊蓬宇緒經具薦離塵之果 先皇帝  
伏願超神十地慈景三清證圓滿之化身達慈悲之妙觀永依  
佛趣長佑邦圖

仁宗百日開啟道場疏

仙輿厭代晦朔如流梵席萬因津梁彼岸即太昕之正宇陳法  
供于諸天庶輯妙緣以嚴去識

仁宗小祥開啟道場疏

神機厭代仙御賓空忽驚歲籥之周空結宸衷之慕夙嚴祕宇  
崇建梵筵仰資慧境之遊垂錫皇圖之美

仁宗大祥開啟道場疏

仙衛登真莫逆乘雲之馭喪廬終制載驚濡露之辰啟清會于  
仁祠荐杪因于慧境仰助在天之德益垂有國之休

仁宗大祥開啟道場疏

湖龍促駕莫追層漢之遊隙駟流陰歛及再暮之慕爰即寶坊  
之所載宣密藏之文具若精文曰仰資去

英宗二七水陸道場疏

奕德在天空結遺氓之慕大雄出世普隨涵識之緣瞻金色之  
妙儀倣龍華之法會庶之覺力仰助遐升

年節資薦仁宗道場疏

王岐公

上賓之馭容衛莫瞻西向之丘威神空在顧昊天之日曷報感春  
露之載零爰集梵因更資超識

冬節資薦仁宗道場疏

寶燭導和載感踐長之節仙峯駐景莫追御歛之遊即西洛之  
仲宮建五天之法席庶憑妙果益助遐登

十月旦太后資薦英宗道場疏

仙輿不復歲籥荐移瞻神寢以非遙感風寒之又至庶憑妙果  
永助遐升

十月旦資薦神宗道場疏

蘇東坡

橋山永望莫瞻弓劍之餘陽月載臨徒增霜露之感昭延淨衆  
崇建梵筵庶集勝因仰資真馭

冬至資薦神宗道場疏

聖神陟降釋梵後先通更來復之辰茂薦往生之福虔修淨供  
仰導真游

十月旦資薦仁宗道場疏

王岐公

冬月之初寒風忽至橋山之下仙馭難留陳法供于梵筵奉遺  
儀于神寢庶憑大覺之果或助上賓之遊

正旦資薦神宗道場疏

蘇東坡

乘黃屋以上賓莫追風馭抱烏號而永慕再歷春朝敢仗勝緣  
式開淨供仰頌羲堯之德永追梵釋之遊

十月旦資薦英宗道場疏

王岐公

鼎湖仙去愴遺景之莫留相寢寒生感流陰之忽暮做三天之  
法供導諸佛之真筵異席妙因用嚴升趣

下寒節資薦神宗道場疏

蘇東坡

甚雨疾風感春律之將變鑽燧改火悼喪期之不留爰啟淨筵  
以資冥福願登大覺永濟含生

乾元節資薦仁宗道場疏

王岐公

仙輿促駕莫追御歎之遊歲籥移陰載感流虹之節即神丘之  
下館做法會于諸天庶集妙緣用資超識

太上皇小祥功德疏

瑤池宴罷翠華方返于西崑荆鼎丹成列辟遽悲于遺劍適屆  
小祥之節彌深綿宇之思恭就祇園大誦秘典伏惟 尊號皇  
帝粹容如在仙仗匪遙乘般若之珠因同道遙于淨界神歸兜  
率永參釋梵之遊心擊安婆更錫臣民之社聊効涓埃之微悃  
庸仰葵藿之卑誠

章獻明肅皇后忌辰道場疏

李樂靜

北郊薦服已推配日之賢南面抱孤更極輔天之力憂勤致理  
慈愛及民薦諱日之載更仰徽音之如在敢憑薰員上祝壯嚴  
伏願入觀止門超真乘于十地以威神力扶洪業于萬年

孝明皇后忌辰道場疏

雲衣縹紗領羽駕之何追寶宇深嚴想徽音之如在俯臨諱日  
恭啟法筵伏願三十六天真超無上十萬億劫不墮有情生靈  
共濟于慈梁社稷長依于福海

文懿皇后忌辰道場疏

王岐公

旋九天之馭已遊于徽音倡諸佛之詮是憑于勝福 文懿皇  
 后躬肅雍之德稟柔順之儀助正道於先朝留深恩于後廟  
 今皇帝緬追懿遺明發孝思載錫常樂之辰式仗度門之薦  
 文懿皇后伏願乘二梵之果超羣生之迷洒甘露于神天妙大  
 雲于法界 今皇帝伏願皇圖日懋聖業天隆鼓中和于萬靈  
 一聲教于殊俗然後願台躔永耀宗業長榮盡有相于幽明享  
 無邊之威力

元德皇后忌辰道場疏

楊文公

伏以堯門積慶通鍾聖母之祥佛國徃生更賴法王之力屬忌

載 素

辰之斯屆痛仙馭以難追伏惟 元德皇太后沙瀧炳靈塗山  
 毓德紀徽猷于彤管美播聲詩仰嚴祀于闕宮禮崇孝享 今  
 皇帝表懷顧復深念勤的勞感昊天因極之恩崇淨土有為之果  
 每值上遷之日克修眾善之因瞻十力之慈尊會五天之梵眾  
 聲嚴佛事武奉神遊 元德皇太后伏願聞法靈山棲真內院  
 念超三界高臨解脫之方智入一乘早證摩耶之果 今皇帝  
 伏願金輪永固寶歷彌昌武庫素弓見遠夷之率服仙衣佛石  
 同聖壽之延洪然後願藩屏碧維固本支于百世樞行鼎鼐平  
 懸象于三階羣官盡効于忠貞萬姓咸躋於仁壽

法苑珠林卷七十七 六



明肅皇后忌辰道場疏

仙遊不復載臨奉諱之辰慧果無邊益助超生之識願慈儀之  
終闕悼宸慮之永思仰秉諸佛之空陰祚有邦之慶慶

惠明皇后忌辰道場疏

楊文公

神遊已遠方尊如在之靈佛事載嚴用植無邊之福爰及上仙  
之日聿崇衆善之因伏惟 惠明皇后積德詔謀流光錫羨長  
秋追號允鍾似續之祥清廟荐誠克茂吉蠲之禮 今皇帝運  
鍾下武義篤奉先祇荷宗祀永懷祖妣俯臨諱日誕舉國章特  
就精藍聿陳淨供會感德六和之衆瞻慈悲三界之尊庶憑金

秋

池之良緣克奉玉清之仙駕惠明皇后伏願早蒙佛記常住  
天宮受百福之莊嚴證一乘之解脫配食永隆于廟號卜年更  
祐于邦家 今皇帝伏願位固金輪功周沙界五兵不試盡消  
楚鐵之英萬壽無疆益茂莊椿之笑然後願列藩荷寵更隆磐  
石之基當國輸忠永著和羹之效百辟咸傾于誠節萬民共樂  
於昇平凡居履憐之間同被文明之化

章獻明肅皇后忌辰道場疏

王岐公

軒宮淪耀再丁過哀之期彤管流音空詠思齊之美啟丹堊之  
法會緇<sup>茲</sup>藥<sup>茲</sup>爰之靈王文庶味妙宗益資選舉

簡穆皇后忌辰道場疏

揚大年

聖心追遠仰瞻如在之靈佛事崇因式薦無邊之祉屬臨諱日  
舉集勝緣伏惟 簡穆皇后道茂坤儀德昌王業克協曾沙之  
慶誕昭彤管之華懿矩彌芳徽音載渺 今皇帝紹隆景祚奉  
若仙歆仰真馭之彌<sup>虔</sup>馨孝思而無斁聿遵典著虔奉齋修  
簡穆皇后伏願悟證上乘超登無垢具慈因子十號佑華旦于  
今皇帝伏願聖德誕敷仁風丕冒七政齊而協歷九功  
敘以咸歌永保無疆之休茂洽重熙之化然後宗英輯睦道固  
維城良輔弼諧功宣作礪燭聲教于率土瑞應于豐年

昭憲皇后忌辰道場疏

揚大年

仙軿上賓邀靈游而遂遠星龍綿合優遺範以如存式臨奉諱  
之辰欽薦無疆之祉伏惟 昭憲皇后歌象聖武宅順坤儀首  
基椒極之華參翊蘿圖之永懿猷茂建柔化丕昭悟真諦以馭  
神衍慶謀而垂後 今皇帝永懷徽則介助真詮悵先忌之環  
經凝孝思而冀感祓除金地披繹寶文旅華祇以巡香儼珍羞  
而侑供冀憑惠果上續勝緣昭憲皇后伏願法露普流慈雲周  
膺宴居淨界常為十號之證月頤在朝家彌極九皇之高治  
今皇帝伏願奉承鴻緒增華丕基絕瑞高符交天人而相答尊

名盛德煥日月以常新四序順成八風和布臺師偃戡原種豐  
甘然後領盤石莫藩永茂維城之業乾臺哲輔並隆醴坂之惠  
官師胥協于思良黎獻並躋于仁壽

元德皇后忌辰道場疏

葛侍郎

貝葉空行存誠西竺琅函隱韻歸命叢霄輒憑二教之真筌仰  
助一靈之飄颻 元德皇后伏願力持法印永庇道林悟鷲嶺  
之上乘作龜臺之仙伴佛土三千界親覲世尊玉京十二樓遍  
游仙境乘永寰宇錫羨皇圖

章懷皇后忌辰道場疏

葛侍郎

視天作合配媯汭以流芳濡露感時供緇黃而追福 章懷皇  
后伏願圓融根境領悟希夷聞佛音于玉毫之前受法錄于瓊  
章之上法航大濟見慈氏于龍華羽駕超升友神入於姑射

隆祐皇后首七水陸道場疏

汪彥章

慈壺興災仙遊厭代既徽音之永隔非真實以疇依 大行隆  
祐皇太后伏願頓悟三乘坐超十地如明燈焰千薪傳而千處  
不窮若大海流一滴入而一切無異證成佛果敷佑邦圖

隆祐皇后二水道場疏

汪彥章

慈闈棄養永纏隙駟之哀仙馭升游俄閱親蠶之候爰即塗椒

之地恭繙貝葉之文憑仗勝因增崇冥福用東朝之積慶契西  
竹之真筌

隆祐皇后六七道場疏

厚德遺基永恃山河之載仙遊歛駕徒驚日月之流爰陳蒲塞  
之羞并集毘尼之衆闡揚海藏滌祓世氛庶啟在天之靈即登  
成佛之果

照慈獻烈皇后卒哭道場疏

徽音浸遠晨昏復見以無期喪紀敢逾哭踊自茲而有節即長  
樂嚴凝之地闡祇園祕密之文仰祈如在之靈即證無生之果

昭慈獻烈皇后几筵道場疏

迅景莫留隆冬俄及瞻玉衣之在御驚馬總帳之生寒爰即禁楮  
普作人天之供庶扶慈極永從帝釋之遊稽首覺雄垂心冥祐  
昭慈獻烈皇后啟殯水陸道場疏

馭駕登遐苙不盡飾終之報龍輶在御將臨先遠之期爰稽梵釋  
之文溥作人天之供徽福萬緣之會歸誠兩足之尊仰冀尊慈  
潛伏精神悟摠持于妙湛用升濟于神明

隆祐皇后永陸道場疏

天禍禁闈世忘慈極徒哀迷而失次念追報以無前伏惟真乘

庶增冥福悟無明之種子乘大覺之津梁願力所覃神基斯固  
昭慈獻烈皇后水陸道場疏

羨道既封雖山川之在望虞姓屢薦悵日月之如流恭命茲蕩  
之徒普羞蒲塞之供仰祈法力陰導神游同知見于覺皇錫休  
祥于丕祚

昭慈獻烈皇后中元水陸道場疏

塵揜宮衣理莫回于長夜涼生陵柏時奄及於新秋當茲蕩自  
恣之辰陳蒲塞無遮之供仰祈法力永導仙遊集諸福于人天  
墮餘祥於宗社

文懿皇后追薦道場疏

楊大年

闕宮嚴奉尊藏主之遺靈香刈追嚴悼捫天之遠駕伏惟 文  
懿皇后德侔厚地慶協曾沙早正親于中闈常留勞于彤管  
今皇帝感慈訓族昭孝厚民屬諱日之聿臨企真遊而永慕大  
營蒲塞之饌遐存飛颺之輪 文懿皇后伏願足履紺蓮神棲  
寶網面禮薄迦之相坐證三乘劫掃淨居之衣用綿百世 今  
皇帝伏願福量如海壽厯等山廣錫羨于本支彌昌異業道龐  
鴻之祺祉大庇生民然後願宗仰茂親徽廊雋輔交著彌諧之  
績同均凱樂之宜官師咸竭于忠圖夷夏率宗于感化

明德皇后小祥道場疏

楊文公

丙殿上仙四氣俄周於歲律祇園荐福一人方極于孝思是崇  
出世之良因以奉在天之神馭伏惟 明德皇后高厚襲慶沙  
麓儲祥作合神宗二紀式隆於陰教居尊長樂萬方同仰于母  
儀俄運逼于真游固哀深于宸極 今皇帝至仁守位盡禮事  
親慶方洽于承顏悲忽纏于冒恃家邦異制免遵易月之規霜  
露永懷彌切因心之感玄寢已終于遠日忘辰爰及于中祥特  
就精藍虔修淨供會南洲之開仕崇西竺之妙緣庶憑大覺之  
深慈克證上生之聖果 明德皇后伏願寶乘悟法花界棲神

受佛記于雙林福皇圖于百世 今皇帝伏願萬靈荐祉千聖  
垂休壽考無疆克協山呼之數千七載載永符海宴之祥然後  
願親賢毓德于懿藩輔翊宣猷于宰府羣后竭輸忠之効庶邦  
堅共治之誠凡居普率之間共洽昇平之化

請疏 住持

請玉老住龍興疏

卞公濟

釋迦過去彌勒未來當冥絕之兩間孰收召于四眾玉公躬履  
具戒廣翻祕言初說臨江之禪若契臨濟之事眷茲故壘舊數  
精廬久羣笑于狐狸輒擯斥于龍象掃除去霹靂手與發起勇

猛心剗牘以聞奉制曰可天堂再啟重現光明之拳丈室既成  
徧容高廣之坐屬茲開士越彼稠人果誦義之有歸福當仁而  
不避出贊歎之妙語用光華于淨坊

請湛老住崇寧疏

晁無咎

大圓預教不以世求淨明心不緣他悟既衆生本來成佛則祖  
師何以為人皆田流轉塵勞多生認賊所以顛倒迷悶終日  
怖頭有大智人緣在震旦面壁無語不妨滿轂清風隻履西歸  
依舊一天明月雖它方之已熟眷此土之未敷今皇帝陛下  
紹述聖猷嗣隆法寶合百工歸美之意建萬壽崇寧之名妙喜

繁來化成跳出是用騰封章而有請屈道德之肯臨恭惟和尚  
受祖祖心提方方印等慈不擇貧富任運無有東西視不見聽  
不聞在三藏鼻孔上立遇者當者壞從德嶠棒頭出來願垂  
悲憐副此翹跎不用變生作熟自然識路知家以不盡燈度無  
量衆葛藤具斷阿誰曾縛汝來皮髓兼忘那箇是不精底上資  
睿笑永洽純熙亭沐民生普離菑咎

請圓老住教院疏

孫仲益

如來超最上乘初無言說佛子墮無始劫久住輪回憫諸一切  
有情當為衆生說法其人讀書悟斷輪之妙談空契投介之機

面壁九年已忘言語道彈指千偈猶現句文身指彼岸之津梁  
示羣迷之領袖墻壁瓦礫皆具法音龍天鬼神遍生花雨

請密老住玉屏疏

虞惟甫

何佛無因且說法身報化是山有寺不論見在去來況開山建  
無礙道場傳佛正法眼藏不逢妙覺孰尉羣心共惟某禪師開  
自在門行真寔諦身如青蓮出水有塵莫汙心同白月行空無  
跡可踐興精藍于蠹葉荒頽之後成大藏於笑談指頽之間交  
驩者千萬人害成二子載清風而歸去為勝地而鼎來山間  
草木盡欣不知春力庵裏雷雲長濶溥接初機增光玉屏

山頭升寶蓋座

請妙印大師住龜潭疏

孫仲益

一世解鑿尚存馬鬣三歸集福今在龜泉伏惟某人舍衛國之  
比丘祇陀林之上首安心得法隨處現身九節烏藤去作閑雲  
之伴一丘黃壤佇霑法雨之滋

請印老住中岩疏

印公濟

貝闕珠宮自菩薩龍所避瑤塔金地為阿羅漢所居必極西方  
之流故堪東道之選伏惟印老和尚舌根如家有花木香林帶懷  
挾永無塵土氣操節凜金石之異言語如雲霞之姿已堂：而



經奇但寂、而理照若同淨業數眷老夫勅書閣下接太一真人吏隱山間迺第五尊者睇林泉之勝踐適巡管之上遊閃平生之故交在舉世之開士亮出處之母必異然諾之未忘訶佛進佛場中想四衆之避席將毋慈母岩下尚千載之卜鄰

請悟禪師住輿化疏

陳無已

南北不異禪律相資曲士拘文起差別于目目至人達觀示平等于冤親不有別傳孰開異見某公尊者承佛受記為世導師紹雲門之正宗分慧林之半座望破頭之氣知正法之傍行觀優曇之花信異人之間出知時莫逆觀化方隆毋辭千里之行

以慰一方之望

請普老住太平疏

李元應

久嚮太平老子向無孔笛中吹箇曲解嘹唳太清惟三世諸佛拍得是六代祖師和得徹和山鼓應得就道吾舞得成若向宮商角徵中求今以槎過去也行遍大唐國知音能幾人况武信未為陋而廣利久虛法席開市子裏三家却中恐有半箇人聽不以百幸師命駕

請正老住廣孝疏

寒山無心自是豐干饒舌馬祖多事堅要黃梅出山這聖箭子

昔曾透過九重城汝鈍根師何嘗夢見六代祖况趙州老大漢  
住處未知那臨濟小廝見具眼有數試看朝生鳳子解接老去  
馱牛惟振禪師具潮外音同水中月當時行脚懸知我子天然  
今日還家正謂老婆心切接得青原斧子踢倒百丈淨瓶雖短  
小而舌至梵天能圓融而量廓沙界豎起拂子這妙月西天亦  
無吹動布毛箇佛法此間也有真菩薩子現宰官身知廣利之  
叢林非野狐之窟宅善濟塔下觸目菩提蘭陀庵中通身般若  
本自頭：具足鷓鴣啼處野花香不妨處：圓通燕子歸來深  
院靜牧笛嘔啞非是曲聽取一曲太平歌

請嘉州家老住宜黃梅山疏

翁起予

嘉州石像擎天作麼蓋藏峽府鐵牛下口不勞吞吐既有隨身  
之法力可施鍛佛之鉗鎚振曹洞已墜宗風判祖彌未了公案  
會有達識乘此妙緣家公長者宿植道根深得法髓乃枯木之  
的子正芙蓉之遠孫敲唱俱行體周全露斷三種之滲漏辨五  
位之正偏迹隱叢林名高海嶠適有宜川之上利寔為臨汝之  
勝游輒柱巾瓶來臨岩壑桃花見後不須過眼疑生梅子熟時  
切忌當頭問著免從衆請幸勿故辭

請恩老住蔣山疏

張安國

陝府鐵牛脚力負萬鈞之重石霜角虎眼光搖百步之威欲轉  
無上法輪須還本分尊宿思公長老禪師一生打破四海知名  
揚岐棘粟逢當仁不讓國師無縫塔此義卻暗截斷眾流壁立  
千仞乃眷鍾之勝地寔鑿圓悟之昔存俗駕初回潮音未振考  
之公論僉欲前來拗折竹單具與逢場作戲橫担拄杖直須覲  
面相呈稽首妙華王請聖祝人壽

請趙居士住觀音院疏

陳無已

觀音吉利地聖人凡穎上名都信深緣熟是興無盡之供用開  
大施之心趙君居士見遠察微有家無累悟解不立已契祖師  
之祥悲願未終更廣眾生之福憑茲一舉以効初心

請凝藏柱天宮院疏

鄭伯敦

牢落數椽在梅江之鬧市端居一席須恭苑之名流凝公長老  
純白天資孤高道巧毘盧寶藏曾是護持梵宇天宮何方坐斷  
看雲花之初出祝蘿祚之無疆

聖旨請間老住徑山疏

黃花翠竹是山皆有道場柏板門樵到處堪呈戲具眷徑山之  
勝槩寔宝刹之善因法席偶虛當仁誰屬恭惟文公長老丹霞  
敲手枯木親孫一口吸盡西江四蹄踏煞天下得正眼法為勝

沙門酌不竭而注不盈窮益深而測益遠空心及第豈偶然哉  
垂手於人無不可者共慶人天之會遽邀龍象之來

請珪老住黃山疏

翁起予

輓毬指拍當面熱瞞擊竹捲簾遭人冷笑現成公案不勞怛  
商量本分作家別請斬新拈出珪公長老早携龍門之法印出  
樵虎溪之道場意氣高壓諸方見解平欺千聖拈槌豎拂不惟  
截斷衆流鏤月雕風更能游戲三昧矧黃山之勝境寔緇侶之  
上游貌座久虛雷音未振願徇人天之請覬同龍象之來敲關  
祖佛頂門拽轉衲僧鼻孔上資睿算俯慰凡情

聖宗名賢五百家播芳大全文粹卷七十八

釋疏

請疏 住持

請駢老住惠安疏

公羽起予

臨濟一唱嚮似雷奔黃飛三闕峻如壁立雲居祐老僅會放簾  
捲簾兜率悅公頗知我手佛手張無盡未免挽行奪市常再如  
大似借水獻花雖云自有家風不出這般窠臼公案見在宗派  
分明須未未後老成掃薄從前陳迹駢公長老以無碍辨得最  
上乘蚤傳疎山之衣人云跨竈須坐衡岳之頂誰敢當鋒四馳

踏殺天下人一口吸盡西江水真個光照先覺可謂不忝後昆  
念噫川之要津有惠安之古剎種魚不振猊象久虛敢居高蹤  
來臨法座別傳新冷要教祖佛點頭一洗前塵便使雲山改色  
勉從敬請幸勿固辭

請仁老住教院疏

孫仲益

如來超最上乘初無言說佛子墮無始劫久任輪迴閱諸一切  
有情當為衆生說法某人讀書悟斷輪之妙談空契投芥之機  
面壁九年已忘言語道彈指千偈尤現白文身指彼岸之津梁  
示羣迷之領袖墻壁瓦礫皆具法音龍天鬼神遍作化雨

請六祖禪師住中和疏

黃魯直

鐘魚鼓板癡禪盡飽而六祖飢卧具床敷濁禪盡温而六祖冷  
使道人如此失所檀越何處用心敢為諸仁畧開少分相逢展手  
不妨貧女一錢隨喜頭報在龍華三會

請觀音禪師疏

陳無己

出處有緣相時而動去來無意以衆為心某公禪行師歷諸方  
歸安一榻湛如止水衆至則形段若震雷物待而發惟此東剎  
令號左禪乃古宿之道場而昔賢之施會異人間出衆志大同  
續圓通之法燈成先佛之遠記法施務廣當衆建而共扶祖遺

大行復一枝之旁出

請觀音禪師疏

知者不說言語所以為人德必有能住持乃其餘事某公禪師  
言未發口而達者知其有道功未先事而談者知其有才信淵  
默而雷聲由孝友而成政願茲勝地宜得異人祖令當行正須  
無說羣能效力不假有為願効至情同伸勸請

觀音禪師疏

陳無已

世當末法方葱嶺之西歸地則左禪乃福城之東際人天合力  
緣法同時某公禪師徧歷五宗頓開千眼着衣喫飯肯學為仙

之禪得髓與皮不落少林之句十年面壁未遇知音千里同風  
是歸作者無緣處說法有佛處稱尊勉徇心以成本願

請悟師住文頂疏

楊祐甫

諸行無常惟禪為第一義精義無二故佛說最上乘是法亡等  
級之差吾儕有根性之別其解脫者頓悟刹那之頃彼況迷者  
輪迴億劫之多式賴正知為了大事茲佛所囑非師而誰伏惟  
長老和尚慈持多心遊戲衆妙大珠莹于濁惡慧劍倚於空虛  
諸聖經行無空過者大衆瞻仰决非偶然、而時有適來緣不接  
合浮盃湘水超無住心還錫蜀門現大悲性過故山而耆舊

膜拜入吾室而龍象歡顏諱佛衣之有歸捨玉城而烏往延率  
四輩同啟一心敬奉懇誠諦聽開諾伏望闢正覺路闡方便門  
濟渡斯人俱到彼岸

請解空長老住江心疏

第一義諦本來元自分明不二法門了然也無多子故曹溪分  
派于滴水而少林續焰於枝燈見性求心大好作佛祖傳衣付  
鉢要須及子及孫能益振於宗風庶有光于道質眷此中川之  
勝鬱為東溟之雄兩峯屹煙霧之中萬瓦出雲濤之上見成的  
好箇公案新來竝立話頭地勝人凡唱高和寡潮音獲振豈惟

竦聽于魚龍佛事增修要使斬新於鐘鼓欲舉斯事元屬當人  
恭惟某人天下大禪衆中尊宿脚跟步一點地鼻孔處一撩天  
喝下承當妙得雲蓋之骨髓捧頭荐取別開臨濟之眉毛真叢  
林一角之麟寔法窟九苞之鳳願遷錫杖來坐道場禪門何憚  
于去來道眼寧分於彼此三十年後信天竺此話盛行八千歲  
中祝南山之壽難老

請圓照禪師疏

蘇東坡

竊以大道無為入之必假聞見一毫頓悟得之乃離聰明為自  
在明真無礙法天降一雨徧泆羣生佛無二門併歸真諦其惟本



師長老脫離常見洒落孤風其為已也如月行空無跡可踐其  
 為人也如金入範隨在皆圓既不滯于一方豈肯違于眾欲  
 而况淨慈古刹錢氏福田代不乏傳人所信嚮閱於善俗久漸  
 真馭以來臨惻隱慈心願順羣誠之再請

再請震老疏

劉仲遠

橫海鱸鯨寧容蟻制摩霄鴻鵠非復燕之在靈府以長閑於贅  
 龐而奚問白水長老一提佛印九坐道場雲眇々以無心水洄  
 洄而不競澄之不清而挽之不濁飄然而去則翻然而來復歸  
 我眉洞天為說普賢樓閣大衆渴仰重說偈言象駕崢嶸但進

途誰信螳螂能拒敵

請然老住東林疏

三世諸佛夢中說佛人鮮知音六代祖師頭上安頭誰能領話  
 家：顯露個：圓明須煩本分納僧直指現前佛性然公長老  
 慈覺印之嫡子雪竇雅之親孫十住大叢林硬着脊梁擔荷徧  
 驗老尊宿怕它鼻孔喝斜一領布衫重七斤何人定價踏着稱  
 錘硬似鉄惟已自知眷此東林夙稱名利久矣鐘魚不響幾半  
 泉石無光龐居士夙契烟霞裴相國能招黃檗蓮社從今熟開廬  
 山喜有歸投願憑寶爐一瓣之香上祝聖君萬年之壽既解

願

桑杯渡水展赴精神通何妨滿塵雨花教大家讚歎

請悟老住徑山疏

三獸渡河誰是上根之佛種一牛吼地親逢具眼之宗師適當  
叢林禁足之辰請聞竹乾出世之法恭惟某人迅雷轉於舌本  
生鉄鑿作眷梁挈雲門墜地之網為月印得髓之子垢衣盡脫  
疑網頓除縱貫三乘縱橫五位曇花初開於汝水衲子雲臻羞  
龍再擊于徑山天魔腦裂偶憶武夷之煙月暫聽妙濟之松風  
不忘疇昔半面之知是為方便不請之友如來心印故非一己  
可私力士額珠要為衆人點出香花懺畫幡書一蓋聞春願揚無上

壽

之深巖廣作有情之饒益祝南山萬歲之壽後天永御于龍圖  
續西土四七之燈大事增光于鷲嶺毋勞固讓便請惠然

請文老住文提疏

高山流水騫劄相逢便是知音啼鳥野花取次拈來着箇轉語  
不使熱瞞伎倆直饒勘破話頭允屬當人獨判公案恭惟某人  
禪機電擊道眼鏡懸與麼光燁恰是一佛出世自然露倮倮  
不與萬物為隣無惜老漢眉毛發明祖師心髓打透關捩把定  
鉗鎚言下荐來自是本色衲僧事棒頭悟去辦得徹底老婆心  
無門無善才有地有彌勒願登獅子座便駕象王車不妨直下

承當要証向上巴鼻

請永長老住四禪疏

曾子文

見聞覺知中踏翻世界尤是滯却進封文字語言中打破空虛  
未為孤吟絕唱若也撥轉祖師上頭關捩須是烹煉佛祖本分  
鈐錘一劍當頭大地結舌某人太根大器徹髓徹心世尊良久  
處別開眼睛彌勒未生時摸着鼻孔妙喜有分贊嘆瀨庵不敢  
盡藏瀉山大闡於文風洋嶼高提于祖令王常侍擲下筆子幾蹉  
過于米胡裴相公問及高僧獨惟出於黃蘗城中百萬戶歸  
依未飽海上十二峯時節到來俱眠一指頭道場重興此一臨

濟三等棒家法大管羣瞻頭垂慈悲曲徇祈請

請正長老疏

不識李翱不是藥山和尚不遇韓愈不為大顛禪師姓名已播  
公卿號令豈惟衲子禪師兜率的嗣林際正宗卷頭與棒熟識孰  
其機脊梁與口都硬如鐵近放一隻聖箭直指三山道場既是  
披襟便宜荐取莫教過眼却欠承當看半句之斬新使眾耳之  
聾聵

請戒長老疏

蘇東坡

大士未嘗說法誰作金毛之聲眾生各自開當何關石塔之事

去無作相住亦隨緣長公戒公開不二門施無盡藏念西湖之  
久別本是偶然為東坡而少留無不可者一時作禮重聽白椎  
渡口舡回依舊雲山之色秋來雨過一新鐘鼓之音

請通長老疏

精衣冠之命儒蓋儒之表認禪律以為佛皆佛之粗本來清淨  
何者為律一切解脫寧復有禪而世之惑者儒佛相殊禪律相  
笑不有正覺誰開眾迷成都通法師族本播紳寔西州之望業  
通詩禮為上國之光爰自幼齡綽有遠韻辭君親于方壯弃軒  
冕于垂成自儒為佛而未始業儒由律入禪而居常持律報恩

寺水陸禪院四眾之淵藪三吳之會通願振法音以助道化所  
為者大無事於謙

請化長老疏

張正己

自無始來本無一物從有為後豈有二門世尊與蝼蟻共胎甕  
率與泥犁共境大處不容芥子小時也納須彌足踏手捉人人  
皆會天覆地載處有餘求直自失眼睛言覺已非吾髓諸佛  
何曾出世六祖未曾說禪橋流水流空付作者幡動風動本試  
小兒藥王但莫行醫維摩自然無病何者今日偶然道場惟我  
化公漚發海南雲飄劍外既悟樵中之塵回收衣上之珠棄寶

沉江微笑推車居士聚沙為塔已付轉輪聖主投筌縱魚奏刀  
袖手南禪燈謝諸老眼開未免赤脚入泥莫辭和衣涉水若逢  
木人問話聊與點頭或遇獅子嘯呻直須下杖時不可失師無  
沒來

請听律師疏

陳了翁

竊以教示別圓隨機各異乘分大小攝心豈殊慶喜遠遊捨軌  
範而遭魔網波離奉律漸通達而証圓門束心必始于束身了  
性常資於了相請遵羯磨而講毘尼听公律師信奉迦提轉持  
布薩說南山嚴淨之戒以靈芝高潔為師宜因隨喜之眾情廣  
談放逸之多咎庶起木人之利用生那埵之緣

請天遊禪師疏

孫仲並

大道真空不分禪律眾生妄見交構是非真須最上乘人與說  
第一議諦豈必長連床上拊枕高眠何妨枯木岩前拈槌一出  
游公長老名宣左蜀價重南州心鑑湛然機鋒剝直舊時籠籠  
受話無生今日卧輪不妨對境惟茲小剎創立叢林雖把茅蓋  
頭未稱作家之用而寸鉄入手要着軍令之行諒肯隨緣寧煩  
回避

住菴

請僧住墳庵霜露臺疏

汪彥章

風樹纏悲既抱終天之戚泉臺卜吉適逢遠日之期念攀緣皆自于愛生欲解脫當示于佛力佳城增廣瑞像來臨若非除僅之男誰作住山之計某人奮身名族投迹勝藍久從善知識遊常有天因緣志趣迂杖屨來賁松楸香飯化成何須摩詰淨瓶踢倒贏得滿山願不退之心副我無窮之化

請了義住牛山庵疏

孫仲益

同產五十年為昆為弟孤墳二百里依佛依僧爰諦弘因增崇善果共惟某人捨身得渡住世隨緣拄杖經行松楸改色結跏冥坐烏鵲來巢庶憑十力之慈大庇九泉之壤

請僧住黃林庵疏

種蒔松楸迄今五世迨營香火何止百年評公已潛九泉之幽方老為續一燈之照凌空飛錫在處隨緣踞地磨磚不妨隱坐

請僧住龜庵疏

一丘黃壤永依龍象之尊百寶青蓮普照松楸之上某人安心得法隨住現身竭來給孤祇樹之園面僚達磨少林之壁栽花種竹不妨宴坐觀空運水搬柴自可優游卒歲

請聖老住庵疏

伏以天道無方曾可決擇宗風有自所在流通惟隆報小庵寔  
家山舊隱塢內桃花正發峯頭菡萏還敷不有高人孰成勝事  
伏惟堅公禪老傳天風之正法住因勝之名藍緇素皈依天人  
跂仰志輕榮勢心慕林泉敢分慧炬之輝先用燭冥途之昏暗  
三家村裏總是道場十字街頭未為奇特拈槌豎拂方名接物  
利生宜大振于慈風即莊嚴于淨土存亡普利泉石增輝况小  
道必有可觀而當仁在所不讓良辰易失快便難逢鑒茲懇誠  
無勞偽避

請朋老住西庵疏

一坯壠上蔽柏城拱木之陰衆香鉢中具桑門伊蒲之供建崇  
善利允屬當仁共惟長老朋公徧住叢林以提祖印嘗據十字  
路把斷要緊今蓋一把茅結跏穩坐雖云無住相寧戀三宿之  
桑真成不動尊當面九年之壁

請僧住牛山庵疏

百年休歇四大本空一念歸依三生不昧某人追營香火升濟  
幽明弘開十力之慈光賁九泉之室即以緣而應佇看隻履之  
飛隨所寓而安宜厭把茅之陋

請妙老住墳庵

蓋茹一席容膝有餘良藥萬金安心是法如公長老夙心不昧  
真契自投于當來世有大緣故所遇作大佛事望松楸而拱矣  
方懷風樹之悲聽瓦礫以熾然行見雨花之墮

開堂

請法王瓶公開堂疏

黃魯直

本色住山人皆授如來記居則枯木止水宴坐十方出則疾風  
震雷驚動萬物不擇喧寂作太因緣中夏所瞻崧高維嶽心不  
可得少林開第一之花聖從何來破灶見本有之性從上諸祖  
莊嚴此山彼大法王寔拙都會河潤千里惠林宋福京師鶴鳴

九準天鉢號稱真子恭惟天鉢長老航公悟有生煬毒乘出世  
舟航吹布衲之毛傍家行脚刻法堂之草選佛登科而久閑尺  
壁之陰退養衆生之病寶芥玉座共知不可覆藏糞掃堆頭重  
為斬新拈出

請郭山霖老開堂疏

去聖悠遠邪法崢嶸當人伏藏正宗淡薄鉢囊掛壁衲帔蒙頭  
可為癡種子歸依必遭明眼人識破郭山應霖禪師蘊天台之  
雲月飽南嶽林泉得翠岩悅一味之禪分大愚芝千燈之燄而  
枯木宴坐草深法堂被悅上人者把牛鼻繩能獅子吼唯升堂



入室未見其人今日請為大眾發蒙亦與先師雪耻要當脚踏  
寔地舌覆大千末山園中不負臨濟蓮花峯頂親見龍牙入泥  
入水為人捍聚放開由已經奴白特盡教鼻孔撩天水鳥樹林  
須 腦明著地

請平老開堂疏

蘇叔黨

白雲在天舒卷自我明鏡無垢妍醜現前所以去來千變卒之  
無心酬酢萬狀本來無物今天寧長老平公嗣真如法傳達磨  
衣學道為衆宗師出衆隨緣利益聲名籍甚未許逃于空虛悲  
智兼脩正可行之願力重提祖令大振宗風作江海之慈航施  
山川之法雨妙高峰上本為一本因緣毘耶城中蓋自兩無言  
默鼓鍾一時改觀瓦礫莫為非人

請明教長老開堂疏

汪彥章

不離世諦諸佛刹：現前直指心源衆生人人說法然言下有  
可傳之派而古來無不續之燈不做當人孰提正令堂頭入毘  
盧境界真臨濟兒孫土木形骸冰霜志操一言半偈以為衲子  
傳來萬水千山行到江南盡處潮音一振海衆端歸正當象教  
一千年餘大家說臘月三十日話信手拈來皆是臨機踢倒便  
行要使吳頭楚尾之區坐增齋鼓粥魚之氣遇緣斯感無事于

謙

請寶林長老開堂疏

秦少游

彌勒開明唯善射而能入毘盧文室非摩詰以難居寶林禪院  
南宋佳區東吳勝槩本惠休繙經以地寔澄觀隸業之坊法水  
灣環妙峯孤秀下奩玉鏡涵日月以昏明傍穴金蚪化風雷于  
呼吸既川原之秀錯仍丹雘之鼎新飛閣浮塔就山為勢方疏  
圓井因木成姿即之而智慧生望之而塵勞破九重雁塔現多  
寶之莊嚴萬石鯨鍾示觀音之方便允非開士難稱覺場大師  
雅稱聖前素號禪關投虎峯而出家遇龍浮而得法祖師衣鉢

昔音書壁而傳首座山林今以躍瓶而獲了無異議寔有聖緣  
往開大搃持門以繼錄迦羅眼

請乾明長老開堂疏

竊以離塵求覺已乖調御之心即幻見真方契餘光之望聖因  
時遠人無法差執空而取者依一精明任相而求者認四顛倒  
守癡禪而定力運乾會而悲光習以自欺以則難變既安邪解  
沉迷有陋之因宜得正宗開示無方之力照慶上人洞該真際  
圓證法空於旋流轉徙之塗得妙湛搃持之力反聞性體已  
徧于塵沙自覺他功未周于毫剌輒勤三請願繼一音說見

在心作將來眼

請醴泉長老開堂疏

毛端寶刹曾何新故之常天下大禪安有去來之累惟古佛廟  
實今醴泉自百年香火之餘殆一國風煙之際塔閣連環之玉  
骨殿藏及錦之具文然而飛鳥啣花空存勝景真珠撒帳未過  
明師逮軍旅之荐興獲法筵之初起芳公長老少通教相晚悟  
宗乘密行則獅黨之所依歸妙則天龍之所回向游方既久  
貯海並深願辭臃腫之居亟返歸來之駕為談不二以度無邊

請高郵長老開堂疏

棒頭取証尤為瓦解冰消喝下承當未免龍頭蛇尾况乃不決  
漆桶無化鐵鎚徒認影以迷頭但抱藏而叫屈豈知填溝塞壑  
無碧眼胡僧積藏堆山盡是黃面老子伏惟和尚脚根點地鼻  
孔撩天真匠子之鈴鎚寔作家之鑪鞞諸方舉唱要須十字縱  
橫大眾證明大看一場敗闕

請高飛新老開堂疏

藕絲孔內既可追軍牛蹄泓中何方說法况此三家卸裏亦是  
百丈竿頭儻若當人自堪選佛今起南宗之規矩政資本色之  
鈴鎚新公禪師出自梵巖之叢林來佐天王之法席但知跋

擊、何曾暖、味、忽有悟于吹毛遂難藏于磴米今茲拈出  
分明對箭當胸但看行令不是呼雞作鳳喚迴癡種子接取明  
眼人坐令蟻穴蜂房俱為佛地何用龍宮玉食徒羨人觀好振  
雷聲仰祝堯笑

請天王真老開堂疏

鄒志宏

當年主席曾煩獨脚之憂今日傳衣可無三角之虎政賴作家  
之手段大繼本色之鉗鎚再起祥光喚回勝景稱公禪老夙親  
文墨每觀鼻孔之撩天壯了宗乘已覺脚根之點地掛眼金屑  
業已掃之帖肉汗衫于今剝矣用勒三條之菘菜渡一把之茅

法窟嘖呻萬籟俱息禪林蹴踏六合皆驚妙傳六祖之心永祝  
一人之笑請陞狝座便振雷音

請長老開堂疏

孫仲益

得佛心印般若流餘大千在我門中辨才今為第一而况發地  
藏之衆寶鼓天雷之大聲果有當人先傳師法共惟禮清溪之  
坐授建隆之衣聚萬衆之雲光然一時之風雨釋梵衆聖扶成  
智惠之言王公大人驚動聰明之聽北方龍象未有前聞我等  
一衆稽首歸依

請彭老開堂疏

陳了翁

竊以獨一無侶者古佛之心真俗不二者禪宗之旨唯信能入  
非情可傳悟當擊竹之時誰能贊助笑在拈花以後自合流通  
必先遊寂默之場乃可任住持之事彭公長老法承浮渡派出  
澄靈多年廬阜之遊一滴曾源之味迤茲勝刹宜順衆緣所開  
苟可以利它後學亦消於善道雲門一曲妙音不屬於宮商臨  
濟三關平地豈分于彼此宜演融通之句用調垂淨之風庶令  
佛日之光輝永同睿筭之長久

請太平興國長老開堂疏

天台選佛之境太平祝聖之場石鼓出萬歲之聲妙音猶在金  
地映千山之色寶燄常新用古人宴坐之談說今日忘言之事  
疑情剝落正念流通若非密契于能仁何以顯揚于大法言不  
可默今正是時璨公長老為達磨孫具圓照眼世緣苦樂融於  
熙笑之中情境是非了彼往來之相不離榮華之坐大振海潮  
之音趙柏常青普作禪庭之蔭曾源不斷永同天筭之延茲事  
甚明勿宜休問

請權老開堂疏

碧眼胡僧親留骨髓肉身菩薩密契風幡皆正法藏中機寶廣  
長舌下語伊欲再揚宗旨何期撞着作家莫惜當場與他勘破

今權師和尚夙探虎穴獨駕牛車可謂鎮海明珠堪任大乘法  
器自從吸盡西江水只恐踏殺天下人譬之一夫當衝能八面受  
敵好看抖擻真獅子大吼一聲從他驅逐野狐精疾走千里

請天寧深老開堂疏

陳了翁

竊以不說而說未為究竟之談無門之門尤在離微之境若非  
真寔一句何以開示羣迷宜得當仁善揚茲士深公長老燈傳  
少室孤出靈山石嗣本覺之前音在天寧之勝利以一大事酬舍  
生莫報之恩於萬斯年祝聖主無疆之壽光天廣大佛日光明  
合內外之勝緣讚延長之亨運四衆之所咸賴一音可以普宣

今正是時宜陞此座

請應老開堂疏

天竺五葉花遍開中土曹溪一滴水普濟十方只從彈指之間  
自可點頭而會今某人和尚六根已靜一念不生身似白雲無  
山不到心如皎月有水相容矧彼靈犀寔惟古刹不假灾新  
手段詎能施展家風好開不二門示西來之祖意當以無量壽祝  
南面之至尊

請堂老開堂疏

此一大事切忌商量縱是作家如何持唱假使終身杜口漏泄

已多直饒半夜傳衣遮藏不得九年短坐剎因作瘡一擊萬知擊迷聲認影未離音響終涉離微雖云寐：醒：未辨洒：落：迨於季末轉見清訛於寔際中橫分禪律於一音內互說高低致令驕慢之流以禪為戲而俾放逸之士謂律可除或言本自融通也是強生節目不無方便可使流傳惟此法雲嚴素號淨刹地隨人廢宗風常墜于當年道興時興祖令忽新于今日縣宰有更張之所使君懷外護之心呼吸之間天人改觀堂師長老眾推高行師於安心派出韶陽香生雲岫初如闍闍得實便擬韜藏終為緇素奔趨不容辭避來登法座願震雷音的：因

心誰悟少林消息冥：垂首請參莫照兒孫別有一言異時分付

請鑑老開堂疏

曹溪一滴本自何來少室九年但 斯事直得拈花分付不如面壁商量至於舉措相呈皆是事不獲已聲前得指萬里鄉關句後明宗兩重公案無物可說一言靠倒維摩據寔而言三頓賺殺林濟放開一線作麼承當去此二途如何語會必有人中師子來登此處道場自乾明變律為禪得崇公為眾演法：無異法人用當人古鏡重磨一任覩來覩見高明有維繼且見鳳生法

鳳兒鑑公長老早入空門夙奉茲戒忽厭手字頓悟圓宗誓學  
最上乘得見如是事蓋十方勝教盡出雲岩舉一瓣香皆生雲  
岫副信士精懃之請紹古人持唱之風更無可言請升一座

請文老開堂疏

以言演法法不在於筌蹄即物明真豈留於影跡直指本家  
面目除非本分鈴錘亘古不遷清風常在文公長老持寶印正  
眼為靈巖嫡孫處雪峰之道場眾推領袖還丹丘之舊刹不露  
鋒銜今逢出世因緣即合隨時演唱山如鷲嶺地有湧泉古師  
之舊迹猶存上士之孤風可繼不離當處發千聖未傳之机永

為聖君祝萬壽無疆之慶請升猗座一振雷音

請彥夫開堂疏

邵公濟

士此退之許大顛之出世僧如惠遠招靈運以論文惟儒釋之本  
同亦道德之相契願茲妙理宜有宿因惟我先公為時前輩  
爰有方外之士早從人間之遊冠珮永秘于名山松檟近依于  
寶地念師表嘗求於先友須名德不愧于古人彥夫禪師學本  
無心遠傳孔氏之道才真可用近聞登觀之風寺屬若僧當然  
占于規戒占辭有感雪涕無從果哀懇之獲伸庶冥神之可存

請祥雲院長老開堂疏



竊以大事因緣舉世沒奈何時特出作字手段是人動不得處  
方施准茲覺場幾成魔宅若無伎倆安可承當恭惟堂頭長老  
禪師龜峰天馬駒靈石金獅子輝騰今古把定乾坤本是北斗  
藏身暫問西乾出世放行嚴令振取頑綱三世聖人計較未成  
時頗能擔負六代開士扶持不起處偏以交如總下水方見長  
人既入林須防猛虎不啣嚼漢乃帶水拖泥若伶俐人則提危  
濟險況本來大機大用肯隨列道不會不知百尺竿頭已曾進  
南泉之步十字關市何妨卓德台之牌鼓舌搖唇呵佛罵祖若  
問文殊仗劍其意云何肯使釋迦低頭出氣不得况有在項一

眼睥晚可把隨身七事施張若見希奇便宜捲却衲席儻沒交  
涉定是掀倒繩床舉唱宗風洪延睿美一句作麼生道

請行禪師開堂疏

妙行精藍直湘江之要會慶公長老真曹洞之嫡孫入境相多  
因緣有在不辭開處方見作家象骨峯前已是親曾受記虎頭  
城裏何妨舉以白人幸吐潮音用扶灌祿

請中禪師開堂疏

眷茲中塔寔乃上游謂何鐘鼓之妨化作兵干之地不有廢也  
何以具為琅公禪師臨濟宗派能紹隆于佛種才不墜於家風

灰燼之餘允屬開荒手段龍天之會諦觀祝壽道場

請栖隱長老開道疏

栖隱道場南華祖意有善知識為大宗師拈起三瓣香不是等閑佛事放開一線路且旨本分作家欲聽潮音願留金諾

重請慈雲長老開堂疏

兵戈林裏脫身乃飢鷹爪下得充灰燼堆頭作屋斯烈火焰中生蓮須經魔難一道場方見神通三昧智公長老臨濟嫡孫得密傳骨髓于泐潭移正令鈴權于贛渚老僧與鉢孟俱在依舊家風市井將骨董自隨重開鋪席好將抄語永贊玉圖

請普明長老開堂疏

苾芻林裏更無凡根楊梅渡頭已登彼岸智公長老贛郡名流參罷而接物應人禪餘而嘲風詠月點金于九轉火內草律為禪進步于百尺竿頭造場作戲好將佛語上贊帝齡

請大觀長老開堂疏

種玉黃堂布金紺宇寔古群支佛之舊第也機鋒活落骨象稜層真妙喜禪師之嫡孫也人景相高自是法緣際會基圖不拔更須道力維持當以妙揚副茲公選

請空老開堂疏

水月萬象居中是名覺海風幡一句在後誰見道心某公禪師  
度柏傳家座貌增價莫問呵佛罵祖且觀舉拂拈匙應而不藏  
喜靈山有之託言而當法況睿筭以無疆

請太平長老開堂疏

桃源勝地祭苑名藍業席久虛輿情共俟詮公長羌婆女高人  
提正令之鉗鎚作諸方之願袖若許龍安山前借重便令獅子  
席上生光不動干戈已見太平之氣象庶憑香火用扶有水之  
基圖

請崇寧長老開堂疏

五百歲而出君臣歌天保之詩千萬人之心香火作華封之祝  
恭惟 皇帝宇宙在其手日月合其明一日二日萬機遠追神  
考三千大千世界已在華胥已喧輿議之大平當習羣臣之嘉  
頌謂上帝降年有永既百斯男願吾君無得而解惟一日壽廟  
堂歸美天地歡聲春東武之奧區有西方之故刹昔為光聖蓋  
揚周武之大明今結崇寧請誦召公之江漢去彼取此因時制  
宜闡淳提國中悉皆歡喜堯率施天上如是莊嚴出視坐之大  
音聲讚天恩之不思議無烟馨鼓便有道場伏願 皇帝陛下  
惟懷永圖自貽哲命惟天寰海四維無盡而無邊如須彌山萬

劫不蹇而不壞凡在潮音之下皆歸壽域之中率時者龐多所  
饒益

請圓老開堂疏

拄杖頭三千世界誰敢擔當經卷中百億塵沙如何駕說只教  
餽舌便放出頭此地見有硃砂何處更尋亦李共惟某人首業  
林之右選嗣佛日之正宗以一切為禪悅之門將三昧為游戲  
之地飽嚼葛藤滋味慣使狗子機關無談樹上之禪語說空中  
之相傍家行脚把牛鼻繩象風裝帆作獅子吼念先師不可思  
議須尊宿明示去來叱出旋渴須教到岸布袋放下布袋等閑

到處為家葫蘆自縛葫蘆今日逢場作戲拈出八萬四千之公  
案重新三百六十之家風奉饒當面熟瞞忍得低頭冷笑既是  
作家手段自當拆障補羅那堪本色鉗鎚正好磨磚點鐵奴贖  
瞎平人眼孔莫乾折自己眉公百尺竿頭不要忙三家市裏須  
還是高升現座大震雷音

請普會長老開堂疏

舉花示道識者承當指柏明心達人究竟不離方寸即是如來  
執情見者千里山河了空性者一輪水月揚眉瞬目盡顯宗風  
見色求聲俱非聖解須假言詮之要方窮真諦之歸不有導師

誰知奧旨普會和尚密授雲門之印親傳洪濟之衣起最上乘  
得不二義方諸方之標準為末學之津梁正坐道場全提祖令  
一燈繼照放無盡之寶光五葉齊開成自然之妙果幸臨法會  
大震潮音願度羣迷毋辭廣說

請會長老開堂疏

種々皆真元無差別塵々是道不假修為由來千聖不傳本無  
一法可說未起上悟須露玄機指度相以明心舉手花而示道  
欲開羣惑宜假導師勝因會長老陽岐遠孫佛果嫡子高提祖  
印大闡家風開方便之多聞司中有眼指莊嚴之淨土佛外無

心幸振潮音來臨法席

講說

請照堂夏講疏

陳了翁

禪者調御之心教是能仁之語覺王心口動寂總是具于全身  
海印凝流畢竟同歸于祕藏會源一滴終無別水之波佛隴九旬  
但指本輪之月言々皆藥法々無瘡要知手箇之文不離面壁  
之處毫釐若契說默皆如苟違進照之機詎明俱泯之相余設  
高坐以邀上人照公長老善續祖燈嚴持教網位上均慧以啟  
圭峯之舊徒為物入廊嘗講彌迦之輪字金剛圓覺已侈頌聽

之人資福寶城同是精藍之地宜順可從之請勿違無作之緣

請明老說圓覺經疏

晁無咎

修多羅教者如來本起因地正受任持大涅槃門妙莊嚴路十  
二部經諸決定義十二菩薩所修行因流出無量一切吉祥真  
如起過恒沙于方文字譬喻若廣說者千劫不盡若無說者  
者一句不煩然而末世勤勞益遠正法衆生眼目必有導師和  
尚德性純明道鋒孤挺具三次第為一提持固嘗振錫將心為  
證此事拈招香說悟已契古人於我此邦夙植善本願與慈闍普  
為宣揚夫性覺圓通初無此觀因他漸次故有齊修單修欲令

見聞不生差別幸對人天之衆尚無金玉其音

請律師說圓覺疏

史天秩

道在眼前誰能觀妙書刊紙上可以悟疑不妨糟粕之傳自有  
筌蹄之獲況遇琅函秘旨金口妙音指如幻之六塵破有為之  
四相五千餘卷攸歸一抄之微二十五輪進以分門之異雖名  
頓教亦漸修諸佛所言是人願聽恭以某人辨才無碍覺性  
有融志在最上乘心存第一義以遊都會獨步教門須知說法  
度人不免歸鄉帶業金風擁馬指山寺以言旋玉塵開題散天  
花而作供苑從鄉議用報佛恩

請長老講經疏

張正己

三性圓明能照盡無法界有生之類與我同得去真即處於性遂  
 遠譬之貧人懷無價寶日在其身不知自覺求乞於市以得  
 為喜迷足相者不知寶身故人有寶若能得寶其價無量終身搜  
 山久無所得力窮心急疑山無寶偶得千金和山售寶是相  
 者不見寶故使人得寶日生千金自信無疑世必無金可易其  
 寶然世以得寶自以為真韞櫝而藏舉世不能移其所愛有真  
 識者指其所非識之寶市眾識皆笑此名見寶而實不見寶妄  
 見非信亦復如是乃知起信必導人以見性然性因疑生自見

分別我初無疑信亦何有疑信既滅性本如若夫起信本為疑  
 設而疑者自疑以信為有今吾知智師以是因緣為眾起信師  
 乎吾非懼汝之不見性也

請慧通闍黎講法華經疏

葛謙白

一宿明心固須直截九旬談妙也要周遮宏演真文以屬開士  
 炬師闍黎禪律俱貫權實互融了三止三觀之詮淨六根六塵  
 之障傳衣佛隴夙承銀地之宗風秉拂仙潭曾露金容之秘記  
 佇臨鹿苑等與牛車不爰緇侶之驚疑行見天花之亂墜

憂

播芳七全文粹

卷七十八

新

播芳七全文粹卷七十八

國家圖書館, NATIONAL CENTRAL LIBRARY, TAIWAN, R.O.C.





聖宗名賢五百家播芳大全文粹卷七十九

釋疏

講經 酒榜 茶榜 修造

請覺老說金剛經

晁無咎

六百卷義總較若以題籤四大部中以金剛為教髓如是住如是降伏法固已傳若以色若以音聲佛不可見所以德山受具而精究曹溪採薪而簞間蓋達心則四句無餘故上根以一門超出和尚離我：所得玄：機故知筌喻本空然欲濟者盈于涯涘夢觀不實而卦射者喧于林惟況此小邦魔強法弱賴觀

若士雲開日明庶機興行從此紹續音達魔見梁武帝則不立  
文字而天女告舍利佛無以離語言師今對經所說何法我不  
取相亦無是經願諸見聞同一解脫如病得汗如鳥出籠

請律師講蘭盆經

人自無始至于今生所歷生劫過于河沙無生不始于父母幼  
勞之恩每如四大海水而人生一世恍惚如電有得百年以盡  
報養其于海水僅為涓滴何況世間事違人心或襁褓而隔生  
死或老耄而勢南北或欲養而時不逮或待養而力不繼以一  
生難報之恩積無窮之恨則人之所負其親蓋已多矣世之人

以能備棺槨衣衾舉親之道形以就士為足矣而不念遺形之  
外魂魄所遊有不適其安者遂忘所以導其安嗚呼其追報之  
恩亦不廣矣且以目蓮親遇出世之佛以身証六通而母不離  
于惡趣雖佛之慈惠有不能救設盂蘭法以假眾威方然後離  
脫况以元力欲為父母滅罪延福區區一身能自致乎今夫汗  
哀子楊某欲為過去所親倡集鄉黨信法善士敬請通義某僧  
於中元眾僧自恣之日講盂經一會以追荐其遊魂凡有父母  
心者莫不皆喜捨集會伏惟某僧覺大乘無邊方便推天性自  
根慈孝為法眾振錫一臨幸甚

請小本

超昇三昧演暢一音自是跳上祖師更欲推倒大佛低心徇俗  
出手為人瓦竹相敲萬古無間獅子吼風幡不動一時驚散野  
狐禪大逞神通定須奇特諸人諦聽着意緣

興化寺請真公修造

有為雖幼是惟聖證之因興事其時信有異人之至真公大師  
行成于律法得于心志如金石之堅施有龍天之助勉從勤請  
後發願心

請致道道正住持酒榜

程子山

王无功作五斗先生傳大誇物外之高蹤杜子美作八仙飲酒  
歌盛說酒中之佳趣蓋絕塵離俗之士多飛隔舉白之人憑美  
酌以養性藉醇醪而去病聞中山之酒十日熟不流涎傳南郡  
之醪十旬皆相慕義酒之德至矣酒之用大矣投于江以破勾  
踐之軍噉為雨以救歲都之火其在遵氣養形之類尤喜絕縷  
側弁而來為世外之道遠遊昌天上之步虛曲事屬高道理絕  
當仁共惟致道、正先生祿謝萬鍾味思九醞斟酌飽滿而於  
性自得獻酢交錯而于禮無違一斗百篇喜謫仙之狂筆三行  
百拜笑吾教之煩文稱玉山而屢接高標解金貂而常逢貴客

澁不鄙宜城之竹葉濁不嫌南國之榴花蘇東坡昔日之私醜  
常供痛飲院步兵公厨之醪醕曾發醜顏欲坐而文學之罇不  
空求對而周觀之量難敵今也火雲盛熾玉露將零聞表紉河  
朔之遊思陪邂逅說山公高下之會亦欲臨池鶴馭未行金壘  
已到家道之生涯澹泊沉涵而不至破家山觀之氣味清虛荒  
沈而無憂敗度况座有神仙之客門無糝雜之賓吐賓吉之車  
中貴人不怒卧卑卓之甕酒家無辭宜同濟之人共適陶  
陶之性後會難再高風莫攀雲馭他年集眾真于碧落霓旌異  
日講盛宴于蓬萊事未可知茲不復道

請知觀酒榜

飈冷借馭初來物外之旌幢盛館開延盛集壺中之簪烏振立  
風于樹下續壁緒于陽平且借暎雨之流共作乘虹之飲共惟  
住持先生以諸正味獨抱真醇混醒醉于兩忘齊聖賢于一致  
巖達石髓耻為王列之和道遺瓊漿瀟事雲英之役芬馨既露  
光影難藏逆原香火之緣俯就官壇之職幸仙之人居紫府須  
從事之到青州無忘伯雜之清惟慮小樽之竭星旗正耀天幕  
方開何勞膾正脯豈自是餐芒飲水藉今日稽顙之會結他時  
茅杆之遊振頌提綱諒談笑而可畢操危挈榼非倒載以何辭

佇徇群情同為至樂

請然老茶榜

歸宗竒恠沒意頭將鉞子踢翻龐老鼻提甚巴鼻把托兒拈起  
門底雖峻風味不殊所以趙州勘辨諸方是馱家先賴佛日麗  
瞞大眾緣思後不禁頌知今日作家抹盡古人公案然公長老  
鏡旗屢試聲價素高古佛場中摘靈苗異草無影樹下酌古澗  
寒泉搖撼破甌肯作夾山伎倆森羅萬象笑他投子顛預不知  
雨腋已風生只道餘人無別喫洗盡殘羹餽飯還他正焙靈芽  
手提雪竇苗下破鐺點出慈覺當時法乳甘生蓋頌香透頂門

曉

妙哉一口吸西江信矣幾個知天晚雪山種底莫作尋常一樣  
看雲板響時拈出平生三昧子

請明老茶榜

孫仲益

謂茶為苦以蜜說甜同在一塵孰知正味明公長老以廣長古  
說第一義以清淨眼證不二門應感而現法身隨緣而作佛事  
衆但進果百鳥啣花鳴兩耳之松風倒一瓶之茗雪三竿紅日  
上正熟睡時兩腋清風生不妨仙去

請九頂長老茶榜

馮當可

草木有耳亦聽新雷之聲雨露無心助發先春之味直信溪山

有異便知香氣不同宜向法筵特伸妙供新命禪師不尋枝葉  
便見本根驅耕奪飢雖自最初下種碎身粉骨却于未後酬恩  
最宜活火裏烹來不見苑死水中浸却昔日徑山門下打破封題  
如今大像山前放行消息只要未舉托時會取莫于擬開口處  
商量與冠衣土庶結清淨緣為天龍鬼神滌塵勞想舌頭知味大  
千界同苦同甘腋下生風一切人徹皮澈髓湯瓶舉處大眾  
和南

請廣孝長老茶榜

李彦和

未出氣招鏡旗已露總經劫火牙葉猶存發生于五蘊山頭擢  
秀向妙峯頂上遠離塵中夢想驚曰天下魔軍若能信手拈來  
方知下口去處某師宿植德本固養靈根廣私自己心田悉下  
菩提種子定水養成新氣味慈風扇出舊根葉舉起須彌碾米  
不破倒傾瀛渤點盡還餘飄然而腋清風普現于江皓月甕甌  
拈起大地震搖托子放時諸沸滅度可使枯腸無物不教病眼  
生花何須居士屢擊一怪自足不是趙州解飲半滴難消若逢  
無舌道人試辨味從何出

請普老茶榜

劉忠遠

彭八拉劄擊動閩南鼓離羅米也唱起德山歌明、撥開甘露

門一一指出黃金樹仰山摘去香嚴點來龐公舉起托子時歸  
宗打破跳兒處雖然直下是不用那邊來試問叢林乍何滋味  
普公一燈星火九似活泉不消老婆運神通說甚人子呈知解  
第一碗彌勒大像第二碗普賢上人第三碗尊者諾詎羅只這  
一碗什麼人合喫森羅萬象即不不問轉身通氣作麼生鎮州  
蘿蔔大於瓜雲門胡餅甜似蜜三千卷文字料掉沒交涉三十  
年鹽醋畢竟說與道更有一句子蓬庵今不惜眉毛特為拈出  
喜提子吃茶去

請隆長茶榜

鄭厚

凍解靈源光浮巾錫春歸陽谷暖龍衣簾帷鶴駕生風春門迎之  
茶苦餅餅翻乳獻郊勞之芹誠響象如臨哀號增感已掃先人  
之敬館泰安聖者之眸容載仰慈悲俯從戾止

請寫老茶榜

馮當可

天施地生凡萬物與我一體星驅電掃為大眾拈出一奇瓶如  
取竭西江碾子轉破南岳不少不剩半苦半甘自非老作家應  
無下口處欲將一滴洗滌乾坤不待重嘗已無佛祖照公禪師  
法幢摩建正令全提舉山河大地以更新蓋天龍鬼神而感集  
真使點頭嚙唾何必豎拂拈范有言隨身各人一碗若色若香

若味直下承當是貪是嗔是癡立時清淨雖然如此提是相謾  
下咽即休惟珍重

請珪禪師茶榜

叩山氣淺得地未高觀水寒多占春不盡然拈着後草根木葉  
便是醍醐而使錯時龍餅鳳團等為臺土請詰焚舊譜為獻新芽  
某師小甲驚雷枯枝洒雨秀發自符于天性清香難掩于人知  
百物重靈苗三昧中至味粉身粹骨磨石底透命出來雪乳浮  
華滾湯中為君點過殷勤一啜覺悟群迷別有功夫它時叙述

請洋公茶榜

印公濟

如西山之靈草久已馳名必東坡之鄉人方能知味特持絕品  
遠餉勝流伏惟祥公上人雖傳洛浦之衣不挂一縷未取香積  
之飯已飽萬人憶能仁龍象之故家氣不道狐狸之象穴為老  
子而強起與善類而有因大掌堂現寶奉廣殿如按神足若還  
記之垂契當門宇之再興初亦無心託云有力宿推先覺故已除  
于曠蛇大破群昏尚何分於夢蝶

請清老茶榜

鄭厚

靈源破暗起寒氣於中瓶佛嶺將春動情光于幃帝兜甌浮雪  
郊勞有儀鶴駕生風空明無際既將迎面而肅若宜願答之恍然



打老金文粹 卷七  
度掃做廬祇安聖像輜駢俯眷蓬草生輝

請詮公茶榜

巢時育

泥牛耕空寶山布種窮盡大千界祇這靈芽試遍第一泉無此  
至味舌根知處勝于乳酪醱酬玉塵危時碾出山河大地汲取  
八功德水瓶中已作蒼蠅聲戰透四天下魔花上詎成蝴蝶夢  
要知下口處須是寔頭人惟詮公禪師云何住心是名說法便  
使千齋日赴也要兩腋風生大衆千齋日赴即莫問兩腋風生  
事還會麼幾入就高峯雲自碧重遊鹿苑日何長謝師訪臨已後  
為人不得錯舉

請平老茶榜

史唐叟

方靈芽未動時盡天地無爭處爭奈而今碾破不嫌與衆分其  
須憑世外通人為辨箇中真味蒸惟慶公禪師根苗特異風味  
不凡迥超百草頭邊獨秀孤峯頂上明招銚子直與踢翻則老  
籃兒已會拋下工窮諸佛下盡群生如今提與一甌普同甘露  
從此不妨兩腋各起清風

請陸老茶榜

御公濟

毀茶有陸居士不謂知言活酒如遠法師也是破戒堂頭和尚  
寢已不夢睡亦無魔大曉郡昏獨為先覺以至地產靈草過如

天雨寶花徃薦法筵持數妙供苦言有味既堅一至之心明眼  
在旁好試三昧之手

請珏老茶榜

前人

閩越溪邊苗裔浸廣蔡蒙山下都味不同欲增重于法筵宜特  
敷于妙供珏公長老已無心于葉蝶亦久除於睡蛇廣說中邊  
之甜深懶輪迴之苦更試曾溪一滴水共盡盧仝七碗茶是裏  
陽居士摘來教趙州和尚喫去一語雷音已罷四衆雲集交歡

請然公湯榜

醒雲說茶味中邊誠為至論政公將橘皮孰炙勿訝太清雖然

飲啜不多蓋是叢林盛禮然公長老住十大刹說五味禪甘露  
入心不落鹽家窠臼醍醐灌頂能除病者膏肓一瓶盛四大神  
州何曾欠少一口吞三世諸佛不見蹤由味之者有舌無皮知  
之者點頭嚙唾若有唇乾吻燥一切群迷欲教良解冰消與渠  
半呷

請昭老湯榜

鄭汝明

熟炙橘皮本色道人家風冷淡濃煎鶯粟無言童子三昧精通  
何如細辛薑桂而和合衆香更以酥 醍醐而攪成一味稀稠  
得取中邊皆甜亦能殺人活人莫問有毒無毒共惟某人舌端

具眼肘後有方從來冷暖自知直是涓滴不漏解空岩畔以明  
無說無聞普濟堂前便好應時應節幸從三請聊存一澆胃中  
丘壑道腴物外煙霞秀色現前法侶同賜寵臨

請金老湯榜

洞度秋晚黃金橋飽夜來霜南國春濃綠樹梅肥江上雨不惟  
熱炙猶可調羹都歸本分品題要在當仁斟酌名飛上國道冠  
諸方學者師模人天眼目叢林自知氣味草木亦仰風聲橫揮  
舌本瀾翻笑殺行家苦澁鑑湖夢冷從家萬壑爭流螺渚興濃  
且看三山繞郭既勤三請聊具一杯仰冀眾慈同垂老伴

請浴榜

雷鼓初鳴雲徒畢集卸下青州衫子露出赤肉真人會得通身  
流汗時便是當仁難垢日聖元無礙歡喜結緣淨一毛頭超入  
功德

勸緣疏 修造

資聖寺大殿疏

孫仲益

七十年中住世實只是閑看千萬佛所種善根惟有一施應觀  
法界一切世間元此現前諸相具足之身皆是夙植三生菩提  
之眾盡增崇於妙果用弘益于當來歌利王割支體斷若空虛

麥秋人賤金玉視諸涕唾願積太山一線之溜用合浮圖百尺之尖睹此勝緣故應喜施

平江報恩大殿疏

善有根封植則生福有田投種則獲恭惟三世佛亦號兩足尊俾眾比丘開萬善之門為大長者集諸福之地爰因廢刹重建道場壇施一開龍天咸會生、世、為善知識共修無上之緣子、孫、現宰官身更結未來之果

能仁寺釋迦殿疏

黃持

淨域祇園為眾生之福地梵宮紺殿設諸佛之辟容願此殊常

誠為勝利彌經歲月浸毀楹柏欲踵事以增修遂因心而感發輒陳丹懇上白仁人願為金玉之藏一新寶刹當對香火之供永祝壽齡請諦如緣幸垂芳字

修定香院疏

汪彥章

童子聚沙為塔道師因險作城雖非真實示世間尚謂莊嚴成佛事矧茲古刹建自唐朝俯百家樵牧之區控千里舳舻之會山明水秀勝迹宛然而仆泉傾舊臺無机仰賴天福長者垂憫百年道場一新鐘梵之音再振江湖之上同修勝事各起信心廣慈悲喜捨之緣成廣大無邊之福

修香林院

唐子西

昔者香林親得雲門三昧傳之北塔挺身雪竈一<sub>具</sub>枝子孫在處正眼周于法界真身葬於寺中隻履其存莫記星霜之變精廬浸燹率皆風雨之餘文演道人愍此就荒勇于必葺欲使當來未學識前人魚鼓之音豈惟過去祖師存後世箕裘之業真集無邊之福上資有永之年當賴十方共成此段

成都中和六祖院

黃魚直

鍾魚鼓板癡禪盡飽而六祖飢餓具床敷濁禪盡温而祖六冷使道人如此失所則檀越何處用心敢為諸仁畧開少分相逢

展手不妨貧女一錢隨喜轉頭報在龍華三會

修寶城院

布金之地聚寶為城示佛境於羣生祝堯齡之萬壽法流不斷涌華構而長新財施無邊因慈檀而益富覩茲善利誰不樂聞宜推寶誓之捨心文作丹丘之勝事

興造教院

修具足相惟有莊嚴滅貪癡罪惟有布施恭惟大檀越皆兩足受報之身更發菩提心為三生種福之地供毘郭城香積之鉢轉光明藏貝葉之文開大旃壇林建寶蓮華座娑婆世界內捨

不貪不吝之財堅牢庫藏中聚無量無邊之福

修玉皇殿

鴻名肇正方瞻玉冊之盛儀真象具存宜闡銀壙之寶創願體朝廷之意共輸臣子之忠苟上格于帝心必俯從于人欲凡我信士作此大緣

修造資福院

百年叢席棟宇荒蕪一旦山門經營修葺土木之資甚衆中孟之積難充在昔布金報新者尚逢有刀豈令合國修葺者乃謂無人但試拈開面前必定意從心下隨多隨少共結勝緣旋得

旋收但充本用尅期興復指日落成果三寶之居莊嚴有自則鉢所施福報無疑

再建勝相院

邵公濟

大地山林初驚福火淨坊樓觀俄變劫灰蓋金仙開士之所宜居豈祝融回祿乃敢輒取當有定數決非偶然舊得中和之名獨壓大慈之勝碑板照于四裔畫筆妙乎一時畫為瓦礫之區不便鍾磬之地艱勤尚怜于月祖勇發再見於雲孫帛華屋以興悲指大江而為誓再思起廢當募有緣悵焦頭爛額以無功雖齟手繭足而不避况此仁祠之興廢實為會府之感衰在善

士自宜動心雖大豪亦當出力行見朱甍之暈動重瞻碧瓦以  
鱗差非特為當代之偉觀當共結他生之妙界

修吉祥院

石敏若

雲甍藻井富不思議之莊嚴齊吉粥魚阿僧祇之供養賴衆生  
七寶布施作如來大事因緣惟吉祥禪坊乃永和故刹七百歲  
號聽怨鶴翠竹淒涼十八年洗鉢鳴鐘白雲去住惟大寶藏供  
無量僧雖日給此而免憂當歲計之而不足亦嘗負囊乞米散  
縷衰錢朝告寔而暮空左欲支而右敗故風樞雨壁未徹雄名  
使煙水雲山長有餘恨退思長策乃得良筭到東作西成之儲

飾南去北來之衆使平日法輪得利為宰堵波庶他時佛宇驚  
人如天竺國昔也未暇今也其時自我快心招十人之因地為  
君出力種諸佛之善根此諸勝緣當歡喜施

修萬善菩薩院

童子聚沙已傳佛印祖師立雪僅得法衣蓋修行之力甚難而  
莊嚴之功為大惟梅山之淨界本蓮社之上游日月既遷風雨  
不庇昔自聖迹之委地時見祥光之燭天神物護持父老嘆息  
事非偶爾時有待然餘荆棘以遷狐狸起屋壁而安龍象以萬  
菩薩之威力與大檀越之信心將見落成可保經久故託無遮

之會用結未來之因常共歸依永無間斷願起慈悲之念同為清涼之遊

建開利寺三門疏

孫仲益

六親如是莫保百年現在之身十力無邊當種三生未來之福眷茲蘭若龍象所栖適踞通津戎馬荐至迄今起廢久屬當仁百堵嗣興千金樂施善根堅固佛果圓成了此一大因緣宜受無量福德

建普寺三門疏

布黃金為行道之場踞青蓮作說法之座况諸菩薩現身之地

亦大壇那種福之田一刹方興重門未立盡資具足布施共結一大因緣助發善根增崇勝果及今住世莊嚴佛土稱梵世之宮必是當來圓滿報身現宰官之相

修五百羅漢洞疏

瞬青蓮日付法藏以默傳結白疊中指心源而直授爰有迦葉首悟<sup>悟</sup>慶喜先聞夙昔大乘已起無學假修小果欲接下根故十<sup>十</sup>二大菩薩之所摠持與五百阿羅漢之所證入波不離水水即是波此皆為一因緣酥乳流出雖復說三次第羊鹿亦無知性空則法空知我說為佛說諸秘文之畧出眾聖號之具存肅恭



僧儀坦赫靈跡或經行四世界或宴坐一嵌岩受請天宮應供海  
殿擲錫投去投盃渡來龍虎伏馴仙鬼陪隸少別萬里暫伏  
千年亦有混跡和光入廬化俗游戲自在變化無常近者淮泗  
塔中神藏遠施天台橋上茗結餘花不違本心示常在世觀面  
不識有緣則逢永吉是用運廣大心暮清信侶建長簷及深廡  
閎異相與竒容平地起山兀境成聖大千無有盡我願不可窮  
亦使見聞同生歡喜讚佛一偈施佛一錢在經有云獲福無量

大聖寺鐘樓疏

趙莊叔

自紺宇更新井邑氣象粗具足願鐘簷弗作昏曉不謹道俗以  
為嫌里人段珎禱于佛前願以身任責鳩工範金一鑄而就將  
作樓以居之父老同語歡喜鼓舞爭出財力共成勝事玠三復  
來請乞言諭衆為書始末宣示芳題

福昌院修光水塔

勢臨紺宇地接紫霄有大宰堵波是真菩提樹浚焰續前焰端  
餘水面之光輝此時勝彼時要煥雲頭之丹碧肆動祇園之新  
喜用宏唐室之舊章樓不壞之身非偶然者成無縫之塔豈小  
補哉凡同香火之緣何惜毫釐之費

虎丘寺修御書閣疏

孫仲益

曾立勝地龍象之象高栖藏室寶儲奎壁之光下照長廊千步  
高閣三層風雨震搖日星穿漏卷吳門之奧境寔澗水之長游  
欲仗衆緣共作佛事山川炳煥復見龜圖出河洛之中樞楠宇  
崇共看龍華照人天之上

修金沙寺寢堂疏

鴻盤舊隱 罽叢林昔高賢振錫之初寔長者布金之地龍天  
擁衛可續千燈風雨振凌遂空四壁仰勤檀施共締崇因敢言  
問疾于毘那文室之中庶幾容膝于彭澤南窓之下

建開利寺水陸堂疏

衆生造惡惡業墮阿鼻獄苦諸示大慈慈開甘露明推三車救  
火宅之焚渡一棹援苦海之溺爰因勝地重建道場共惟大壇  
那曾受古佛記了知今世諸相具足富貴之身端是前生百寶  
莊嚴佛土之報更修無上道以結未來因

東禪院修僧堂疏

陳德仁

東禪寶刹西廡荒榛經營十年幸棟梁之僅足寂寞四衆尚風  
雨之未除必得人募用買佛果發無窮之積其與幾何來有報  
之祥斯言不苟

建恩院經藏疏

陳了翁

造車而欲行要須合轍求免而未得安敢忘蹄解脫在文字之中音聞乃真教之體金臺所寫薩籙推骨而願求海藏雖深龍樹沒頂而能入流通不斷結集如新鋪舒今敬于千函卷攝宜歸于一藏提斯慧利普勸轉持華構非一木而成妙輪依多輻而轉規模既定成辦可期願因和合之緣廣作津梁之果

建太平寺戒壇疏

孫仲益

薄拘羅尊者捨一訶梨勒得無病報身維摩詰居士分二珠璣珞為具足法施無多寡隨力助緣將軍指兩困國何其多貧女施一錢夫豈少睹茲妙果若結良

開利寺經藏疏

欲除空幻當付八還永斷貪嗔莫如一捨自非龍華會世世受當來之記曾于菩提種生生有宿植之根孰締鴻因遂發無二但乘應捨之筏自分無盡之燈

華嚴輪常疏

一乘法輪三身普現十蓮華藏九會同音故諸佛開大方廣門為衆生滅貪嗔癡罪四十九年如來說法五十二位菩薩現前善利弘開妙音演暢盡資衆善普證大緣由進筭以成山積盈科而至海不住心不退不轉無量福無數無邊元我華嚴界中

共證燃燈佛所

福昌修藏疏

侯彥周

葉書東傳花藏西峙恃法輪之常轉庶覺海之並流棟梁僅存  
編 何在作大功德要完八面之規模是上因緣宜聚十方之  
玉帛凡歸我佛圓是道樞秘五十卷之華、悟室有自來一百  
里之歸響音獲福無邊儻念琅函幸開金諾

播芳大全文粹卷七十九

聖王宋名賢五百家播芳大全文粹卷八十

勸緣疏

修造

光孝寺經藏疏

孫仲益

種福有福田施佛得佛果但志心三四五佛悉皆供養應獲福  
千萬億劫不可稱量況毘盧藏所傳大乘經皆釋迦文所說真  
實語若聞此經典不驚不怖不畏則所得功德無量無數無邊  
種、莊嚴極八十一好之妙生、得度現三十二應之身眷此  
鴻因故應樂施、

開利寺建經藏榜疏

釋迦如來為此因緣出現塵世彌勒大士建彼寶藏示跡天空  
眷言四十九年駕說五千餘卷若欲一切處作大佛事要須諸  
信事歡轉法輪況經九死而取經譬捨全身而求偈原夫至聖  
發四弘之願蓋為羣生渺入風之波今既見佛聞經便好迴光  
反照庶續無窮之慧命永作廣大之津梁更能抽出趙州轉處  
机開自然會得藥山遮眼時節

大通修法堂方丈疏

呂伯恭

翬飛鳳翥昔雄誇於諸方鼠迹蝸涎今浸頽于舊觀遍謁檀那  
之助聿圖輪奐之新善法堂前無復草深之嘆淨名室內再聞  
花落之香

修法雲寺浴室疏

蘇東坡

浴為淨因佛所深讚以一念須破塵垢緣于三際中獲妙湛樂  
永為悉達嘗感此以受生爰逮跋陀亦因之而悟法本院規模  
素陋年祀寢多方澡雪於精神或震凌乎風雨升堂入室未稱  
真遊運水搬柴殊淹妙用以新革故今正是時施及受人此俱  
功德

德清慈相修月池疏

呂伯恭

折方全集卷之二  
斷嵯吐月繞出半規古甃涵星尚懷全壁久矣寶奩之廢時哉  
玉斧之修護此寒清被其氛翳名高詩社社再傳和仲之符價重  
帝城復置文鏡之通

吳江教院塔疏

孫仲益

長者布金號阿蘭若僧伽留錫在空堵波人依十方之尊地接  
三江之勝龍天栖止百寶莊嚴劫火洞然一夕煨燼仰勤檀施  
共締鴻因歸然三百尺之高湧青蓮于池上矚若干萬人之衆  
標白月于指端

修明招寺疏

呂伯恭

一生能著幾兩屐阮使君陳迹猶存添得為山笑轉新獨眼龍  
清風未盡境因人勝物由人興眷此道場是真福地老屋不禁  
風雨日就欹頽巨材宏架翬飛誰當借助遇着揀一莖草底檀  
越梵刹自周坐使不勞斧斤阿師伎倆俱盡句中有限笑裏知  
幾索著不來切忌蹉過

祖師院修河堤疏

三乘佛地六祖道場適憂東去之驚波將害西來之勝境既匪  
曹溪一滴盡障狂瀾如得陶朱千金乃成彼岸幸於誠懇特繫  
芳銜

修興福院疏

崎山勝踐古聖伽藍遠接滄波浸灌湖田幾千頃傍連粉雉鎖  
斷閭城十萬家檜柏排青峯巒擁秀氣象依然森列門庭那得  
蕭條興廢在時扶持有待更勞斧鑿振居士植福之基願發囊  
經在如來顯化之地

修忠靖廟疏

棟宇恢闕子厚嘗致誠于太白堂陞頽落昌黎亦軫念于相君  
神祇既安休祥自至惟黃柏洋場之勝境有忠靖照烈之行祠  
無感不通所求皆應天寶之際誓言挺身于二賊之間熙寧以來

尤發靈于七閩之地一指之弄千載如生願廟貌之未崇慮神  
遊之弗稱此邦之念在是過者為之憮然欲廣規摹一新廡殿  
何以侈憑附之質丹青之飾未能辨瓊甍之費板榦之工度財  
約千餘緡落成需二三載願惟樂施同集殊緣特開嚴毅之願  
以介明靈之祐雨暘協序即看彌望之耕桑詩書禮家會見滿  
門之未紫

修龍王廟疏

九秋龍躍萬里雲從方平陸以為淵念靈祠之無所願叩關朱  
之富室共新葺蠶之離宮神則奠居障百川而歸海人斯蒙福



隨四序以宜家

修通濟廟疏

南國大川洞度極險上游群祀通濟最靈宜闕陰陽宰制生死  
盛吸江吞海之氣有分風劈浪之權舟楫中流如暮上之巢燕  
人依大庇若仰息之嬰兒自非無知孰敢不敬而此廟結構已  
久理晉正煩大招開濟之徒肇興重營之役期成功于不日共  
招福于來今

造鴻橋疏

東里子產以乘輿而濟人見譏孟子持地菩薩作橋梁而度衆

具載楞嚴故知儒釋之用心咸知功利之及物顧此度漢之名  
郡寔為井絡之要津頃緣水灾大作民害鴻橋既壞人迹不通  
岸上多爭渡之喧舟中有拊指之患州縣隔絕氣象荒蕪更恐  
文物之索然夫豈士夫之忍視須憑四邑之領袖共作一邦之  
表儀輒布烟誠共圖勝事

楓橋砌街疏

孫仲益

車輪覆井彭公之懼溺則然乘輿濟河鄭僑之樂施如此乃眷  
吳門之北寔惟澗水之衝冰雪之辰風雨之夕陷泥蹶塊加焉萬  
斛之舟挽葛捫蘿爭一線之露呻吟相屬顛仆盈前欲出諸積

淖之中共溟此坦塗之上雖道路橋梁不治盍現宰官身而山河大地皆平寔行菩薩道

塑像 經典 鑄鍾 化供 佛事 度牒

靈壽院塑佛疏

孫仲益

吳道子畫鄴都宮而懼罪者不殺韓吏部題木居士而求福者無窮雖名四大假合之身自成一念寔定之相庶憑善知識結此大因緣啟發真心極種之相好裝嚴之妙增崇報地為生；福德具足之因

廣孝院鑄羅漢疏

孫仲益

變化飛行本無住相莊嚴淨供須假信心欲持飾像之良工當有布金之長者願祈樂施共結勝緣不到石橋見尊者之五百何妨寶聚滿世界之三千

琿石子院塑佛疏

當山住持比丘某甲為今大殿釋迦文佛以次諸像裁製庫小未全好相匪肅瞻依且欲改造具足端嚴種；成就資爾衆信有大檀越聞而喜躍恭敬作禮而發是言事無難易唯在一念一念精進平地須彌若墜一念須彌自壞今此佛像亦復如是以是因緣而說偈言火不在薪無薪無火月不在水有水有月

佛不即像亦不離像即像求佛閉門留月離像求佛毀鍾存鏗  
塵、相因無有是處諸仁者如彼古人燔燒冰像以思惟心指  
像作佛云何惡報不當其身若人能以七寶嚴飾或用鐵木漆  
布及泥又如童子瓜甲戲畫以闡提心指像非佛云何漸積功  
德無量興大悲心皆成佛道諸仁者認心是佛不暇莊嚴名為  
外道此佛此像非即非離不作妄觀自現無上菩提檀波羅密

造佛菩薩像疏

趙莊叔

佛無在無不在深山窮谷荒郊斷壑虎豹蛇虺之所宅榛莽塵  
穢之所聚一念清淨佛即現身蓋其道以無有為宗以一死生

齊寵辱為當然故曰欲求寂滅樂當學法門法彼視其身如泥  
沙塊壤破碎掃除踐履洩洩有所不顧而况夫屋室堂殿金碧  
丹雘高潔深廣燦爛晃耀而喜欲居之哉雖然天下之人達者  
寡而流者多不嚴乎其外彼之中必有所不敬不示之以相彼  
之真實必有所不固是故無量寶臺鐘磬幢幡香花燭燈種種  
具足列乎吾前者蓋所以化之不敬不固有不得不然者也丹  
心慧目寺有僧緣紹者年甚少事佛甚謹常以寺闕菩薩之像  
為嫌曰是罪在我乃謀乞貲二萬于諸大檀越作菩薩像覆以  
夏屋夫豈不知華靡之不足以奉佛然區、于是者其志蓋遠

矣哉人孰不欣然從之異日必有瞻禮再拜因敬生悟者此皆  
紹緣與諸施財者之功也黃君浩然移書于某具述紹緣之意  
請書其事因為施其所以然

香林院造佛疏

院于咸平初衛師所造大殿功德星露儀刑墜落有如見此無  
不愴然尚恐宗風從此陵替某等今欲揭此一大事示諸長者  
有能于此五佛二神上結因緣啟願見聞各起大懽喜興此  
因緣譬如衲衣不在一縷無一縷不能成衲又如以鑑分形  
形雖非鑑而設鑑知形以像取佛雖非像而設像見佛謂鑑  
不是形而鑑現形謂像不是佛而像是佛千人萬人載瞻載仰  
故曰不因莊嚴化衆生焉得衆生成佛道

繪三清御容疏

趙莊叔

人心之好善也如水之濕如火之燥其所以自賊至于桀紂盜  
跖者外不見其所敬故溷亂于中至於迷而不返也吾嘗使天  
下之人春秋冬夏飲食起居目常見其所不能見知其所不能  
知見者可敬而不可慢掃除潔滌以葆其芳不善之心何由而  
生是故目者心之妾也心者目之歸也古之人所以設為圖畫  
之法者豈非欲人見其所不見起敬起孝以固其良心者歟是

心一固則可以通天地而貫日月去菑害而召穀穀不可謂無也乙丑之歲七月己巳道士令孤壽椿來訪既而言曰壽椿入道之山有觀、有壇、有殿、有三清玉皇上帝御容三境高真一一具備每季春之日百里內外若士若民奔走俯伏虔祈景貺靈效大著來者日益然異時道里或遠則人亦不能敬、至也有志願而不能至是斯人之心常不滿也嚴具繪像使有志願者無奔走之勞而有瞻禮之益以滿其不滿之心壽椿竊有志焉願貧而無貨子盍為我一言某曰諾萬法皆偽也以為即亂不可以偽導善而然以獲福吾何尤哉人其思辭之

捨佛額水精珠疏

九重淵底嘉祥初發于人間六丈身中妙相遂嚴于佛外願此摩尼之有得本于象罔之無心是大因緣作真功德伏望昭明萬法示現衆生圓照用時如鏡出匣白毫到處與月當天庶勝利之難窮俾寒門而獲慶凡此懇禱諸佛證知

置大藏經興疏

諸緣出世本緣說法利生衆生鈍根不能見性成佛所以托胎外濕化為正命認地水火風為自身將育引育從苦人苦大可厭患况無出期故如來警之以雷震法音示之以天然覺路設

有七寶布施滿恒河沙不如四句受持等虛空量而此小邑其中萬家雖建梵宮猶虛龍藏醍醐上味至死不嘗摩尼寶珠曠劫常棄豈不共生慚愧同作因緣今聞上國伽藍適有古教紺帙題緘萬卷價值千緡欲置六師殿堂不方八部衛守普願聞見咸發慈悲大事圓成諸方虔讚若僧若俗得誦得持十方一乘性陸運而不染三塗八難罪湯雪以無餘或素或緇曰男曰女不以多寡便為重輕惟能運喜捨則必獲法施福

置道藏經典疏

陳君舉

自廣成子修身千二百歲始為神仙家時後之傳至柱下史著

書八十一章遂與儒墨教鼎足而立吾道非感于天堂地獄斯文當秘之玉櫃芝函欲鎮名山須藏真典六七人羽玉其如汗牛充棟何三萬軸牙籤須仗傾圮倒廩者

募人生日請僧誦金剛經疏

葛謙白

生我幼勞載過誕彌之日碑爾昌熾必憑衆佑之功矧惟般若之靈筌寔冠修多之寶藏是曰真語如語不誑語宜作悲觀慈觀清淨觀伏願若見若聞或道或俗流通法藏荷榕如來捐金不靳于涓埃植福可同于海岳雖三五而盈三五而缺了知幻化之湧與然八千為春八千為秋可觀壽期之綿邈

茅山鶴會鑄鐘疏

孫仲益

望中天之華表以迎遼鶴之歸建東序之金鍾而聽蒲牢之吼  
惟句曲洞列靈仙之籍寔嘉平臘著內紀之謠念久闕于鴻音  
當仰資于衆善百求百得聚千鎰之多而後成大扣大鳴徹九  
地之幽而皆應

化鑄鐘疏

佛身法身緣聲聞身而修證妙音梵音託世間音而闡揚眷惟  
龍藏之摠持寔賴鯨音而發越輒于壇信就此勝因柳標叩明  
蓋將萬鈞之工直蒲牢躍治豈徒百世之見聞

辟支院緣化疏

辟支佛昔遊南土示現神通古道場今在東山嗣承香火頻年  
補廢事荐修惟三門滋歷于歲時而四壁弗支于風雨期鼎新  
于輪奐庸仰控於檀那倒慮頌囊倘幸片言之折合飛雲障日  
益巖百里之瞻依

東禪化供疏

望州亭畔林木池沼皆演法音濯錦江頭鼓吹笙歌咸宣至理  
居士慣曾提掇上人只麼經行一毫端妙協机鋒盡大地春開  
筆舌潭空月皎也知應現無心齋鼓粥魚坐覺叢林增氣三山

簇寺而懶翁住處是大叢林一路八州軍而仙府雋流皆舊檀  
越不厭丐緣頻數良由願力洪深從上流傳于時紹述相逢相  
見未舉已自先知有始有終畢竟還它樂施

東禪化供疏

國一禪師云出家大丈夫事非將相之所能為誠哉是言從上  
先聖存心入道以至忘軀為法捨全身而求半偈齊腰立雪斷  
臂安心豈不是歟何憚入鄣垂手化尊有清不顧寒暑遠涉山  
川不拘山林城市酒肆茶坊米市魚行花街柳巷或嗔或怒或  
唾或罵逆順門頭是非境界折伏慢幢誘掖一切不深虎穴安

得虎子若無力量豈能荷擔若能荷擔是名真正出家是為真  
法供養然後于微塵裏轉大法輪向一毫端現實王刹豈不見  
保壽和尚作街坊時于十字街頭一拳之下悟徹得恁麼無面  
目可謂快人一言快馬一鞭築着蓋着動地震天流落叢林清  
風宛爾敏上人出却知定法廣大心笑持一鉢遠詣建水續舊  
目錄訪諸檀那求餘法語求筆書底塵中撞着知音必能首肯  
滿意歸來共五千指續佛慧命豈小補哉止庵當為汝擊鼓升  
堂重說大義頌曰裴公龐公建溪上何用區區別處尋玉戶朱  
門相見處不勞動舉盡知音



東禪化供疏

吐月吞風寺在千岩萬壑摩肩接踵僧來四海五湖雖其人境  
爭高且要法食俱運惟富沙諸賢長者與直覺有大因緣莫厭  
頻來信是人惟求舊無辭博施管取道不虛行

東林化供疏

開闢若門雖依佛住具伊蒲饌尤賴能仁眷此叢林寔雄上國  
持鉢而食豈無獅子兒獻寶而來必有長者子欲成大海要積  
涓流雖法力無邊自水周于沙界而因緣有地莫永庇于一方

觀音院化供疏

陳無已

化無高下一念徧于大千施有多寡半果等于百億是憑念力  
用作妙音樂與信心同茲勝利

六祖院化供疏

黃魯直

鍾魚鼓板擬禪盡飽六而祖飢卧具床敷濁禪盡温而六祖冷  
使道人如此失所則檀越何處用心敢為諸仁畧開小分相逢  
展手不妨貧者一錢隨喜轉頭便在龍華三會

趙法師化供疏

葛謙白

蔡明遠一校耳尚為平原之調陶胡奴何人哉不闕東亭之贈  
某早承道瘡晚苦風淫人事頓乖齊薰俱廢魚躍來蕪之金粟

虧粟里之瓶特傾持鉢之誠以覲指困之施敢望歸心霄極興  
念羽流豈無青精以助棗梨之腹不如穉穉可充藜藿之腸

王道士化供疏

某結廬煙野寄跡道流煮石餐松未齊于逸駕吸風飲露尚隔  
於仙達必資穉穉之微以充口腹之養伏望見閻樂施道俗興  
憐輸餉合于千箱起吹煙于破釜飯抄雲子儻鍾板之復鳴福  
比河沙諒飈車之有報

結龍華會疏

象教垂文肇自釋迦老子龍華法會証于彌勒天尊當知後世

福田特在衆生心地是用廣哀淨賄普結勝緣今晨共樂人天  
他時同生佛土但得四千年常無退轉庶期八萬歲在處相逢  
伏望見閻全歡喜

崇安寺放生疏

齊宣王哀一牛之覺鐘無辜就死杜工部解衆難之急縛不思  
適意故諸菩薩開方便門而大居士施無盡藏聞此衆生羽毛  
鱗甲之屬貸其一時網羅昂祖之虞洋、焉得其所哉舉有不  
驚不怖不畏之心嗚呼不可尚已應獲無量無數無邊之福

觀音道場設羅漢齊疏

李去病

剛柔緩急取舍辟就凡人各有趣舍如十指然不可牽抑或有持善因佛事者試為宣說繞歷再根生大敗信則符契胎合不差毫芒萬人之心一人之心也萬人趣念一人趣念也諦觀諦聽初無勞煩乘其威神所周廣大故以滋味為佛事者了滋味而舌得爽快以光明為佛事者見光明而目得昭徹以安適為佛事者就安適而身得自在以馨香為佛事者鼻馨香而鼻得通達以聲音為佛事者聞聲音而耳得聰辨以懺悔為佛事者悟懺悔而意得解脫隨取隨求圓滿無量若水赴海殊塗同歸故今議以來春作觀音道場及羅漢齋一會如上所布俾衆生

證一切凡一諸種身得度者各從所現身而聽說法刻十六大士位證四果識具六通曠劫住世有感斯應

禳宇星設醮疏

歲運方艱言念札瘥之苦星宇為誓必資禳祐之休助設微科苦須憑若友奠迎祥于九府俾集福于三元玉几金壇竚疑雲車之至南箕北斗增崇壽岳之隆願洒芳膏同成道果

化度牒疏

以財發身理固存于明訓見得思義士亦恥于苟求惟無愧于道心庶可干於仁里願發檀中之厚積共成方外之勝緣儻聽

蕪音幸回金諾

開利寺化度牒疏

孫仲益

大士營堅牢寶藏世尊開方便法門自惟浮生四大無常之身  
莫如歸命最上希有之法仰憑博施共結勝緣倘容此身度世  
依佛依僧敢忘它日捐軀報恩報德

化度牒疏

蘇東坡

參寥行者鍾守素事參寥有年矣未嘗見過夫僕嘗察察其所  
為似有意于慕高遠者寔云秦大虛有意為率交游間每人為  
出買祠部牒令得出家此亦善緣漢既隨喜然參寥不喜于人

故書此紙以付素使遇善知識即出以示之隨意所辦即書于

紙

化度牒疏

汪彥章

離爰出家期紹如來之種遇緣祝髮必資檀越之恩道思雖匪  
上根蚤持淨戒以執道入之中屢未陪衲子之鉢囊倘善知識  
之垂憐悲比丘身而得度唯茲財施誓以法鼎

化度牒疏

呂伯恭

香刹寶坊無人則廢梵容金像非眾疇依是知造寺之功不若  
度僧之力敢持此說通告諸言續破闇之燈未貴崑崗之寸焰

假幽塵之翮須憑鵬背之一毛

化度牒疏

頂

圓項方袍名為僧相圓外方內號曰錢神要覓護身符正頂阿堵物歷三河祇而登覺苑始自今朝興六波羅而開施門共成茲事

化度牒疏

趙莊叔

佛常云欲求寂滅樂當學沙門法深山窮谷篋衣糲食務自枯槁此佛之所以日夜教人也今之學佛者則不然裸其顛方其袍變易其姓名轉換其聲音形容不殊而佛法微矣僧有成願

謂某曰言作彼相者幻也作是念者亦幻也冠襟而入宗廟莊欽不勉而至杖屨而登堊墼涕泗不期而至物固有變于外而遷于內者子以音容之同不足以為佛獨不觀夫起徃三界證上乘妙法有不自于音容之同者乎某笑曰汝有欲哉希成曰童行道能從希成二十年矣欲歸誠佛僧囊無餘資惟願慈悲為我等作語白諸大檀越令我童行道能得隨佛出家某曰嗚呼道而能來前汝道能自從無始以來焚諸名香于至今生自從今日有種善因合受如是報今諸大檀越聞汝出家生懼喜心各捨所有成殊勝事如吾之窮無物可捨亦能為汝作言

語明汝本心白諸大檀越今汝受施自從今日乃至汝身不須念  
佛念法念僧不須說界說定說慧安排道具淨洗鉢盂假使  
住世七十九年也受得許多布施乃至經歷百千萬劫且作未  
來因緣

披荆比丘尼疏

晁無咎

山河大地尚因瞪發而生血肉幻身豈是金剛之法為泡為幻  
為無量腥臊聚為若為惱為百一疾病纏為火宅已燒為丘井  
將墜畫作猖狂而不暇夜夢林湯而自驚無常大鬼之所驅有  
情更生而何往所宜厭患而反欣喜控搏乃清潔童女童八賢

公之孫信士之子初聽結禱之議更萌落髮之誠至于是姑姨  
妹之行譬若觀雀蚊蚋之過蓋戒定宿修于前世故因緣適會  
于此生親社姓中咸從本起之願姑晁氏配為營披荆之資解  
紛著盤諸天八部而皆歎登壇受具大覺六師而現前當有無  
舌瘡痲人教汝讀經而生育嫡植人指汝見性滋長聖種漸除  
爰根用以加持晁杜兩族俱乘勝因回向幽明二途永脫苦趣  
及此會中盡未來際即緣隨喜男子女人證明此比丘尼令得  
不退轉同悟無生忍那謨佛陀耶

揚芳大全文粹

卷八

六

揚芳大全文粹卷八

國家圖書館, NATIONAL CENTRAL LIBRARY, TAIWAN, R.O.C.

聖宋名賢五百家播芳大全文粹卷八十一

祝贊疏

祝聖

祝皇帝聖壽疏

真乘演法常開最上之因寶藏緒文能起無邊之福敢助虔於  
覺力庶增祉於皇圖 皇帝陛下伏願如日之升如山之固永  
享諸天之慶長居北極之尊

祝白皇帝聖壽疏

金僊建化啟第一之真乘玉偈演音集大千之妙利竊慕華封



之祝虔依皇覺之文 皇帝伏願慧日普臨禪天畢覆永固南山之壽長居北極之尊

祝皇帝聖壽疏

后作民之父母咸賴昌期臣視君如腹心敢忘報上恭依慧力仍仰真筌倬魏闕以馳神効華封而申祝伏願 皇帝陛下離明久照乾健常行益眷命于聖神九州共貫承在躬之歷數萬壽無疆

祝太皇太后壽疏

玉相現前運能仁于普界全文演義導真諦于群迷敢宗賴于妙因庶助緣于遐歷 太皇太后伏願如慈雲之靡不覆如慧燭之靡不輝常居長樂之尊永修太任之德

祝太皇太后壽疏

寶覺現前示能仁之慧力金輪秘藏宣真諦之密音恭憑最上之緣仰荐延鴻之美 太皇太后伏願慈如雲之永瘡福如地之無疆長居慈闈之尊日致聖孫之養

祝皇后壽疏

佛趣導迷慧力周于法界母儀正位陰教及于涵生虔依蓮界之祠大啟海輪之藏庶崇勝果仰荐慈仁 皇太后伏願壽若

靈山之高福如厚地之固常親承于帝養永同祚于邦國

祝皇后壽疏

演祇國之教悟夙智于本來縉貝葉之文資善音而普覺虔依  
梵界祈右皇圖 皇后伏願北極齊尊諸天密護流景光而配  
日崇厚德以宜坤

生日

師相生日功德疏

元輔挺生應五百年之間世真皇調御懋一千歲之昌期仰假  
道勳上崇鈞筭與山河而共固配箕翼以長存庶使生靈永有

依賴共惟大道證明

張徽猷生日功德疏

桑弧綯采顯逢申伯之生貝葉擢華丕替魯侯之壽共惟 知  
府徽猷為仁由己以道德得民名在西清本奕世公侯之開闢  
政成南國皆傳家詩禮之典刑侯適素秋祥開黃髮王臣一節永  
扶有道之朝佛氏三乘彌介無邊之福紺容易格母烟難窮

楊殿前生日功德疏

洪爐老火陶上將之精神遙闕高真輔吉人之祿筭式逢誕日  
恭集道流啟秘典于瑤函祝遐齡于金錄恢慶至教能廣慶于

人天業：高勳庶永齊于箕翼

代僧為丞相生日設齋功德疏

去麟閣之儀容既勤繪事演鷲峯之古義用集殊因恭惟某  
人道貫天人學超今古開物成務效已克彰尊主庇民功無與  
二當泳游于覺海力衛護于正乘惟大悲之道場定成都之福  
地向緣瞻奏遂得賜名某久以焚修親被恩澤絲綸降寵香火增  
輝是用嚴金碧于層樓炳丹青于粉堵歸依寧替瞻仰無窮  
伏願密契真筌普薰妙善體胖心廣類廣成子之不衰名遂功  
成似魯僖公之難老坐部熙運永讚皇猷

張知省生日功德疏

金風玉露陶成物表之精神象軸琅函密贊人間之壽考至誠  
所感純嘏是臻既殫肺腑于彤庭宜益年齡于丹籍柏觸薦處  
映南極以增輝檀篆浮時拱北辰而共永

漕使生辰功德疏

計敏夫

嵩岳生賢以贊承平之運鷲峯闡教少伸集福之緣共惟某  
官學際天人志存君父榮方持于漕節慶適值于門孤當此令  
辰屬城慶禱式憑具典用祝椿齡伏願密印嚴持普燈交照保  
形愈固類廣成子之不衰作德長新如魯僖公之難老

太守生辰功德疏

崧岳儲休寔生賢佐鷲峯布教先佑吉人當誕月之令辰哀屬  
城之歡禱皈依檀像演諷貝文伏願 某官道氣愈新如蓮不  
染德容難老似柏長榮副睿聖之乞言荷朝廷之圖舊

知縣生日功德疏

吉人為善通于神明皇天無親俾爾戩穀啟三島不刊之典當  
一同難偶之期恭惟 某官士氣昂霄仙風絕俗非禮勿視日  
嚴北極之秘文以仁存心時舉南邦之異政峻秩早聯于紫府  
佳辰適遇于青春爰諷銀題仰千金關運而無所積新事業于

熙朝取之不可窮永壽康于坦履丹誠懇禱碧落照臨

大碩人生日功德疏

與佛有緣生後如來之一日自天降佑身逢皇宋之七朝既涉  
世途寧避業障况以鶴髮期頤之齒久居鷲嶼瘴癘之區寢食  
難調指頤生疾于陰功之有助殆人力之難支奚罄丹襟仰皈  
皇覺假慈悲之願力作方便之法門將罪垢于六塵災消雪散  
壯福基于甚善壽保椿松

功德疏 修造 佛事

修聖祖殿疏

天體蓋高神心莫測輒于洪造上布丹誠臣昔叩靈祠恭陳祀  
事念棟楹之既久頤殿陞之未崇敢肆經營精加興建造成峻  
宇仰奉眸容嚴寶構之清宮駐霓旌之仙馭臣夙依道廡不忘  
報稱之心永慕真詮敢怠修建之禮

興國寺佛殿畢工道場疏

王岐公

祇園之勝寶初成釋迦分身遍滿空界蓮華啟藏友誦諦文  
起一念之至緣道十方之迷識永依慈力廣輯圓音

發願修水陸疏

蘇東坡

苦海彌天佛為彼岸業風鼓浪法是惡航諸佛子等久墮三塗

備嘗百苦不遇善友永無出期今者各于佛前同發此願除  
無始已來貪嗔惡業願發今日已後清淨善心願行行坐歸  
依佛歸依法歸依僧願世世生生遠離財遠離酒遠離色既獲  
生涼之樂同躋極樂之方普冀有緣皆證無漏

簡州道俗齊萬僧疏

黃魯直

續如來未劫之壽莫大乎法供養乞上方香積之餘不可以意  
分別崇成三德六味普飯十方眾僧貧女一錢不以為少給孤  
側布不以為多知恩方解報恩辨心即是辨供我輩生於五濁  
不遇三災鑿井耕田當知雨露之力仰父俯子寔依桃李之陰

年且屢豐人有餘力興茲美報式契群心伏願 皇帝陛下福  
基堅固如不動妙高之德澤汪洋等甚大功德之海雨宮同壽  
箕翼衆星常拱太微河出九疇山呼萬歲乃至靈符虎節千騎  
二車下為動植之春上協太平之業凡我此會不勸而反若見  
若聞隨力隨分

觀音道場疏語

李仁甫

是觀非觀如水底月是音非音如谷中聲自一月二月至無邊  
月觀之者當自己心雖妙聲梵聲及說法聲音之者不從他是  
故我今心田一念專精耳根諸塵斷滅伏願觀世音菩薩廣上

中下三乘之教化千百億無量之身滌其罪垢罪自冰釋植以  
福田福如川至副大覺明之付囑滿衆生種之願文

設觀音供疏

劉中遠

身是道場心為佛土惟身安而道泰則心淨而佛來伏念某如  
而愚迷莫曉操修之懿晚復衰病尚懷顛沛之憂仰願慈悲俯  
垂護念俾延年而壽考庶進德于暮途

設供疏

楞嚴會上雖已證於圓通菩薩戒中亦嘗開于懺悔以衆生之  
宿業致諸佛之興慈謹指仁祠恭依梵律伏願示大悲憫念多

劫之塵勞放普光明度一切之苦厄長在清淨之處遠離怖畏  
之灾一心貫十方罪無寔相業通三世懺有明文敬仰威容式  
修淨供伏願慈航濟難法炬開明庶幾有相之身永除無妄之  
疾一門皆吉諸福大來誓修精進之因期證圓通之果

祈福道場請長老升堂疏

竊聞昔應妙菩薩迴再世之辟支今長老禪師寔後身之圓智  
傳心一切利物同符以無等慈悲設無盡誓願說無上法要度  
無邊衆生况某也持金剛誦般若破四相詣一乘雖見如來無  
上等根性疑與善現是一會中人妙諦儻聞道途頓免

看誦華嚴經疏

因疏契合得有此經慶幸平生孰如今日寔身貪而家富將口  
誦而心通並盡此生敬恭不怠在處處如佛之眷屬生生  
以今為始伏願諸佛所說如慶喜而常聞一生之間與善財而  
同證

懇普賢菩薩示現疏

王望之

峨眉異境普賢道場顯殊勝之妙光救昏迷之末俗凡茲瞻禮  
無間賢愚聖赴感以示慈人因相而生悟某等願心雖篤宿障  
未除遠此來遊起于一念初登山而雨作既升頂之煙迷險路

八十四盤已驚破胆白毫數百千丈未見示人恭惟普賢菩薩  
大士現如幻身具大慈性掃重雲之陰冷階白日之光明使我  
同來之人得畢此生之願誓茲以往永依上乘無任虔懇之至

佛母孔雀菩薩疏

毒龍盡而釋迦出世乾坤還清泰之風未劫終而彌勒下生日  
月垂貞明之像靜觀宿命彌勒悲悼共惟我佛母孔雀明王大  
菩薩薄伽梵身獨露三界燦伽羅眼普照十方凡屬含靈悉負  
覆育至使神明頓還舊觀雖捐軀命莫報鴻私恩等再生感深  
零涕驚峯話別坐學天上之春回象嶺言歸又是人間之夢覺

懺經疏

蘇東坡

如來大藏起於四十二章過去妙心流出萬五千卷前言具在  
後句分明縱有古佛六通難轉老婆一卷念我夙昔見自本源  
悟萬善之同歸豈一法之敢捨徧參重譯盡法秘函全見摩尼  
珠悉證貝多葉作此大事示諸有情稽首雙林之輪不負三聖  
之唱

迎羅漢疏

寂滅為樂清淨自居見如來于四弘願中起神變于一刹那頓  
展坐具之一角地狹山摧浮拄杖于橫流紋歸浪改眉毛椽地



指燄際天飼瑞鵲而一物等觀泗甘露而衆生蒙潤薰修精進  
虎為馳經諷誦勤渠桂專飄席或禮薄伽梵或入涅槃呼吸而  
電制風生噫欠而雲興霧合離諸著外持一鉢以何求住在無  
為偏右肩而常袒支頤自逸隱几忘言靈山之鹿每啣花寶海  
之神瑞獻供針鋒甚峻宴坐有餘芥子雖微細山不礙

放生疏

天地闢而聖人生中天麗日飛潛蘇而王澤洽寰海歸仁是資  
而屬之性靈以祝吾君之眉壽或逢誕節爰舉彝章虫魚各遂  
其生廣唐虞好生之德蔡藿皆傾所向結貝冀翼有水之年

放生疏

黃泰之

汝剛足以自衛智足以自晦而乃見獲于徒博之夫人喜汝以  
八珍吾憐汝以一死捐百金以市汝而復納汝于清冷之居汝  
其益志于晦用保厥剛以無速于戾也夫

轉經藏疏

最上貝文甚深花藏具大法眼是真道樞惟運轉之無窮寔歸  
依之有在圓機應物動化于一時善利循環幸密于多福

福應廟乞加壽時化緣疏

漢令有神舒民無斃將益隆于廟食用丕集靈金于翠琰龜趺

秘十行之温詔寶籙玳軸來九命之真封茲事不凡吾人何吝  
祈禳 賽謝

設供禳災集福疏

蘇子瞻

躬儉節用本嚴房闈之風遺大投艱猥當廟社之寄常恐德之  
弗類以召災于厥身敢即仁祠肆陳淨供恭延梵釋普施人天  
俾壽而康非獨輔安于寡昧與民同利固將燕及于華夷仰冀  
能仁由垂昭鑒

畫羅漢慶讚設齋祈保疏

某方釋大憂初起重疾恐殘年之不遂念末緒之未傳惟阿羅

漢之慈悲受釋迦文之付囑有求必應無感不通爰有異人是  
名禪月畫此天日之表應于夢寐之中若有物以護持俾凡生  
而瞻仰其誓同妻妾歸依父師三世之業可消百生之冤自解  
仰憑至鑒俯覺微誠危涕交垂占辭未盡

華嚴會禳災疏

陳履常

毘盧遮那徧一切處惟佛所在名常寂光闍闍妙法于三乘釋微  
言于九會圓融萬德頓起有作之思惟念吐十方盡攝無邊之  
刹境以此發心則心地冥符于諸佛以此修善則善願皆服於  
衆魔比者邊候繹民屢震援忠衛社稷誰頌漆室之憂刀守

封疆莫備形門之役迺合誦于眾志俾同結于淨緣仰瞿雲清  
淨之身起華藏莊嚴之觀吉蠲蘋藻眠滌壇場五體投誠六時  
行道百千萬偈如聽普賢之宣揚五十三城悉徧善財之游歷  
庶道迎于景眈一消旃于妖氛今則法事既周善功斯立仰願  
寰區安久再觀河洛之清晏緯宣明共仰瓊璣之正烽燧靡驚  
于幽障歌謠載穆于康衢萬壽無邊一人有慶次願此方境內  
合道場又咸罄悃誠各霑福利一日壽二日富惠我無疆天生  
時地生財勤則不匱五風十雨而氣序悉臻于調豫千倉萬籍箱  
而貨儲常保于豐盈物無害生家有餘慶四恩三有法界含情

咸茂功德之林同泛福聚之海

六祖塔下禳灾疏

蘇東坡

竄流嶺海前後七年契濶死生喪亡九口以前世罪業應墮惡  
道故一生憂患常倍他人今茲北還粗有生望伏願六祖普覺  
真空大鑒禪主示大慈愍出普光明憐幼穉之何辜除其疾恙  
念餘年之無幾賜與安閑某敢不自求本心永離諸障期成道  
果以報佛恩

遠任祈福設供疏

李知幾

荷國寬國有周歲二萬里之往復奉親遠役負全家三十口之

生成凜然命性之憂厚矣髮鬢之託仰資仙廡聊課齊功伏願  
終惠長途蚤瞻先寵溫江瘴掃疫癘之潛消節風灘散波  
濤而無聳伏願佛慈證知

禱病道場疏

宋子京

聖覺流慈神華蒙護比緣椒極偶爽至和亟進七丹未臻良已  
或慮晦明失展休王交期乘冷致愆直辰為厄惟名禳之有典  
非妙湛而罔依已即堵波編探白偈延供十方之勝祓除六疾  
之徵指日有瘳介祥無量益光惠命祇飾齊誠

祈嗣道場疏

史天秩

孫又生兒乃有移山之志老而無子難忘擠空之憂輒伸一念  
之誠仰扣九閭之邃某四世而下一子相傳積累之澤不流嗣  
續之微如縷願惟以病寔添繼誠承雖憑祖考之休尚寡子孫  
之聚奉先思孝敬尊神達旦炷香望高禱而致禱迎春剪綠詣  
聖母以投誠以傾葵藿之心未感熊羆之夢方延帝執衡之候  
乃孀親說悅之辰按大藏之古儀建圓通之勝會庶憑佛力上  
達宸聰伏惟帝釋天主道濟洪纖德包罔極生植長養曲成而  
不遺主張維綱善救而無棄特回昭鑒俯納虔誠一毫之片善  
可書三載之餘殃如掃策等九寸遇老嫗之授符環列四枚感

悅

黃衣之獻玉席幾多子得以興宗誓勤陰德之修用答大鈞之賜

設羅漢供祈安疏

韓子蒼

菩薩因緣之號有長壽王聲聞利物之深唯阿羅漢肅依禪象仰即修真伏願眷屬康寧子孫昌感清淨少惱常居福德之鄉安樂延年重覩昇平之世

為妻禱病懺經疏

韓子蒼

衆生困苦皆是宿因諸佛憫憐普加慈護惟華嚴之妙典示法力之融通不可思議具如傳記伏念妻柳氏本明養生無術嬰

疾有年欲銷多劫之愆須仗一乘之教願垂密祐早獲康寧使寒疾風虛悉離身而遠去凡湯劑丸散咸應口以如神乃暨闔家並蒙百福

祈嗣賽謝道場疏

神威不測蚤回從欲之仁佛力無邊願效知恩曩緣賤息恩聖恩賢侯曾日月之未淹俄熊羆之協吉榮然蘭蔭既回宇戶之春籍甚具文爰謹柏庭之薦惟聰明之嚮譽庶壽祿以時升

謝登第設羅漢齋疏

史天秩

天道雖遠其聽甚卑神居無方有求必應輒具蘋蘩之供仰申

葵藿之心伏念某蹇淺孤生棲遲晚景比緣鄉舉例試省闈愁  
入危暘懼脫奏名之籍夢還私室忽瞻生世之顏致令失旦之  
窮獲預圖南之舉尋思榮倖出自冥扶方仲春驚蟄之辰值真  
宰降生之日勉陳清供遠近仙風伏冀大士鑒觀列真垂眷掃  
一生滯迹闢萬里前程仕路亨通壽年綿遠

還家賽謝設觀音齋疏

史天秩

某兄弟日者艱難遠役往返畏途覆語盈、大仇塞路孤迹共  
知于不免危腸獨保于無他仰惟佛菩薩之明俯察賢不肖之  
寔默然有禱恍若可通無罪以書有任遂直敢伸淨供少報殊  
私伏願某名宦有來疾病良已公議盡出毀言不問全家安乎  
山林餘廢均平嬰孺悉除三世之業永望一至之心散冀大恩  
俯垂至鑒

為子謝安設供疏

韓子蒼

眾生困苦之中但知呼佛諸聖慈悲之故常善救人昨以二子  
同時一眷卧病既不勝于憂悃輒仰扣于真乘時耳梵容嘗形  
夢寐楊枝法雨坐獲清涼敢具伊蒲肅延飛錫伏願遵如來之  
誨飭作濁世之依歸靡辭赴感之勞當畀閭家之福

為子謝安設供疏

韓子蒼

衆生願力無感不通古佛慈心遇緣皆應能令熱惱盡變清涼  
頃以兒曹偶離疾厄不勝父子之愛仰叩人天之師既獲痊安  
敢忘報謝伏願光明照了威德護持壯老康寧孩童壽福仰惟  
妙覺俯鑒微誠

為女謝安道場疏

仰公濟

疾痛號呼於天煩惱根性自佛惟普施大士之至聖與閻浮衆  
生而有緣念弱女之疾甚危極常鑿之枝以拯默在善禱陰有  
感通夙按規儀敢忘報謝當更務于修省與益加于護持闔此  
哀門共臻殊祉

禳水疏

宋子京

叱以積雨過常伏陰為沴失于潤下逮此橫流南屬豫徐北綿  
河朔墊傷廬舍毀決防庸大田之稼其空比屋之曲辰脊歎雖天  
灾代有或繫于穢祥而寡德使然敢忘于暢厲亟詢梵典祇結  
禳壇即秘宇之神深集勝流而圍仰祓除金界宣震潮音庶憑  
護世之慈垂濟荐瘡之困寢紆厄會回納太和促歸壑之有期  
俾服田之就緒能仁普鑒大庇云依

禳水疏

趙莊叔

平原出水皆緣吏治之失中小民無知尚幸佛慈之加聞敬修

淨供黃奉真乘惟滄溟千里之邦帶東南二水之阻漲不時落地無了遺乃者暴雨連陰悍湍四決惟鬼神虐用其罰起尋仗于斯湏之間而民吏不真厥居寄性命于毫髮之上是用頓首皈命聲言求哀願虔終夕之香燈全護一城之生齒仰惟觀音大菩薩廣大不念罪慈悲不違人重雲歸水山漲返壑吏民免魚鱉之食父老寬子孫之憂大德難名大恩難報今者分飭屬吏各洗厥心非佛疇依既免向隅之泣以民為急不忘在營之危誓守丹衷仰酬法力

水後禳謝疏

李樂靜

我佛開方便門施智慧力哀眾、生如窮于段大願為慈航比者暴淹、旬川流漲野駭孤城而若塊憂庶類于其魚惟是熙寧之間將罹昏墊之患威神一扣瀦渚四空再瀝丹衷上干靈鑒惟願散白毫于頂上盡逐頑陰吞巨浸于毛端生成沃野永賴拯持之賜益堅回嚮之心

淨獄疏

陳無已

幽囿空虛寔作太平之象法筵崇飾聿修典禮之常惟此徐邦素稱劇郡獄無虛日市不絕刑解網施仁奉聖朝之初政治絲從理資賢守之良能迨此空虛政忘大報伏願刑設弗用人自



不寬熙、如登春臺、濯、鞠為秋草、更憑斲力、溥及含生

淨獄疏

蘇子瞻

民知榮辱、自銷五福之庇、政格平和、遂絕一人之獄、今者國家  
閒暇、囹圄空虛、雖咸仰於帝仁、亦陰資于神聽、是用集祇園眾  
大啟法筵、蕩滌餘分、拔升霜滯、此則妙音普贊、勝果天圓、振九  
泉冤枉之魂、作萬古清涼之地、門生茂草、氣宣太和、歲常獲于  
豐登、民承濟于仁壽

淨獄疏

陳履常

道興乎世、民格于中、不犯有司、蓋習是知非、而致此必使無訟

豈承流宣化以能然、誰其尸之神所勞矣、肆嚴法席、恭存慈容、  
刑清政平、已荷能仁之賜、日來月往、益堅欲報之心

淨獄疏

後

朝廷尊道、縣邑嚮風、民有浚心、但覺耕桑之美、度無田訟、遂多  
犴獄之虛、治雖責于承宣、恩寔歸于稷壽、敢羞微禮、上瀆層霄、  
難酬與羣生而共慶

祈禱疏 祈雨 謝雨 祈晴 謝晴 祈雪 謝雪

祈雨疏

李樂靜

稼事方興、時澤不足、既濫承流之責、宜先閤境之憂、敢露精衷

上千慈聖伏願法雲遍覆神力維持遠與三日之霖少蘇千里之旱仰惟惠照俯徇哀祈

祈雨疏

播茲多稼期于有秋而澤愆期農夫失望儻陰功之不與在人  
力以何能爰竭丹衷仰叨洪造尚憑願力以惠嘉生

祈雨疏

慧雲垂潤本無間于羣生旱氣為妖慮有傷于百穀輒殫凡  
懇上叩佛仁仰冀慈悲俯憐枯槁甘露一洒各各蒙生長之恩豐  
年可期共樂和平之化

祈雨疏

林豈塵

如暎如焚正渴雲霓之望是庶是衣久罹早暵之虞祈求既竭  
於忱恂惠澤未蒙于露足敢邀仙馭來慰民情况山川有蓄泄  
之靈而田畝正徯蘇之望伏願油然作雨沛然下遂成三日以為  
霖陰無伏陽無愆未間四月之不雨庶少寬于吏責使不失于

農時

祈雨疏

龍見而雩魃旱為虐原隰之田未徧播種井汲之泉幾涸源流  
恐宣化之澤未盡周孚使致和之祥有致幸戾輸誠悃仰禱慈

悲伏願風淒淒雨祈不失三時之務苗芄稷藟式寬千里之憂

祈雨疏

惟茲穡事長懋于夏彌月不雨農人告病惟神血食此方與守土之吏同任其責如能大赫厥靈以澤群生不惟解民之憂寬吏之責亦可以彰神之休

祈雨疏

金風扇德品彙收功火日揚輝歷旬不雨澤既愆于久望功將壞于垂成俯竭丹衷仰叨洪造陰功嘿相美利曲成用濟群生

式貽靈祝

祈雨疏

神心莫測天監甚昭有感斯通善祈必報仰責蓋高之聽輒傾小己之誠願此疲民荐逢凶歲人方憔悴帝亦哀矜當嘉穀之蔚興因常暘而欲槁梢愆雨候將致年飢是用式謹明科恭趣真宇惟天威之洞照察臣志之精求濟以豐年賜之甘澤仰冀曲成之賜普沾善貸之恩

祈雨疏

慈悲救物立願弘深方便濟人運心廣大尚尚竭至誠之懇必彰

善應之功當時雨之屢愆念秋苗之將枯驕陽未殄旱氣方隆  
是用恭詣梵宮嚴修淨供伏願慧雲遍施法雨普而沾濟以豐年  
錫之甘澤仰冀無邊之力俯成善貸之私

謝雨疏

李樂靜

廣願不違至神能速梵罄鏘而震雷作淨香散而蒸雲興一夕  
雨沾濡千里膏沃輒伸精懇上報法慈誓堅回嚮之心永賴涵蒙  
之福

謝雨疏

雨暘失節民吏其憂方卜有祈先期是應精神所格在菲德以

何堪動植皆蘇惟大恩之莫報輒將卑懇以謝無私

謝雨疏

以雨為命南畝之民膏澤不時歲時何望將率僚屬有請于神  
密意潛通願答如響咸生皆遂厥功茂焉祇奠祠庭以謝靈貺

謝雨疏

時丁旱暵方增耗穀之虞佛示慈悲曲應精神之感膏澤一沛  
槁苗再生民有望於豐登國何憂于儲蓄恩波廣被法力難思  
益推利濟之仁永息蘊隆之害

祈晴疏

天作淫雨中將敗于西成民有肅心敢上干于北極念扞邊之  
師既力若調兵之食方勤必大積于廩困庶少寬于州縣願馳  
日馭亟屏龍工開晷晷晷晷晷晷晷晷晷晷晷晷晷晷晷晷晷晷  
爰快三農惟帝降衷鑒人歸命

祈晴疏

佛以度物為心食乃生民之命比者時陽不固暑雨既淫大貽  
南畝之憂將失西成之望仰伸誠祝上叩法慈惟放白毫光如  
一念頃被頑陰于四極瑩麗日於九霄永賴庇存益堅回向

祈晴疏

秋方登稔平鋪萬畝之雲時適歛收綿作彌旬之雨墮農功之  
垂就殞民心于載憂謹瀝丹誠仰投皇覺願轉回天之力潛施  
馭日之功亟掃妖氛廓開霽色耕而不獲念茲終歲之勤得之  
則生保此有年之喜

祈晴疏

文士頌

積陰作沴潤茲常雨之愆新穀未登懼失有秋之望敢禱凡懇  
仰扣覺皇惟薄示于能仁遂廓開慧照清風四起白日正中農  
畝既收軍餉無關吏獲逃于曠責民咸樂于豐年

祈晴疏

祈晴疏

秋日淒、亟隔為霖之害我悉與、莫輸是獲之勤惟軍食之攸資豈農功之可後仰祈佛慧曲贊天陽起眉間一毫之光群陰咸伏來郊外千箱之積百室用寧法力無邊凡情有賴

謝晴疏

秋霖敗獲仰二諦以興哀佛日當室肅羣陰而退聽聽聲歸誠之禮用酬從欲之人風雨攸除已丕承于法力婦子寧止更卒享于豐年

謝晴疏

李樂靜

佛果難量法門無礙天龍人鬼盡入提持地水火風一歸變現託化身于千劫拔苦道于衆生恭惟靈惠大師位證真乘功深願海自有唐開元之際夙種妙緣由先帝熙寧已來屢開靈感一方受賜萬目同瞻比者雨潦因仍河流漲溢蛙鳴薪灶十日不炊槎擁成樓四郊如海已危生于朝菌將葬骨于湖魚屢瀝丹衷累通玄鑒威神所應影響不違幹巨浸以東傾破重陰於一指天青月白鶴鶴爭飛野濶天平牛羊可數凡在含生之類共蒙再造之恩是用祇率屬僚肅陳淨供誓禪真信上報深慈惟願遍福于未來廣津梁于不倦使四時調序百穀滋豐豆少完

瘡瘡之餘永賴生成之賜

謝晴疏

歛藏任候繇為霖雨之灾齊沐致誠虔以瓣香之禱爾以農之  
勤苦見我佛之慈悲取墜景于虞泉飛祥光于若木是刈是獲  
亟如寇盜之空載笑載言永保室家之慶深仰無窮之惠空惠  
莫報之恩

謝晴疏

害衆盛而作霖雨方以為憂披雲雨務而覩親天醫誰之力賴我  
菩薩現大神通憫此衆生罹茲灾障頓息常陰之罰用成大有

之年以惠農工少寬吏責一心奉請已昭能應之誠稽首皈依  
難論無窮之報

謝晴疏

近以霖湯為灾盛陰積晦洎敷歛素詣叩慈仁果膺六度之虛  
尋弭三曲之患既垂真贖爰舉梵儀彌慶皈依庶伸謝答

祈雪疏

李樂靜

佛果妙圓法力平等雖無求而不獲須有感而後通敢竭精衷  
上干慈照比者冬陰不固時雪既愆幾成焦旱之灾竊慮疾疫  
之變伏願不違本誓力度有情俯為三日之期遍蒙一尺之端

永堅回嚮益勵齊嚴

謝雪疏

一雪應祈初無所報三春謹始預有所蘄爰際時日之良載選池亭之勝肅嚴供具繼雪燈輪彼衆有情感至道場之上此光無盡普輝法界之中庶仗妙因可裒勝果伏願大宋世界汝州管下時人安樂歲事豐穰同登道心各登佛地然後十方國土一切靈祇雖各有緣等同斯願恭惟三寶印知衆聖歆隆

播芳大全文粹卷八十一



聖宋名賢五百家播芳大全文粹卷八十二

疏

追薦

祖父忌辰道場疏

黃魯直

昔嘗遠事荷敢報之効勞今屬諱辰哀于冥漠式陳淨供少助善緣恭對覺皇表白

祖父忌辰齋僧疏

葛謙白

業鍾黑白各招果報之殊供及緇黃必獲超升之福仰憑二教  
追泐一靈先公持進伏願頴悟上乘長棲道廕法空五緼謹罷

蘊

三官聞圓音于五毫之前受秘錄于瓊章之上佛土三千界親  
禮世雄玉京十二樓徧遊仙境

祖母忌辰道場疏

朝夕寢門雖不逮事綢繆牖戶燕我後生適當屬續之辰深重  
降霜之感敬依梵刹延飯眾僧莫此妙因倘為冥助

祖母忌辰道場疏

昔嘗逮事早纏風樹之悲尚憶分甘莫致冰魚之養式逢諱日  
更切哀誠爰集苾芻之僧躬設伊蒲之饌冀憑慈力仰助超升  
伏願不昧本來承茲法施

祖母忌辰道場疏

瓜瓞有枝簡在夫人之德風板不淨實惟先君之恩爰屬諱辰  
式追冥福共惟大覺證知

薦考君設水陸疏

如來瞞野之神嘗懷悲濟之念慶喜見面然之士遂開拯拔  
之科三壇之施既泊子廣筵十習之愆必消于幽趣先考特進  
處辭昭代奄屆小祥痛惟罔極之恩爰投無庶之會歸依薩婆  
若廣誦修多羅以伽陀之會而施苾芻多之倫以蘇摩之燈而  
燭眩魔羅之界恩霑有頂法被無邊庶仗荐嚴上茲英爽先考

特時進伏願得柔順忍具智證通罪垢消除如風中之沙聚性真  
明悟若掌上之奄魔以五根五力之珠因證三耶三菩之妙覺  
薦考君懺大藏經疏

如來四十九年慈每興於五濁大藏五千餘卷法備演於三乘  
惟炎漢譯于摩騰泊大唐廣翻于玄奘道宏震旦教接迦惟釐  
為經律論之文大滅貪嗔癡之毒魔軍敗北信士指南皎如暗  
世之燈明濟若巨川之舡棧某纏哀涉岫歸命世雄爰親閱于  
琅函若面承于金口願憑妙利式存尊靈先考特進伏願絕邪  
見之稠林離三有之窟宅蠲除業障報障煩惱障安住業根信

根精進根觀史天中速覲九廊之院安養國內坐林七寶之池

皇考朝請忌辰道場疏

黃魯直

二親之年如白駒之馳過隙百身以報如一滴之益滄溟固極  
之恩永思思甚痛式當諱日恭設妙因儻成不二之音咸聞頓覺  
之路仰惟功德證知

薦考君書維摩楞伽金光明觀世音經疏

天乘梵乘欲頓超于法界筆施墨施可追助于冥途而况談盡  
不盡于毘耶之城說俱不俱于楞伽之嶺信相演偈于金鼓無  
盡施法于寶珠皆為法藏之秘文寔亦如來之了義慶書梵律

獲福河沙先考特進伏願避六賊之林射四諦之的絕攀緣于  
驕幢幻藥期超度于法棧慈航正語正業之道支速能證入無  
量無邊之佛土自下超升

荐考君道場疏

禮制有盡喪畢三年孝念無窮血露九地昊天罔極夫復何言  
恭聞諸佛示慈悲心行方便路胸開萬事誓度四生不以禮薄  
不足以藹馨香不以人微不足以感高厚憫茲荼毒與作津梁  
倘使滯魄凝魂得乘威光慧力回向初地不入塵流某也雖不  
能謝德於無私亦安敢忘情于不報

薦考君懺寶積經疏

葛謙白

迦文十百億身雖玉毫之末覩寶積四十九會皆金口之所宣  
爰歸命于竺坟肆親披于苔藓宜資法力亟拯幽途先考待制  
伏願斷有漏緣破無明闇滅瘴如風中沙聚見性如掌上菴摩  
覩如來微笑之光滅多生習氣之重為尊為上為妙永依三耶  
菩提作舍作救作歸即詣一生補處

薦考君天祥道場疏

邵公濟

元身已歿悵奄及于祥除令名益新既再蒙于德贈永念怙恃  
之德不酬覆載之恩惟慈勝峯近臨大墓祥光所燭吉地可通

躬即仁祠夙修淨供近痛無父之國舊悲見母之泉念孤苦之  
餘生宜委頓之末路未先犬馬空歎鳳麟追思先君子之平生  
當憑大菩薩之至鑒庶冥福之可存竭危懇之甚哀

薦考君飯僧疏

人生易失俄經六七之光陰佛慧難窮願照三千之世界庶令  
英魄徑達上方恭惟先考通直才富班揚學追孔孟蚤飛鶚表  
即馳譽于儒林晚奮鵬圖遂升華于仕版潔已以進直道而行  
不為矯拂以沽名獨秉公忠而報國一司邑尉宿姦皆逾境而  
去之四領縣章遠民有負子而至者治聲籍甚士論藹然俄均

逸于嵩山姑養高于淮甸故懷詩酒方陪蓮社之清遊脫羸形  
骸忽起蓬山之歸興念壽考本無足恨願追慕獨不能堪用傾  
欲報之情仰存無生之福某恩深鍾愛義即傳家處帝學者兩  
年妄希曾子之三釜距親闈者千里久稽何蕃之一歸既享晨  
昏視膳之心更廢疾病嘗藥之禮竟作終天之別徒增叩地之  
悲幸如來是真皈依使過去得大饒益雖善人何必多懺而哀  
懇由茲少伸伏願先考通直乘此妙緣悟諸無相蓮花不着水  
長解脫于九幽明鏡亦非臺自圓成于一性斯謂不亡之壽式  
寬罔極之恩

皇考忌辰水陸疏

三塗若海由一念以沉淪十聖覺航極羣迷而濟度蓋死生之  
大變隨罪福之所招故孝子慈孫捐百身而莫贖非利根上智  
墮衆惡以何知惟我先人早探真諦高明不亂琅然易筭之言  
寡慾無邪允矣齊心之力光陰迅駛諱日游臨願孺慕之如新  
痛仙遊之愈遠爰修淨供普薦含靈自九土之波翻積十年之  
雲擾或披堅執銳筋力斃於封陲或斬將搃旗骨肉高于原野  
孤忠莫白幽魄誰依矧荒歉之相仍致流離之不保赤子棄置  
于道路蓋無惻隱之仁白首枕籍于溝渠寧有益藏之望願依

秘印來赴梵筵澡沐壞軀歸投正法從無始之多劫息飢火之  
貪癡悟有生之皆空廓寬心于平等速資懺拔永斷攀緣仗先  
君為導師亟趨兜率與諸人為善友同證菩提雖所求者奢而  
所持之至挾將所格者廣寔所持之至誠集此無邊之妙因少  
鼎因極之隆施仰祈大覺俯賜證明

先妣忌辰道場疏

黃魯直

天地罔極初無報德之階日月不來每深濡露之感屬當諱日  
更切哀推爰以佛香普薰僧飯維九冥寂冥而積善之慶在心  
推諸佛慈哀則正覺之門有路伏惟萬德俯賜證知

薦母設齋道場疏

拔邪歸正回苦作甘援洎沒于濁流變清涼于惱地是諸佛之  
洪願也錫膚戴德擢髮數恩感天竦之甚勞嘆蓼莪之罔報是  
人子之哀情也職居中饋業墮浮生况茲有漏之軀動是無明  
之境則母親生之日也求免愆尤肅羞蘋蓀欲求懺悔祇啟具  
文資十善之津梁破三塗之苦惱則母親今之死也以諸佛之  
供誓憫人子之哀情知生日之愆尤知死後之懺悔歷陳血懇  
仰瀆鑒知

請佛心和尚為亡妣說法疏

孤子某今日襄事啟靈石山佛心大和尚升法坐為亡妣說一  
句偈言使幽冥有知得親覩佛面承佛音旨是某所以為人子  
者報答親生之萬一也

中原薦考妣道場疏

毛伯穎

生我劬勞罔極之恩曷報惟天陰騭予善之理弗渝故我佛以  
入俗利生之慈垂奉先追遠之教當衆生休夏之日寔禮典嘗  
秋之時霜露既濡慨增永慕蘋蘩可薦昭事如存以真常微妙  
之文濟解脫超生之路恪遵梵典恭設齋祠上以莊嚴諸聖於  
十方下以津濟含生于六道庶憑願力追遠先靈伏冀内外宗

親祖彌昭穆受生樂國咸知先佛之言餘慶流宗永錫後昆之  
社

薦母設羅漢齋疏

李去病

不忘付囑有大因緣廓六通之神悉知悉見出三昧之定來赴  
來臨為我母之導師登諸佛之補處下覃眷屬咸契願心

孟蘭盆薦考妣疏

葛謙白

日月其徂永勳劬勞之感霜露既降難忘悽愴之心輒緣自恣  
之辰虔啟解懸之會以酥醑之味而供十方調御以伊蒲之饌  
而延五戒桑門禮化佛之懺儀誦雨花之秘呪香普薰于三界

燈廣照于九幽叢此妙因用薦冥福伏願悟無生之忍盡有漏  
之緣百生千生乃至億生咸滌性遮之障一地二地乃至十地  
漸超正覺之門

孟蘭盆薦考妣疏

開除禁制實為大歡喜之辰升濟神明必仗解傲懸之會輒伸  
誠悃仰叩覺慈伏念某稟賦孤惛早失怙恃低徊仕路每興三  
釜之悲拯拔幽途尤念一乘之荐時蠲蒲供虔奉金容飯鷲嶺  
之高流演魚山之雅頌哀茲福利上薦尊靈伏願推煩惱之山  
裂愛慾之網心疑頓釋若解百壘之花中罪垢潜消如散八風



之沙聚早生淨土永脫塵緣

孟蘭盆薦考妣疏

孟蘭建會為一眾自恣之辰貝葉垂斜寔二尊追福之日輒憑  
梵侶仰叩覺慈伏願依最上乘悟無生忍業障報障煩惱障罔  
不蠲除信根定根精進根普皆證入受生補處得大擔荷持誦  
莪之章勞瘁忘敢于親啟孟蘭之會薦嚴恭仗于佛乘躬即寶  
祠用伸丹悃伏願領後三義悟不二門薩婆若海中備聞法要  
波羅密字內親覩佛光

薦考君懺華法嚴經疏

曹謙白

香水海中塵：盡為佛土摩竭國內句：皆演真乘能依菩薩  
之園林坐睹華嚴之境界先考待制伏願被精進之甲冑拔生  
死之於泥五根五力五覺支十行十住十回向普皆證入頓致  
圓明悟毘盧之法身不待寶金蓮綻受彌勒之祕記何須樓閣  
門開

薦考君着四大部經疏

竺乾遺教備演三乘寶藏疏文獨先四部爰肅亭于梵侶俾持  
誦于真詮恭啟法筵別施僧次設桑門蒲塞之饌焚此岸旃檀  
之香綜此殊休虔祈冥福先考待制伏願聞第一義入不二門

性業遮業則無不消融理障事障則悉皆開悟由寶積之路早  
登涅槃之山乘般若之船坐入華嚴之界

薦考君懺涅槃經疏

娑婆雙樹迦文顯示于泥垣拘尸大城師利親承于付囑雖金  
剛之身豈虧于堅固然玉毫之相稍闕于光明宜憑最後之談  
用作將來之眼先考待制伏願會無為之舍斷有漏之緣苦諦  
集滅道諦則無不證知常想我樂靜想則普皆證入百俱胝劫  
常現無邊之身一刹那門超生不動之國

薦先妣忌日親誦維摩楞伽金光明倫嚴圓覺法華經

疏

稱性宣揚義存貝葉悼先持誦福過河沙而况毘耶談不二之  
門楞伽演百八之句百劫衆惡懺悔入金鼓之聲一解六七綰  
疊契華中之喻銷幻翳而顯本性之不動滅化城而知二乘之  
非真是皆法藏之秘文寔亦如來之了義虔宣梵度用荐冥途  
先妣魏國夫人伏願絕邪見之稠林離三有之窟宅安養國內  
坐臨七寶之池覩史天中速到九廓之院

追薦考妣道場疏

李去病

父嚴遽棄愴已改於新年母慈大違痛又臨于諱日深念特怙

之德寔均覆載之恩願不孝不肖之餘生負未死未報之重責  
雖知已隔于幽顯尚求升濟乎神明恭揚貝葉之文妙設伊蒲  
之供伏願先修考撰先妣真寧願人初心不昧宿垢盡空直見  
佛于祇園不游魂于岱岳再念某近臨大墓啟肇新祠稍治林  
泉粗興土木不知忌諱或犯威靈雖妄作之過難逃而追遠之  
心可憫欲陰譴之獲免賴聖力以無邊柏茂松深天長地久靜  
寐已安于丘壟高名永播于古今盡力哀誠仰憑至鑒

薦亡妻淑人水陸疏

孫仲益

伏以常住真心一塵不立妙莊嚴海五濁皆空是故諸佛開衆  
生方便之門自然一念證無上菩提之路伏念某亡妻淑人章  
氏十年好合憂患歸離萬里來歸死生契濶屬臨諱日祇叩真  
乘宏宣多貝葉之文瞻禮青蓮花之座龍天釋梵水陸空行遊  
戲神通恭敬圍繞伏願淑人章氏厭離火宅超悟三乘縮疊華  
中解除六結後身了、畫沙之智已成曠劫冥、觀河之見不  
昧

薦妻懺親誦華嚴經疏

葛謙白

依輪困十萬億刹寔顯性宗訪知識一百十城俱談真諦欲追  
影福爰効薰持亡妻安人樊氏伏願壞無明鈎破隨眠甲視幻

境如熟時之燄消業障如風中之沙莊嚴閣前彈指親聞于彌  
勒蘇摩國內按頊常遇于文殊

介休縣君忌辰道場疏二首

黃魯直

穠如桃李鞠如松柏之陰潤有蘋蘩莫助豆籩之荐歲將二紀  
哀念如新式以諱辰敬修冥福願平生之競爽雖絕域而感通  
江山阻長歲月徂謝塚上之木已拱空中之言未寒屬當撒瑟  
之辰深念采蘋之助恭修佛供用薦冥途稽首覺皇俯垂哀救  
薦兄道場疏

入手

小子功名凜平生之壯志回頭夢幻悠去國之孤魂行闕

秋風忽辭塵土故鄉明月空撫松楸一旦生違百年死別念骨  
肉之恩莫報惟津梁之力可憑爰竭丹衷俯依皇覺夜臺寂寂  
幽明已隔於七旬法界恢恢煩惱頓超于六道

嗣功十八弟推官舉哀疏

黃魯直

禮服之哀雖名初從兄弟之義不異同生孤苦相依夷險一槩  
來問投荒之客書墨未乾追尋細席之言德音猶在不禍謂成  
山岳痛割肺肝然以宿植善根已成道種式延淨土少助勝因  
陳法祇于供園演金文于貝葉伏願嗣功十八弟推官最初一  
念不昧本來隨願世緣還為骨肉歸依大覺為作證明

薦男請長老陞座疏

鄧志宏

幻體反空已失倚門之望湖音振地寧須建鼓之求蓋禪悅之  
門不殊今古故遊戲之際可度人天惟止男甌寧令尹紹業箕  
裘律身冰雪雖苦學志于附鳳而涉世終于割雞陶令徑歸雅  
有林泉之趣子文無愠何妨菲葦之諛氣方凜于長虹身忽先  
于朝露欲追九泉之福可無一滴之禪而等寺有大比丘土面  
灰頭初不落于兔角拈花豎拂亦何與于卵毛盡吸西江均為  
法雨生吞粟棘高視叢林願假妙音喚迴英鬼已脫南閩之苦  
便躋兜率之遊

薦女水陸疏

孫仲益

伏以死生之分定應同露電之觀父子之情鍾尚懷駒犢之愛  
仰憑十力俯荐一哀伏念某亡女小師自天降凶遭世罔極父  
罹大謗罪遷于嶺表母懼不測憂死于尊中以熒熒童孺八歲  
之餘而呱呱號慕三年之久孤危極矣何恃而存疾病衆之遂  
隕其命念私門之降戾致穉女之蒙辜歲行一周生還萬里不  
免水火永負九原沈痛之寬示見神通獨仗諸佛慈哀之救是  
用集桑門之勝侶演秘藏之真乘洞然無藏之燈彌滿衆香之  
鉢海潮殷地花雨翳空升濟幽明皈依佛祖願止女洗心償一

念之債指彈斷三生之緣降伏衆魔滅除諸障觀一切有為之法悟四大無常之身普同有情俱證無漏

薦李氏女水陸疏

孫仲益

伏以衆生造十習因受無量苦諸佛證三摩地示大悲心一指彈而沙界已周五體投而應身出現仰伸弘願俯罄一哀伏念某人六妄所纏十生相續續屬免身之彌月忽遇疾而暴止四大無常百藥罔救恍如一夢已隔九泉念茲齧臂之初莫救投車之痛是用歸依寶王刹稽首大法輪發意圖成圖佇佛求應千燈普現八鏡交光五色摩尼照濁水之源百寶蓮花雨婆娑之界

伏願悟三生之宿障洗曠劫之塵勞破煩惱濁為解脫門斷生死根為菩提種滅諸國土障見自在天身如來會中作法王子三千世界十二類生同躋極樂之方共獲逍遙之果

舅母十三太君舉哀疏

黃魯直

從學外家早蒙慈誨竄身齋土孤奉至恩拜書墨之未乾忽訃音之來及瞻雲萬里空盡于一哀報德九冥恭投于三寶伏惟大覺証明

薦秦國夫人道場疏二首

歐陽永叔

淑懿之賢已賁追榮之典陰幽之助仍資衆善之因爰即華林

載陳法供真慈仁之遠被均勝利于無窮乘此妙緣超升福果  
覺慈廣被兼及于含生冥福所資必憑于慧力惟懿柔之秉德  
享壽考而有終隆眷以不忘集勝緣而增備願乘妙道超薦  
真乘

追薦請長老升堂疏

開闢已降惟佛獨尊供養之中以法為勝莊嚴此生祈為讚揚  
行解如師方堪舉唱潮音一吐沙界咸聞倘神識之有知庶輪  
回之不滯

追薦請長老升座疏

金甌浮雪玉篆團雲麝香奉珍蘋繁薦德以種供養種某所能也  
進禪說羞具法喜膳香浮乳酪味過醍醐以般若供養某所  
不能也蓋聞某師宗通說通我利人利以三昧口舌作六道津  
梁聲動人天恩滋存歿

追薦講圓覺經疏

邵公濟

四大分離誰為和合三世平等本無去來伏真滅空翳花了幻  
垢相依清淨願力了增上妙心永斷輪回徃大圓覺已向眼光  
落時薦取豈待葛藤髻頭方知普使一切衆生同證不壞法性

追薦設八菩薩道場疏

韓子蒼

有終有始維今古委化之常惟孝惟慈乃子母無窮之義况追  
感之無地而永別以終天表哀痛心必皈依佛是用雨夕薰修  
之勝會修八菩薩之道場伏願彌勒指南普賢灌頂地藏處堅  
固地觀音旃微妙音生生妙吉祥念念除業障虛空藏破開業  
力金剛手遮護凡情乘此大緣永歸如累衍子孫之順孝保門  
戶以亨昌凡厥有情同沾勝利

追薦道疏場

汪彥章

伏以即水成漚起滅孰為自性將花覓果因緣悉是無明益圓  
通一了則觸境皆真取執二途則無方不得况履六塵之搖奪

瑞

妄隨四大以拘纏現前而互別群機究境而本無一物出沒死  
生之若海生成煩惱之癡根月以指標詎可指端而認月跡因  
空有云何跡內以忘空若非法力之宣揚誰識心源之解脫是  
佛慈悲之勝力隨人方便以開權伏念某人慧性夙明真詮冥  
契昔時鷲嶺同為聽法之人今日龍宮偶墮無甯之數自返涅槃  
槃之趣俄興窈窕之哀雖多生分段之何常然善眷攀援之恩  
極是用前瞻端相恭啟琅函乘微笑而演圓音說大乘而專滿  
字願託人天之調御長陪帝率之遨遊于彈指頃而超過十方于  
刹那間而普知三世維摩室內頓憑燈相以回心舍利緣中



速轉女身而證道

追薦東坡先生疏

李方叔

端明尚書德尊一代名滿五朝道大不容才高為累惟行能之  
益世致忌媚之為仇久蹭蹬于禁林不過故去遂飄零于瘴海  
卒老於行方幸賜環忽聞亡鑑識與不識固不盡場間所未聞  
吾將安做皇天后土知一生忠義之心名山大川還千古英靈  
之氣繫斯文之興廢占吾道之盛衰茲乃公議之共憂非門人  
之私義所恨一違師席九易歲華意徒生還為死別慕子首築  
場之意每聲哀誠誦普賢行願之文庶資冥福阿僧祇劫為

轉法輪兜率陀天頓居福地仰祈諸聖俯鑒微情

追薦秦太師齊僧疏

濟世出世圓機益本全提捨生受生游戲不妨自在要知無上  
妙用當屬沒量大人恭惟太師申王愍海懸百戰之難起石室  
三昧之定出赤子於兵火置之清涼立皇基于金湯屹然鞏固  
既畢濟于悲願乃復歸於淨方彼時此時初無差別前佛後佛  
皆我導師尚不忘于津梁俾悉趨於覺路

追薦曾丞相疏

毛伯穎

人之云亡時既傷于殄瘁士為知己義不負于幽明故相黃公

披禍亂以立朝廷荐賢才而報人主功虧一篑恨徒積于重泉  
難贖百身墳已荒于百草山川悠遠歲月眇徂永懷夙昔之音  
容誰主春秋之祭祀丘墟東閣空嘆彈鋏之聲慟哭西州莫致  
生芻之奠屬此中原之日聊伸下客之情憑仗佛乘資荐冥路  
伏願聰明徇達之性不昧本來清淨莊嚴之鄉早登解脫法界  
海惠猶如虛空世世生生相為善友

追薦席大資疏

高山仰止方勤模範之依深柱摧乎忽報光靈之殞歎斯文之  
將墜悼知己之難逢江海修塗訃音遠至衣冠清議悲憤同聲

梁

天道難謀百身何贖撫棺一慟奔馳難造於几筵築室三年封  
植未知于丘壠興言及此墮淚何勝惟憑西竺之淨緣仰薦東  
維之逝鬼歿故叅政大資相公伏願本來道學不時死生夢寐  
可占猶識衛公之精爽山邱所歷還同謝傅之生存證嚮真乘  
超登覺路一彈指頃徧慈氏樓閣之遊正法眼中入普賢得願  
之海

追薦秦少游疏

蘇東坡

生前逆莫益緣氣合而類同死獨未忘將見情鍾而禮具伏為  
歿故少游秦君學士早雖穎茂觸事遭<sub>連</sub>迤晚向仕途方需祿養

未獸北堂之歡樂遽逢南海之播遷頓足牽衣哭妻孥于道左  
 含酸吐苦頷鄉國于淮壖首尾八年憂驚百能同時逐客膺大  
 需而盡復中原唯子莫年厄終窮而歿于瘴域林泉夜夢猶疑  
 杖履之並遊風月扁舟尚面江湖之共泛追傷何補焚誦乃功  
 庶杖真詮掃除夙瘴而况真源了了素已悟于本心淨目昭昭  
 無復加于妄翳便可神遊淨土岸到菩提永依諸上善人常住  
 無所還地

追薦馮太學疏

李去病

伏以鄉閭晚輩每望先生之後塵詩禮衰門豈有孺子之可教

辱知辱愛愈久愈新念臭味之偶同譬諸草木而蹤跡之相避  
 動如參商夢寐常勤于寸心寒溫久廢于尺紙以一介煙沉之  
 舊當眾人趨附之初媿無因以得前安所恃而自棄三薰三沐  
 方圖晚節之歸一死一生已抱窮天之恨式陳淨供仰存冥游  
 既宿植于善根想益堅于願力諸妙樓閣早伺彌勒之登九品  
 蓮花永受慈尊之記

追疏邵先生疏

毛伯穎

築室三年悼光靈之浸遠生芻一束慨精爽之如存敢果秘言  
 少資冥路某官文章爾雅德義可尊况鬼浮魂當作山川之網

紀格言善行蔚為老成之典型壽考歸全哀榮無憾願垂歆答  
早遂超升垂裕後昆克保韋平之繼世鑒臨知舊永為孔李之  
通家

追薦知命百日疏

黃魯直

脊鴿在原汝有急難之義虎兕出柙我無保惠之功書墨未乾  
訃音來即水火不免將何面以見先親股肱或虧念誰依而終  
晚歲逮此卒哭幾於無生躬掃祕園親供緇侶冀憑大覺之力  
少慰九冥之思稽首慈尊惟垂悲救

聖宋明賢五百家播芳大全文粹卷八十三

祝文

國家祈禱祭祀

明堂大禮冊文

汪彥章

昊天上帝

嗣天子臣某敢昭告於 昊天上帝伏以明：在上臨照四方  
惟我邦家夙膺景命世修禋類猥及冲人祇見合宮敢忘其舊  
謹以玉帛犧齊粢盛庶品肅恭禋祀式展誠欽 太祖啓運立  
極英武睿文神德聖功至明大孝皇帝 太宗至仁應道神功

聖德文武睿烈大明廣孝皇帝配神作主尚嚮

皇地祇

伏以肇禋明堂嚮帝之盛於赫厚載與天同尊二儀合祛厥有  
常典敢罄齊粟用祈頌歆謹以玉帛犧齊粢盛庶品肅恭禋祀  
式展誠欽 太祖啓運立極英武睿文神德聖功至明大考皇  
帝 太宗至仁應道神功聖德文武睿烈大明廣孝皇帝配神  
作主尚嚮

太祖 太宗

伏以於皇祖宗肇有四海陟配上帝百年於茲渺然冲人嗣主

茲祭報以崇極舊章敢忘謹以制幣犧齊粢盛肅恭明薦侑神  
作主尚嚮

太廟

伏以維德不類嗣承明禋乃洎剛辰祇見上帝燕及宗祏垂休  
亡窮謹以嘉玉量幣柔毛羽鬣明粢薌合薌其嘉蔬嘉荐清酌  
式陳明荐尚嚮

明堂大禮奏告諸陵宗廟祝文

汪彥章

伏以自頃郊見復茲歲臨將擇季秋之辰恭惟重屋之祝

明堂大禮奏告太祖太宗祝文

汪彥章

伏以比蠲剛日恭致嚴禋昭五室之祿容輯兩朝之靈貺禮有  
登配神所頌歆爰殫孝饗式舉累朝之典不敢不告

大禮畢恭謝景靈宮諸殿神御祝文  
汪彥章

伏以此比即崇筵具陳嘉玉幸高穹之頤答知景祚之靈長坐格  
熙成實詒燕翼敢懋菲涼之質永承錫羨之休

改元奏告天地社稷諸官觀祝文  
汪彥章

比以荐更大故思靖群生乃即履端之辰博稽居正之義疏恩  
肆肯易號冠元尚祈降鑒之明克集係隆之慶

太后受冊祭告祝文  
蘇東坡

祇事親闡庶幾孝治配德祖考既務極於惟崇篤生眇冲亦敢  
忘于褒顯將奉寶冊率循舊章洎日甚良先期已告

公主下嫁祭告祝文  
汪彥章

天屬至親王姬貴胄爰卜國婚之吉茲逢后族之良車服有輝  
將成夫婦之教著龜咸喜爰知祖宗之心謹以良辰申茲吉禮

大明祝文  
葛侍郎

惟帝神龍感厚瑞火名官斷操操之功垂憲億代今歲將道盡聚  
物蒙饗其敢之先農之祀

后稷氏祝文  
葛侍郎

惟神帝武赫靈覃訂稟質教民粒食民以弗飢月臨嘉平土反  
其宅司嗇之祀敢効吉蠲

歲星祝文

葛侍郎

惟神著象圓清騰光下土安靜中度為時之祥赤黃而沉農扈  
告念國有儲時繫神之休

脩前殿告祭祝文

歐陽永叔

神遊所格秘寢有嚴役事時興方勤于締葺后祇安靜頽懼于  
震驚菲薦式陳明靈昭鑒

繕治禁河祭告河神祝文

天子以別都之重原廟之嚴而宮殿未崇制度多畧既勅有司  
以時繕治矣然山高谷深水所不至故園囿池沼之大灌溉滌  
濯之用綆挽並汲不足以濟乃者吏嘗架河膚引金水屢作而  
輟績用弗成今奉詔旨疏渠于七里之川役不淹時功用克立  
謹消元日達此新溝惟神之靈實相帝社濬道之始敢不昭告

太一宮修殿告祭祝文

蘇東坡

於穆祠宮有嚴春祀史以時而按視工揆日以修完庶就潔新  
永綏靈御仰祈昭鑒大庇含生

洛陽天津橋導水祝文

竹隱時士

寢

崎



洛陽天子之別都宮殿在焉而馳道之衝梁毀弗治吏既失職民以病涉其實奉詔典司役事屬徒數方興作累月而雨潦弗作癘疾莫興是神之有大賜于茲役也今梁既克建工用告成謹導大川于此穀旦伏願沛然就下陰賜護持顯揚善利之靈祇若大君之命亦有幣帛潔盛以永事神不怠

洛陽天津橋成導水祭神妃祝文

竹隱畸士

自江河淮濟以達於海凡水暨之所神輒董司之朝廷所以屢進封爵而褒顯神之功德者可謂備至矣豈不以利澤之及于物者廣且博歟今洛水貫于西都而天津之梁跨立其上工既成矣方將導川而東之吏則不敏弗能稱職意者非神之威靈有以陰相而默助之殆且莫之託也敢消吉辰先事以告維神降格實頌歆之

太廟繕治祭告祝文

蘇子由

廟室久矣霖雨乘隙飭工繕治運日告虔棟宇益堅威靈無竦繕治禁河祭告河神祝文

竹隱畸士

洛川之陽芒山之麓宮闕在焉地既積高水則弗至而苑圃池沼之大灌溉滌濯之用凡所以奉至尊共朝夕者無所仰給吏用是懼之距城之七里實得美泉方將繕治隄防溝而約之禁

中此神之職所宜聞也凡事之始不敢不告

景靈宮修水渠祝文

蘇子由

雷宇邃嚴周渠捍密有司繕故以時易新既命消辰敢告經始

修諸壇告祭祝文

壇壝之嚴神明所格以時修舊式叶彝儀消此吉辰用申昭告

洛陽橋成導水祭洛神祝文

竹隱畸士

昔者禹得九疇肇自龜書周人定鼎卜維洛食天下名山大川之神助國者蓋亦多矣然帝王之興洛輒預有符焉神實司之可謂盛矣今宮闕居其陽馳道出其上其奉詔旨為梁以濟賴

神之休既克有成方且導川而東之謹消吉辰先事以告伏願彌節安行波恬不興毋作怒流以順帝命則神亦有無窮之聞願不偉歟

上清宮成詔告諸廟祝文

蘇東坡

上清儲祥宮成敷宥四海均福于下有詔守臣凡在秩祀罔不祇荐惟神導和却沴保民無疆以稱朝廷至仁之意

修城門告祭祝文

宋子京

國塗南出城闔內嚴將屬煙燔稍加修飾挿壘丕集穿築為傾仰冀靈休助竣役事

修殿門告祭祝文

宋子京

此儻庶工聿新嚴闔日無淹久績乃雄成上棟有初擊舉云息  
俾陳令荐以答潛休

陵山一路告祭祝文

楊大年

太宗皇帝龜洛開符龍輜戒道仰秦鑿之廟貌陳周禮之樽彝  
用昭格于神明蓋聿修于彝典恭惟正直俯鑒吉蠲

扁鵲祇宮興沚汾水登遐驅八翼以啓行屆雙鳩之舊壤瞻龍  
顏其如在顧蜃輅以難留謹用苾芬以求昭嚮厄井

脫狝人寰遺弓遷路爰屬因山之禮用修假道之宜仰惟窈窕

之容俯鑒馨香之奠左夫人

鑄鼎功成夢齡數迫卑陌之笳簫載咽鮒魚之弓劍有期式瞻  
廟食之靈恭展德馨之奠救拔山神

厭世上仙因山啓卜儼塗芻而成列奉窀穸之有期爰假道于  
嚴祠輒薦誠於薄酌右夫人

龍鑣上漢鳳翼戒途爰陳掃地之至誠用告拔山之英魄仰惟  
如在俯鑒惟精大力

飛名帝錄釋負人寰玄堂將瘞于衣冠清祀式陳于醴尊度修  
彝曲俯鑒丹誠五通

運屬冥升災興夕駕祀國動崩天之威橋山當復土之期式瞻  
西伯之嚴祠近在東周之舊壤恭陳清酌用告明神周文王  
攀髯不駐復斧云歸儼天仗以徐行指虹橋而徑度聿陳薄酌  
用告明靈金鈞

乘雲不返同軌有期儼龍馭以凶行指虹梁而利涉聿修祀事  
式薦明誠任店

安御容祝文

歐陽永叔

宗廟之禮是為典彝衣冠以游實有故事載嚴嚴寶構以奉威靈  
消吉月以有初庶真馭之斯格

遷御容祝文

蘇子由

終南積高神明是宅仙廟夙設容御攸存屬當圖新敢忘遷寓  
少祈安妥旋復故常

安御容祝文

歐陽永叔

雨水為災殿塗增緝亦既新於叢構庶來復於真游爰揆靈長  
冀茲安妥緬為慈佑丕鑿乃成

安御容祝文

蘇東坡

於皇在天不冒下土矧此山陵之近顧瞻兩都宅于嵩洛之間  
上聯五聖有嚴淨宇祇奉眸顏願追梵釋之遊永答人天之望

安御容祝文

蘇東坡

唐虞稽古雖絕名言文武重光已新叢構下慰華夷之望仰摹  
天日之容將住宅于靈宮永懷攀慕願少安于祕殿庶盡瞻依

郊禮赦書告祭百神祝文

竹隱畸士

皇帝陛下親政之五年民人協和天地並况符爾玉自出瀉災不  
與消選元辰躬奉郊祀被甲子詔書凡郡國山川百神之在令  
典者吏趣潔齋具荐嘉音惟神顯德實佑斯民其敢不虔肅致  
明祀益廣惠澤以稱我天子之休命

德音告祭諸廟祝文

竹隱畸士

皇帝仁聖敬恭明神勤勞萬機北爽和豫明詔惻怛惠寬因辜  
申命有司嚴舉祝事惟神胙國導迎喜氣佑我元后並臻平康  
俾我永承事不怠神亦與有無窮之休

登極赦告諸廟祝文

皇帝聖德克堪對天惟新陟王付畀重器初以冕服臨見羣臣  
天人和同不約共慶被庚子詔書凡名山大川與諸廟食之神  
勅吏以時咸秩祀事肆用諏日荐陳犧牲神其燕歆相我后以  
永天之命

德音祈福祝文

天以聖母用綏定我國家今功業方凝內外禔福乃降災疹以  
弗康于寢興皇帝孝恭肆用齋粟祇懼不愛牲幣以徧請于郡  
神惟帝神降衷右我文母蠲去藥石並臻夷瘼則惟帝神之靈  
其曷敢不報

北岳祈福祝文

惟我文母擁佑聖皇勤勞邦家功在社稷爽于夙宵上用祇懼  
勅遣守吏潔齋以祈願錫祉福並臻平康俾我聖皇共養不怠  
我亦以幣與牲俟帝休命

被詔告祭諸廟祝文

惟聖御極立愛惟親廟明靈所依罔不欽奉肇告實宇以寧列聖  
之神祖宗頌懷報以景福明昭祇栗弗敢以專申命有司成秩  
祀事具薦豐潔神其鑒之

赦後祭告諸廟祝文

蘇叔黨

恭惟王上欽崇天道敷佑下民躬荐徽稱以嚴上帝沛鴻恩以  
率土秩元祀於百神乃眷明靈實系化育名紀載籍功冒黎元  
冀昭鑒于德音益導迎于和氣均播厥福永孚于休

日食祈禱祝文

蘇子瞻

嗚呼日官底日實昭天戒正陽之朔將有薄食上心震懼側身